

中國第一歷史檔案館
遼寧省檔案館

編

中國明朝檔案總匯

(八一)

廣西師範大學出版社

中國第一歷史檔案館
遼寧省檔案館

編

中國明朝檔案總匯

(八一)

廣西師範大學出版社



目錄

崇禎存實疏鈔

三卷

吏部尚書李長庚等為強賊越城行劫事題本	崇禎六年正月初六日	五
吏部尚書李長庚等為太康伯張國紀察比前例進封侯爵事題本	崇禎五年十二月二十七日	一三
兵部尚書張鳳翼等為預整戰守之局事	崇禎六年正月初六日	一九
兵部尚書張鳳翼等為酌議招練兵馬存留募補事題本	崇禎六年正月初五日	二五
兵部尚書張鳳翼等為叛首被戮叛黨思逃請勅調舟師事題本	崇禎六年正月初七日	二八
兵部尚書張鳳翼等為應勅按臣審明陳思忠具奏事題本	崇禎六年正月初六日	三九
巡視廠庫工科給事中文士昂等為年終稽覈錢糧察參奸玩員役事題本	崇禎五年十二月二十八日	四〇
刑科給事中吳甘來為拜命嵩祝願執要任事題本	崇禎五年十二月十九日	四六
四川道試御史盧經為仰體皇上求治之心謹陳必收之效事題本	崇禎五年十二月二十日	五一
刑科給事中李世祺為軍政與吏治俱弛將才與治才并急事題本	崇禎五年十二月二十一日	五八
工部尚書周士樸等為報新置器甲等項事題本	崇禎五年十二月二十八日	六三
禮部主客司署員外郎事袁繼咸為主聖臣直請睿度優容以擴言路事奏本	崇禎五年十二月十七日	六五
吏部尚書李長庚等為推補福建布政使司右參議事題本	崇禎六年正月初六日	六九
吏部尚書李長庚等為推補江西按察司副使事題本	崇禎六年正月初六日	七〇
吏部尚書李長庚等為推補山西按察司副使事題本	崇禎六年正月初六日	七一
兵部尚書張鳳翼等為秦盜稍得清理等事題本	崇禎六年正月初七日	七二
監視薊鎮東協太監張國元為前鋒哨至駱駝山與夷部接連等情事題本	崇禎六年正月初八日	八二

吏部尚書李長庚等為推補雲南按察司副使事題本	崇禎六年正月初七日	八四
戶部尚書畢自嚴等為漕糧拖欠等事題本	崇禎六年正月初八日	八六
戶部尚書畢自嚴等為庫貯各項匱乏等事題本	崇禎六年正月初八日	九三
兵部尚書張鳳翼等為流寇再犯濟西等事題本	崇禎六年正月初八日	一〇三
兵部尚書張鳳翼等為遼東巡撫方一藻塘報夷情事題本	崇禎六年正月初九日	一一七
兵部尚書張鳳翼等為江北盜黨流劫沙民驚擾等事題本	崇禎六年正月初八日	一二〇
兵部尚書張鳳翼等為覈議昌兵缺額招補立營事題本	崇禎六年正月初七日	一二七
工部尚書周士樸等為請益甲缺額銀咨會總理庫銀挪補事題本	崇禎六年正月初八日	一三一
工部尚書周士樸等為關寧選兵立營議將廠庫益甲酌發事題本	崇禎六年正月初八日	一三五
工部尚書周士樸等為訪獲埋藏軍器事題本	崇禎五年十二月二十七日	一三八
工部尚書周士樸等為察參經管起解久未到部錢糧各官事題本	崇禎六年正月初七日	一五一
總理戶工兩部事務太監張彝憲為參處解餉差官等事題本	崇禎六年正月初九日	一五二
總理戶工兩部事務太監張彝憲為請會同諸臣折驗草朶事題本	崇禎六年正月初九日	一五六
日講官禮部左侍郎王應熊為言官造誣不情事奏本	崇禎六年正月初六日	一五八
禮部尚書黃汝良等為遵旨清察錢糧事題本	崇禎五年十二月二十六日	一六二
戶部尚書畢自嚴等為經費日繁日詘等事題本	崇禎六年正月初七日	一七一
工部尚書周士樸等為年終稽核等事題本	崇禎五年十二月二十八日	一七七
刑部尚書胡應臺等為遵諭備陳湔除事宜事題本	崇禎六年正月初八日	一八五
戶科都給事中許世蓋等為給事中吳南灝接管察覈餉務事題本	崇禎六年正月初三日	一八九
福建道試御史祁彪佳為條具民苦請賜寬恤事題本	崇禎六年正月初七日	一九一
督發關寧援兵太監高起潛為岳將綁獻二賊門子洩密事題本	崇禎六年正月初五日	二〇九
監視薊鎮西協太監鄧希詔為邊工緊要事題本	崇禎六年正月初八日	二一二
刑科給事中李世祺為主事周鑣具疏不當祈恩寬宥事題本	崇禎五年十二月二十一日	二一六

四卷

中府經歷司經歷孫一經為偽官結黨通虜等事奏本	崇禎六年正月初八日	二一九
兵部尚書張鳳翼等為遼撫方一藻塘報夷情事題本	崇禎六年正月初十日	二二八
吏部尚書李長庚等為請允調道臣等事題本	崇禎六年正月初九日	二三〇
吏部尚書李長庚等為伍邊軍需告匱等事題本	崇禎六年正月初九日	二三五
監視大同糧餉太監劉文忠為察參外解米豆短少及谷碎不堪事題本	崇禎六年正月初六日	二四三
監視大同糧餉太監劉文忠為報佛僧與奴插講和事題本	崇禎六年正月初六日	二四六
戶部尚書畢自嚴等為餉銀誤解助工等事題本	崇禎六年正月初十日	二四九
戶部尚書畢自嚴等為遵旨會察撫賞事題本	崇禎六年正月初十日	二五三
戶部管理明智等草場主事馮名世為場蠹播惡艱深等事奏本	崇禎六年正月初十日	二六〇
監視大同糧餉太監劉文忠為風災異常事題本	崇禎六年正月初六日	二六四
戶部尚書畢自嚴等為殲叛屢奉明旨等事題本	崇禎六年正月初十日	二六六
兵部尚書張鳳翼等為協援誼難稽時等事題本	崇禎六年正月初八日	二六九
兵部尚書張鳳翼等為孔賊渡海乞飭諸臣乘變急攻事題本	崇禎六年正月十二日	二八四
兵部尚書張鳳翼等為捉獲奸細真夷事題本	崇禎五年十二月二十七日	二八九
吏部尚書李長庚等為推補廣西恩軍民府知府事題本	崇禎六年正月初十日	三〇六
吏部尚書李長庚等為晉省縣令一時乏人事題本	崇禎六年正月初十日	三〇八
監視大同糧餉太監劉文忠為察報大同鎮收放等事題本	崇禎六年正月初六日	三一四
兵部尚書張鳳翼等為請勅發島餉事題本	崇禎六年正月十三日	三一五
兵部尚書張鳳翼等為報遼東蓮花山夷情事題本	崇禎六年正月十三日	三二〇
兵部尚書張鳳翼等為請嚴限邊臣等事題本	崇禎六年正月初十日	三二三
乾清官管事太監王國治等為奉旨驗試軍需事竣事題本	崇禎六年正月初十日	三三九
監視薊鎮東協太監張國元為招接來鄉已充營伍等事題本	崇禎六年正月初十日	三四八

監視大同糧餉太監劉文忠為請裁可省公費等事題本	崇禎六年正月初六日	三五一
總理戶工兩部事務太監張彝憲等為解銀輕重不同等事題本	崇禎六年正月十一日	三七〇
工部尚書周士樸等為西北綢繆宜豫等事題本	崇禎六年正月十一日	三七二
吏部尚書李長庚等為推江西按察司副使黃承吳補布政司右參政事題本	崇禎六年正月十二日	三七八
吏部尚書李長庚等為職方久任逾期等事題本	崇禎六年正月十一日	三八〇
兵部尚書張鳳翼等為裁減義兵銀兩以充兵餉事題本	崇禎六年正月十二日	三八四
乾清宮管事太監康朝為中軍李正芳押解車輛折銀瓜分等事題本	崇禎六年正月十一日	三八六
吏科左給事中阮震亨為政本關係最大等事題本	崇禎六年正月十三日	三八九
禮科給事中盧兆龍為奉差事竣等事題本	崇禎六年正月十一日	三九四
總理戶工兩部事務太監張彝憲為嚴剔漕弊等事題本	崇禎六年正月十三日	四〇一
兵科給事中史可鏡為陳鄉兵伍議責令察核事題本	崇禎六年正月十一日	四一三
忠勇營中軍太監馮允升為暫駐建昌擇地演練驃騎兵馬事題本	崇禎六年正月初八日	四一九
監視薊鎮東協太監張國元為據東來難兵供稱東奴窺犯事題本	崇禎六年正月十五日	四二二

崇禎存實疏鈔目錄

崇禎六年正月

初八日

吏部一本

又一本

兵部一本

又一本

又一本

又一本

巡視廠庫給事中等官文書等本

刑科給事中吳甘來一本

四川道試御史盧經一本

刑科給事中李世祺一本

工部一本

強賊越城行劫等事

題看實可進等罰俸調簡

皇仁浩蕩等事

題太康伯張國紀蔡比前例進封侯爵

預整戰守之局等事

覆監視關寧太監題戰兵擇精守兵擇常馬價補馬事宜

酌議招練等事

題山永巡撫谷以宋紀調補左營遊擊

叛首被戮等事

題李賊被戮賊黨疑懼該撫監鎮設法急攻

塘報事

覆監視登島太監呂直題應勅按臣審明陳思忠具奏

年終稽覈錢糧等事

題察數鋪戶陳敬等久領預支銀拖欠錢糧初部奉究

泰運將新等事

題拜命普尚祝願執要任人振起新猷

仰體皇上求治等事

題崇禮總賄臣守律法預備兵餉暫行開採等項

軍政吏治等事

題請我任能職在樞要願召二臣面講求之

恭報新置器甲等事

題湖廣治送弩甲進呈御覽

禮部主事署員外郎事主事袁繼盛本

主聖臣直等事

奏南部臣周鎮疏指內臣望賜優容

初九日

吏部一本

缺官事

題推福建布政使司右叅議

又一本

缺官事

題推江西按察司副使

又一本

缺官事

題推山西按察司副使

兵部一本

秦盜稍得清理等事

覆陝西總督洪承疇題秦晉諸將盡歸曹文詒調度

監視薊鎮東協太監張國元一本

遠哨事

題前鋒哨至駱駝山失部接連等情

初十日

吏部一本

缺官事

題推雲南按察司副使

戶部一本

漕糧拖欠等事

覆監視薊鎮太監鄧希詒題督糧道嚴等包攬親驗乾潔

又一本

庫貯各項贖等事

題督師僧支關庫錢糧應議還該庫開銷

兵部一本

流寇再犯濟西等事

覆河南巡撫樊尚燝題會兵亦聽豫撫調度

又一本

塘報事

題遼東巡撫方藻塘報夷情

又一本

江盜黨流劫等事

覆應天巡撫莊祖誨題將之倭改補劉河守備

兵部等部一本

工部一本

又一本

又一本

又一本

總鑾左兩部太監張昇憲一本

又一本

日講官禮部左侍郎王應熊一本

十一日

禮部一本

戶部一本

工部一本

刑部等衙門一本

戶科都給事中許世盡等一本

遵旨明白具奏事 覆旨鎮督治侯伯題昌兵缺額招補立營

經略定等事 題撫臣楊嗣昌復請益甲缺額銀咨會總理庫銀那補

預整戰守之局等事 題關寧選兵立營議將倣庫益甲酌發

訪獲埋藏軍器事 題蘇州等捌府積通軍器責以帶徵察照完欠降罰

察參已報起解等事 題浙江三省起解軍器延緩立限該撫按去訖

參處解餉差官等事 題參領解差官樊問知解餉日久未到

請旨會同諸庫等事 題草場小脚銀首黑爛勒部科道折案察驗

言造誣不情等事 奏被言賜片

遵奉明旨等事 題年終備開闕出欽賞見貯銀兩候領員名

經費自出等事 題五年編審縣禁賄囑為衙察隱冒編定造報

年終督効等事 題歲終考成苦無職名題明察聚方行題參

遵奉勅諭事 題謹遵聖諭備陳前除事宜

欽奉明旨事 題本科給事中吳南瀾接管察數餉

福建道試御史祁彪佳一本

仰體聖仁等事

題條具民苦帝徵預徵蠲免等事

督發關寧援兵太監高起潛本

塘報事

題難民供稱岳將綁獻三賊門子洩露等情

監視薊鎮西協太監鄧希詔一本

邊工緊要等事

題邊地先寒春秋兩班併發興工

刑科給事中李世祺一本

聖度以虛受等事

題主事周鑑具疏不畱所恩寬宥

中府經歷司經歷孫一經一本

偽冒結黨通虜等事

題手執單款叫冤宋之相之勒衙門擬罪正法

吏部尚書臣李長庚等謹

題爲強賊越城行劫文武怠玩疎防護據實糾叅以儆積玩
以重城守事考功清吏司案呈崇禎伍年拾壹月貳拾陸
日奉本部送吏科鈔出兵部署部事左侍郎楊一鵬題前
事職方清吏司案呈崇禎伍年伍月拾肆日奉本部送兵
科鈔出直隸巡按胡志藩題崇禎肆年捌月貳拾貳日奉
都察院勘劄捌月拾伍日准兵部咨該前按臣胡良機題
前事等因本月初叁日奉

聖旨據奏縣城縱盜劫掠出入自如文武各官好生玩怯劉以
守范學周等俱著分別議處雲中南路諸城係何官管理一
任軍丁占隱道臣清釐原屬專責何云勅部責成著胡良機
嚴行振飭仍察明所屬姓名并廢弛情形具奏該部知道欽
此欽遵移咨備劄前來奉此俱經案行該道嚴察去後續
據分守冀北道山西按察司副使竇可進呈稱蒙此俱經

備行大同府遵炤節行事理并駁批情節逐一清理復察及守催去後今據該府申稱隨經備行南路復察去後今據該路通判萬代新牒稱隱占之弊種種不一有備把諸人苦無役糧或因書寫奔走暫免差操者有姦頑書隊借事朦朧及至臨點雇張作李者有無恥青衿結把市猾或全名自占或半分其精弁屬不敢指斥州縣莫可誰何者沿習已久武備全弛此所以劇盜入城而軍士不敢櫻其鋒也緣繇具聞到府該知府張抑之看得南路各城堡軍士隱占有人冒餉有數廢弛情形該路備言無復再議緣繇開冊到道看得南路諸城逼近山西草梁山與代州振武衛村堡地相錯壤年來征調頻繁民力已竭於是草寇嘯聚橫肆劫掠而應山一帶逼處其間本道嚴督官兵時勤勦堵寇盜聞風遠避地方似相安矣不謂突有山陰城之素封郭一俊多金慢藏致劇盜生心操刀入室攫金越

城而出該城縣令守備縣所巡捕把總提封百里保安四境乃其職掌何嚴城之中夥賊公行若罔聞知荷戈乘障之卒焉往擊柝巡警之兵何在事關地方咎將誰諉則典守者難辭其責矣今縣官守備已經具疏叅劾其馬邑應州懷仁西安與山陰接壤雖境內無虞然影射積習若出一轍均有冒占之弊則均難免弛備之咎宜分別併議今據府路俱經一一清察指名似無遺漏緣繇具呈炤詳該前御史胡良機批詳語未便回

奏該道斟酌另詳蒙此隨經備行大同府逐款逐名一一對質根究妥確分析列款造冊議詳及守催去後今據該府申稱看得設立軍士月給糧餉時加操練以備戰守也豈容各項隱占糜餉蠹

國哉今逐款逐名察審明白備造草冊統候轉達回奏或按法究處或令改圖自新申詳到道看得南路陸城堡

八
守操印捕把總等官以及生員隊識隱冒軍士於中弊習
本道前詳已備言之矣但彼時原據州縣守操經歷等官
開報事多游移尚無的據今蒙批駁若非拘執面質終難
成案恐畱辯隙事關回

奏不得不爲慎重但地方既遠弁屬多員占役人衆一時拘
集未便備行大同府就近逐款逐名一一嚴究今據該府
申詳前來本道覆審逐款質議惟是人數衆多不便入招
謹造細冊伏候裁奪回

奏除馬邑城守備張于魏已該大同監視內臣劉文忠疏叅
解京山陰城守備范學周日前失事已經別案議罪外等
因於崇禎伍年叁月初陸日呈詳到臣該臣細加簡核中
間占冒名項尚未名列覆行駁察去後本年肆月貳拾柒
日據副使竇可進覆詳造冊到臣臣謹會同大同巡撫張
廷拱看得雲鎮諸路俱瀕虜巢獨南路陸城設在腹裏自

款貢以後邊塞救寧玩愒廢弛所繇來漸矣方今東西多
故盜賊充塗而在事各官乃敢泄沓玩縱虛冒若此臣等
遵奉

明旨再三嚴察至隱占官軍俱已細核詳確其清釐整頓道臣
原屬專司權無可諉其管理廳官則陞任嘗三錫見任萬
代新亦應爲法受過責無可辭至隱占軍糧不法官生姓
名備造細冊徑送部科察核不敢瑣塵

御覽其原經失事知縣劉以守被劾去任訖守備范學周等業
已問明擬罪另疏具

奏外伏乞

勅下兵部再加察核酌議上
請行臣等逐款分別正罪具

奏施行等因崇禎伍年伍月拾叁日奉

聖旨兵部知道欽此欽遵鈔出到部送司案呈到部看得雲中

南路各城占隱軍丁相沿爲弊者非止壹人自守操印捕把總等官以及廢弁生員隊識無不有占歲糜額餉操練無聞何怪盜賊之公行而無忌哉按臣駁察至再業經該道冊報姓名俱已詳確如先任叅將今已故褚堯庚守備王士俊王志平蕭維劉管成指揮王選黃鉞千戶鄭九邊周麟許承爵陸奕忠鄧毓秀百戶談經汪應吉許首薦金學孔巡捕周鎮邊千總郝起調操守張允聖把總奚貢鄉官總兵宋偉生員景象傳勛夏從新隊識楊孜陳天興楊冲劉伯祥王居簡曹圭劉選李廷相黃金葉仁嘗士可林七一宋晉受張英林鐵柱蘇士良馬玉等皆應

勅下該按究問分別所占之多寡而輕重擬罪者也若道臣專司察覈而實可進不聞釐剔管理廳官陞任嘗三錫見任萬代新甘同猫鼠俱應聽吏部議處其失事知縣劉以守與守備范學周等已經被劾另擬無容復議矣既經具題

前來相應覆

請伏候

命下遵奉施行等因崇禎伍年拾壹月貳拾叁日奉

聖旨軍丁原備守禦乃占冒侵餉以致盜賊縱橫殊可痛惡本
內守操等官都革了職併各員役著該巡按御史提問分別
追擬具奏竇可進嘗三錫萬代新俱著吏部議處奏奪欽此
欽遵鈔出到部送司案呈到部看得竇可進職在清釐任
人隱占至盜發無荷戈之士城中有失事之虞是豈所以
肅激循而飭邊政乎念已經降肆級姑令罰俸壹年嘗三
錫萬代新經管糧餉坐視虛糜責以見任職司何辭疎縱
固其繇來已非壹日陞任亦難辭愆合無將今陞永平府
同知嘗三錫就原任通判調簡僻用萬代新於見任降壹
級管事既經兵部具題前來相應覆

請合候

命下臣部移文各該撫按衙門遵炤施行

崇禎陸年正月初陸日

初捌日奉

聖旨占軍冒餉漫無清覈以致盜劫公行道廳各官所司何事
竇可進著再降一級萬代新降二級俱炤舊管事嘗三錫以
通判降二級用

吏部尚書臣李長庚等謹

題爲

皇仁浩蕩篤親誼渥懇乞

聖明恩隆一視恪察

舊制以炤

曠典以優懿戚事驗封清吏司案呈奉本部送崇禎伍年拾貳

月拾壹日吏科鈔出中軍都督府帶俸少保太康伯張國

紀奏稱竊臣中土豎儒叨列

國戚際遇不長久虛

盛典幸值

聖主開天仁覆廣布念臣爲

懿安皇后之父加之宮階進之伯爵

恩出踰涯揣分知媿安敢妄生覬覦諸如護送

光宗貞皇帝梓宮并大祥行禮又如

熹宗愍皇帝梓宮發引係臣忝充奠獻使并領

勅護侍及小祥大祥直宿

祭告屢蒙

恩遣以至奉安

熹

宗愍皇帝神主最稱鉅典獨臣效有勞蹟至於助工助餉犒軍

運米一切急公微念又先諸戚而首倡者臣俱未敢循例

妄瀆嗣後游值

大典甘宇向隅凜凜惟隕越是懼所有

誕育聖儲

冊立青宮際此隆遇臣亦未敢輕冀加恩今當

璇星歲周

命名禮成

少海澄波正

君父萬年之長呼高侍澤實臣子一日之遇臣因是備察得戚臣凡遇

特典無不享有侯封如

孝元皇太后之弟郭振明封博平侯

孝定皇太后之姪李誠銘封武清侯

孝靖皇太后之姪王天瑞封永寧侯

孝和皇太后之兄王昇封新城侯獨臣忝屬

懿安皇后之父勞蹟似倍諸戚

恩數未蒙一視此列侯榮封臣不得不仰遵

舊制控額於

聖明之前而期

曠典之聿新者也况

皇上孝友普著萬國歡騰值此

聖誕伊邇之辰諸凡遐邇臣子列在班行者見臣一旦得廁侯

封之末則莫不知

皇上之特恩馭臣因知

皇上之特恩遇

懿

安皇后矣有不普天同慶也哉伏乞

皇上察炤博平侯等例

予晉侯爵俾臣得身膺五等之榮自永矢

萬壽之祝

曠典昭而

皇仁均矣等因崇禎伍年拾貳月初拾日奉

聖旨該部知道欽此欽遵鈔部送司案察天啓肆年拾月內該

少傅兼太子太傅前軍都督府帶俸博平侯郭振明奏乞

比例進封侯爵等因奉

聖旨郭振明係

皇妣懿親自當從優著炤王昇例進封侯爵祿米依舊支給該部

知道欽此隨該本部覆

請爵名奉

熹宗皇帝聖旨是郭振明准進博平侯欽此又該後軍都督府帶俸少保兼太子太保永寧伯王天瑞奏乞此例進封侯爵等因奉

聖旨朕念

皇祖妣誕育劬勞仰體

皇考孝思推恩外戚自當優渥王天瑞准炤例進封侯爵祿米炤舊支給該部知道欽此隨該本部覆

請爵名奉

熹宗皇帝聖旨是王天瑞准進永寧侯欽此欽遵今該前因通察案呈到部看得張國紀

璇宮懿戚久沐

皇恩茲因屢次

大典效勞思欲仰邀

異數援

列朝篤親之舊例希

聖主反愛之新恩計

熹宗在天之靈亦必爲之欣慰者既經具奏前來又察有博平侯郭振明等前例可援相應炤例題

請但

恩典出自

朝廷臣等未敢擅便伏乞

勅下臣部遵奉施行

崇禎伍年拾貳月貳拾柒日

陸年正月初捌日奉

聖旨懿親加恩自有酌裁已有旨了以後該部察例還宜確覈

兵部尚書臣張鳳翼等謹

題爲預整戰守之司以爲制虜急著事職方清吏司案呈奉
本部送該監視薊鎮東協署理關寧太監張國元題稱竊
炤疆場喫緊無過關寧今再奉

明旨驅逐夷僧而喇嘛及今三至屢據回鄉口供四酋已離巢
西行旦夕狂逞戰守之策誠不容一刻緩者今將關內外
兵馬通行整頓戒嚴以備勦禦蓋分合不預定臨事未免
葛藤戰守不先分則當機或生觀望所宜亟爲料理者也
今就臣監視信地自永平至寧錦延袤陸米百里馬步軍
兵經制已定所食糧餉按月給散戰守勦禦責復何辭臣
炤得關內以守爲戰守兵不妨於多關外以戰爲守戰兵
不妨於倍而戰守之兵又當分額定制則平時訓練戰者
一意習戰守者一意習守將士臨期自無推諉調度之法
誠莫過此矣臣自出關閱捌城察勘經制其額設馬步軍

兵經制米萬員名臣以戰守之數分而策之合無統將捌城兵馬總計其數每城酌用守兵若干其餘兵丁悉挑其精健馬步相兼立爲貳大營以爲應援之兵其山海壹鎮除肆路各邊守城守邊之外亦將撫鎮道標下兵丁挑出馬步立爲一營如寧錦之制步兵專習火攻營伍短兵接戰馬兵以備衝殺邀截其經管將領擇其驍勇傑鷙慣經戰陣者一遇警報各營將兵輕裝宿飽呼吸立應其派守之兵日習城守號令火攻諸法虜犯關外則關內戰兵急出夾擊虜犯關內則關外戰兵速入援截勢如率然奇正間出無事之時仍就各城信地朝夕訓練則我之兵雖分而實合雖寡而實衆虜縱狡逞而我堅甲利兵星馳電擊足制其死命矣臣之議原非經制之外有所更張添設不過就額設之兵特加整飭使兵將之心確然各就其所職掌不致於玩愒推諉如前混雜而誤軍機也但今兵丁馬

匹器械盔甲缺少者尚多其該撫鎮道所設處者固自不遺餘力其無米之炊實難措置者伏乞

勅下該部作何處置星夜發來入伍訓練以備戰征庶可少寬聖明東顧之憂爲一時備禦之算也臣已會同山水撫鎮道臣

楊嗣昌等及寧錦撫鎮道臣方一藻等僉議相同合行題請管窺愚見未審果否合宜乃臣草疏已畢據回鄉屢報逆奴

西行旦暮不測東協極衝之地調度戍守最宜加倍今新題經制如建昌路新兵各營已設一協將足以提掇燕河路界嶺青山箭桿各營已有一鎮臣足以指麾而石門路有極衝之口數處雖設有肆營漫無統攝恐臨敵難於調度宜設一協將炤建昌路冷口之制其兵則不過就新兵各營擇其居中要害者去一營將設一協將隆其體統給以關防竝無添兵增賞之優而事權確有歸一則責成易而臂指之勢聯矣此亦撫鎮道諸臣所共酌議者非臣敢

私議建設也事勢緊迫不避憚煩顙

告伏乞

勅下該部詳議施行等因崇禎伍年拾貳月貳拾捌日奉

聖旨該部看議速覆欽此欽遵到部送司案呈到部看得奴使
參來參拒慚憤必甚固當有一狂逞今邊臣所傳離巢西
行之說卽其嚆矢矣監臣商確戰守兵之分派具見籌邊
苦心卽前部臣肆陸精嘗之議亦已默寓戰守之分而近
日撫臣進陸爲捌減肆爲貳與監臣并貳求精之議似更
妙於戰守之不分矢蓋守兵之不能戰者有之未有戰兵
而不能守者今使果能捌精貳嘗則固已戰兵多守兵寡
矢又况在捌精之上乎人盡堪戰而誰不堪守者然奴利
野戰不利攻城則我兵又當以守爲實著而不以戰爲嘗
試者故戰兵當於精中更擇其精不在於多守兵當於精
中差擇其嘗不貴於少善用兵者精嘗平日預定戰守一

呼便集今經制之定久矣至此時而始分戰分守紛紜更置將邊臣之居平料理何事乎臣部以爲撫鎮道經營既久不應復有疎漏

皇上但以戰守機宜責成之或分或合聽其隨宜損益似不必代爲謀遠爲制也卽參協舊制壹大帥參副將聯絡策應何嘗不密今東協增一大帥矣石門各爲肆營不過一路而有一路將又添一協得無十羊九牧乎卽建昌之設協恐亦非久計似應聽鎮臣之約束爲長若關內關外之有急互應誠輔車唇齒之誼有必不容諉者至於馬匹器械之缺少盡責邊臣設處恐難立辦除器甲聽工部議覆外所請馬匹先經臣部題發太僕寺寄養馬叁百匹再支庫貯節裁銀伍萬壹千爲關門市駿之需今察有陝西苑馬寺解至太僕寺伍年分正馬并補馬共伍百匹該寺議發寄養目今夷氛蠢動合無一併押解該監分給寧錦以供

哨探可也既經奉

旨看議相應覆

請伏候

命下遵奉施行

崇禎陸年正月初陸日

初捌日奉

聖旨關寧嚴備奴逞已有屢旨一切戰守分合機宜該撫鎮平時必預行料理今但須申明號令鼓勵精強有犯卽摧聞警協應以圖萬全勝著不必遙請致誤軍機馬匹准炤數給與其蠢動情形著遠偵明確不時馳奏

兵部尚書臣張鳳翼等謹

題爲酌議招練兵馬存留募補事宜仰請

聖裁施行事職方清吏司案呈奉本部送准山水巡撫楊嗣昌咨稱本月初貳日准兵部咨該本部題覆前事奉

聖旨這驍騎伍營其水兵城守兵營各分派命將事宜俱依議所請關防條記著禮部鑄給欽此欽遵備咨到院除朱國柱馬友功楚繼功劉肇基等行令任事水營見擇府佐借租造船及另議將領外察得親丁壹營已

准分立應用都司統領部疏內稱撫臣自有稔知堪用之人非他卽招練鎮中軍都司宋紀是也本官父任遼左久歷衝邊且明智計練鎮初設一切治兵除械料理頗盡其能本院擬置親營以資籌畫近因左營移駐平山內有先年島兵王奉龍等潛想出關藉端生釁詎及本官叅將黃得功幾於不安其位隨遣紀往彈壓遂復帖然今已踰月在平

山者開集立市採木建房欣然成久駐之營而自關外搬取家口前來至無壹兵越逸調馭亦云善矣若黃得功起自行伍目不知書誤用主文之人且多醉飽之失已暫解其兵柄商之鎮道咸謂摧鋒敢戰驍勇實罕其倫貳卯干城棄之更爲可惜畱置標下違短用長必有可觀後效則此貳官總在院屬互相更調宋紀以原官都司管驍騎左營遊擊事黃得功以原官叅將管親丁營都司事可也遵炤部題近例員缺一面委署一面咨補擬合咨請爲此合咨前去兵部煩請察炤更調具題施行等因到部送司案呈到部看得關撫標下新立親丁壹營應設都司壹員統領訓練撫臣楊嗣昌原擬以守備宋紀填補前缺近因驍騎左營移駐平山內有烏兵懷土生衅本管叅將黃得功不能籠馭遂致飛語詬詈嘖有煩言賴宋紀調停而軍心帖服撫臣因請以宋紀調補驍騎左營遊擊員缺其黃得

功雖誤用匪人而驍雄沉鷺撫臣不欲以貳卵棄之擬將
調管標下親丁以策後効察能授任俱有攸當相宜如議
調用以資料理第宋紀原官守備非都司也體統輕恐不
足彈壓合量加都司職銜管左營遊擊事可耳既經具咨
前來相應題

請伏候

命下將宋紀量加都司僉書職銜管驍騎左營遊擊將軍事黃
得功以原官叅將職銜管山水巡撫標下親丁營都司事

崇禎陸年正月初伍日

初捌日奉

聖旨是

兵部尚書臣張鳳翼等謹

題爲叛首被戮叛黨思逃懇

勅調集舟師水陸夾剿以收全局以杜禍蔓事職方清吏司案
呈奉本部送該山東巡撫朱大典題稱自大兵圍登以來
賊每出闖圍悉李九成統衆挑戰兇惡凜悍不畏死拾
壹月拾壹日被箭落馬免脫入城亦可少挫其氛矣乃初
貳日復持鳥槍徒步犯我壕塹自恃器精技巧可擇人命
中其氣甚梟鋒甚毒也乃我兵壹鼓奮銳殺賊甚多九成
遂頭中叁刀脖中壹刀而死羣醜擁屍而入哭泣之聲達
於城外越壹日據難民口供九成之妻妾爲孔有德所逼
縊死又以壹人壹馬爲殉同所衣蟒玉焚而瘞之矣自是
賊衆鼠伏狼顧無復大隊闖圍之事擒獲難民周全供稱
李九成死後各賊分定船隻派定水手又將裝運賊夥名
數榜於船面見今領出蔴灰桐油星夜修船等情據此則

遯海一著端不虛矣蓋賊首中惟陳有時李九成最稱桀
驁敢當我軍其向來踞登黃陷招平而久圍萊郡者悉二
渠爲前鋒

天厭其惡有時砲殛於門村九成刃死於城下有德等方殷脅齒
之懼羣脅從亦動狐兔之悲膽無有不落者遯海一著勢
固不得不然乎臣與監按諸臣謀之樹納降旗於牆外射
免死帖於箭端或以離其交或以散其黨多方以間之母
奈狡賊之威劫術籠衆不爲動也斯時不急攻之轉眼春
和必且揚帆四出若攻之急而海腹不堅堵截無具且不
待春和鼓棹去矣則陸資水以壯聲援水亦資陸以爲倚
角可不詳籌而熟計乎登船蚤爲賊踞所存寥寥旅順關
寧已成畫餅所幸津撫鄭宗周本憂時熱血出濟變弘猷
無船而募船無兵而設兵咄嗟立辦以千人配參拾艘於
拾壹月初米日已抵丁河唯是以壹船修桅致各船阻凍

迄今尚膠河口距登萊百餘里將來恐海冰已解而河冰未泮卒難得其力耳頃者島帥黃龍差官領餉准該鎮手本向臣索船赴旅載兵而不知登若有船自能設法出海又不須仰援於鄰鎮矣若是而龍其足恃乎爲今之計惟有仰藉淮安江北之水犀

慨發參千駕坐原艦星速赴登布列於長山廟島之間臣等督率馬步兵丁參面攻打使賊陸不能櫻水無所避籠鳥金魚人心潰亂瑕乃可乘或一鼓而登埠或聚謀而縛獻計日可期否則明恃出海爲活路雖有驃騎驍將何能制其死命使之息心悔禍將終聽其奔逸流毒滋大耳臣准部咨內奉有淮揚等處整勵嚴防之

旨竊料彼中水兵久已整棚以待臣愚謂此賊與其遇之既出海之後不若堵之於未出海之先卽欲畫地分防與其遇之於既入境之後又不若堵之於未入境之先倘其飭備

船兵部署能將統領抵登同臣等合力夾勦較之待賊臨境而收焦爛之功難易自倍是江淮水營之調援誠時刻不容緩者也再炤元兇賊首連殺其貳見在孔逆等如翦雙翼如失兩手我兵奮銳敢不謂奇但賊膽愈寒無心戀戰我兵徂勝未免生驕一有懈弛倘爲謀者窺伺九仞一簣千係殆非細故也臣同監按諸臣嚴檄鎮道轉行將領倍加偵哨一切攻具器藥俱已充裕相機勦取不遺餘力固不敢株守而待帆檣亦不敢以海爲卸而置水濱於不問也伏祈

勅下兵部再加覆議速調淮揚水兵參千星馳援勦併申飭鎮將整備戰守一體遵奉施行殘疆幸甚微臣幸甚等因崇禎陸年正月初貳日奉

聖旨逆賊通誅水陸夾勦屢旨申嚴乃島師久怯不前津師又藉口修桅阻凍離登寥遠至江淮整備雖經預飭果否水兵

船隻一呼立應有濟目前且既稱賊中渠殲黨亂亟宜乘機
銳擊設法招降蚤圖底定豈容刻懈致誤春和縱逃兵部馬
上馳飭仍將調發事情確議速覆欽此欽遵到部送司案呈
到部除隨卽馬上馳飭外看得逆賊食盡計窮必思逃遁
遯海壹著委宜嚴防撫臣欲得江淮水犀參千布列於長
山廟島擁戈船而夾擊誠爲必勝之圖察淮揚兵久奉

明綸未見作何整朔臣部差官陸守仁於前月催督迄今亦未
得回音卽使饒有帆檣恐大海茫茫難期風汛況江淮船
平底涉海又非所宜卽來亦不過防廟灣等處臣部當再
遣官促發然而無濟於目前也關寧水兵已於本月初貳
日差官鄭逢時飛咨調取倘得波臣助順或不難鼓柁而
前卽可會合津師協謀進剿惟是春融凍解我可揚舲東
下賊亦能夜出天橋矣幸今李賊被殲賊衆搖搖不定正
合張疑設伏盡力急攻此時內應果眞當必有斬賊酋來

獻者

明旨所謂乘機銳擊設法招降已盡行師之妙是在該撫監鎮多方鼓勵無失事機耳既經奉

旨確議相應覆

請伏候

命下遵奉施行

崇禎陸年正月初某日

初捌日奉

聖旨淮揚水兵既稱不便著整檄督發移泊近海相機防禦闕
寧兵船飛檄調取會同津師併力扼殲其招攜奇聞事情已
有屢旨著該撫監等官深計密圖爾部卽行馳諭

兵部尚書臣張鳳翼等謹

題爲塘報事職方清吏司案呈奉本部送該登島監視太監
呂直題稱崇禎伍年拾貳月初伍日據副總兵吳安邦塘
報本職屢奉相機勦賊之檄除嚴飭在船官目遵依外於
拾貳月初叁日據原差赴各島燒荒舵工楊應時等回稱
長山尚有遼賊在彼煎鹽以供城內賊用等語職謂鹽薪
均係賊中急需之物夫旣已遣船沿燒而煎鹽之賊尤當
勦捕以窘其用本日偶值順風差海防左營中軍周陞帶
領加銜守備胡光國劉用世千總王之里把總厲應元陳
文學座駕捕盜張科蔣時斌顧忠王忠於國泰唬船伍隻
統帶兵丁捌拾名於貳更時分開洋去後至初肆日辰時
各船回信據中軍周陞報稱本月初貳日蒙本鎮差本營
舵工楊應時駕船往長山等島燒荒當差跟役戴祚密囑
偵探燒鹽情形於本月初叁日據祚回稱長山王家溝有

鹽場幾處煮鹽窩鋪卑職隨報本鎮蒙差卑職督同守備
千把總胡光國劉用世千總王之里把總厲應元阮國相
等督駕捕盜張科戰船伍隻乘夜飛渡至伍鼓時各船隨
至王家溝比時黑霧迷空未便登勦卑職傳令各船靜泊
口外黎明與光國等鼓衆一擁而上行至里許賊見我兵
突截各穿紅帽紅衣挺戈相拒後見職等大隊齊至攔命
奔逃陳文學石有成等忙追當時刺死遼賊割取首級參
顆擒獲煮鹽難民孫烏張起亮等共玖名其鹽場所貯樵
拌及煮積食鹽盡行燒燬并打壞煮鹽大鐵鍋伍口見獲
鍋伍口賊槍貳杆賊刀貳把紅帽肆頂紅號衣壹件及審
各難民供稱所斬遼賊內有壹名張得第認係專管燒鹽
守備後因雲霧大作且聞賊船屯泊長山廟島數多因令
各船收兵歸信等因初陸日又准總兵陳洪範手本爲密
遣民船拏獲從賊船兵事本月初肆日據副將衛天中塘

報備稱奉遣職等初壹日帶領官丁喻思賢等肆拾名卽駕預先所覓民船叁隻前到黑山廟島暗去燒船燒草行至長山近岸望見山上有瞭望火光暗地上岸登山搜獲從賊船兵水手方汝遠等壹拾肆名到職隨發坐營副將史大勳審據方汝遠等供稱向在黃總鎮下海防左營張弘驃下喫糧玖月拾壹日蒙黃總鎮差副將龔正祥帶領遠等前往登州水城北門貳拾米日攻打水門貳拾捌日因風大打破船隻逃奔長山島躲避本日又遇白叅將帶船陸隻亦被風打壞船同在長山島住劄不意賊於拾月初貳日統領多船前赴島中搬運柴草遇敵被擒將遠等安插在島發付賊將戴夏貳遊擊收管打草燒鹽延命又據方奇供稱向在水城賣酒生理因兄方大順托付王千總於拾壹月貳拾貳日隨賊船出島打柴遇叔方汝遠畱在島中打草又據吳從化等供稱玖月初伍日隨吳副總

兵往廟島本日攻打水門玖月貳拾捌日壞船奔避長山
島拾月初貳日聞賊吳副總兵駕船往南因船少人多化
等不能跟隨逃匿小甸子石洞內因見方汝遠等來島同
謀扎筏思渡不意初叁日卽被賊擒燒鹽打草又據張應
元等供稱玖月貳拾壹日俱隨叅將白來譽從三山廟島
防守被風打壞船隻遇賊拏住只得投順在島本月初貳
日蒙差衛副將按山捉獲各等情又審得陳思忠正遇衛
副將擒拏忠卽將腰牌拋海拒敵方奇衣服異等帶有銀
戒指等物且親兄見在水城開當托付王千總往島打草
出入自如其情形語言似皆甘心從賊者今據審前情據
此復審無異看得方汝遠等拾貳名原係各鎮將船兵被
風颶開逃奔島中雖爲賊役使亦勢不得不從與甘心投
順者有間情似可原至於陳思忠旣知官兵到島不卽歸
順且將腰牌拋海拒敵方奇親兄開當水城出入自如則

貳賊無辭於從賊之跡矣各等因到臣准此該臣看得各島潛賊一面盤踞海中掣舟師之肘一面載運鹽草延旦夕之命是逆賊退身窟穴而遙藉聲援者也今周陞衛天中各有擒獲亦足徵同讎之志而奪逆賊之氣矣等因崇禎伍年拾貳月貳拾捌日奉

聖旨該部看了來說欽此欽遵到部送司案呈到部看得賊以島爲生路運草煎鹽絕無顧忌衛天中周陞等能輕舟梭緝擒斬多人亦制賊一奇惟止戰船伍隻民船叁隻萬一遇賊高檣而出不幾以扁舟爲孤注耶此後更宜多方布置賊寡則可分擒賊衆則能合擊始爲海防要著耳至於生擒方汝遠等拾貳名勉強爲賊役旣與陳思忠方奇之甘心從賊者有間應

勅下該按臣逐一審明務得情實分別具奏其周陞衛天中先行紀錄俟事平一併彙敘可也旣經奉

旨看議相應覆

請伏候

命下遵奉施行

崇禎陸年正月初陸日

初捌日奉

聖旨方汝遠等併陳思忠等著該巡按御史確審實情分別奏
奪周陞衛天中准與紀錄候敘其防海搜島多方布置事宜
著該撫監詳籌嚴飭行

巡視廠庫工科等衙門給事中等官臣文士昂等謹

題爲年終稽覈錢糧察叅姦玩員役以祛積蠹事案炤先准

工部營繕清吏司手本該巡視廠庫工科等衙門給事中
等官萬象春等條陳凡遇年終本科道備將工部一應預
支銀兩及外解等項錢糧有拖欠日久不行補納者有投
批到部全未上納者亦有錢糧固完批號未銷徑自逃回
者悉行察叅仍立爲定則歲一舉行等因該工部覆奉

欽依欽遵在卷今炤年終例應察覈備將各該未完事件移文
工部營膳等四司回覆前來臣等逐一細加察覈除營繕
都水屯田三司間無鋪窯等役拖欠預支及各司領銀違
限未久并工程未完者俱免槩叅外察得虞衡司鋪戶陳
敬等久領預支銀兩未經扣銷或見在延捱不畏追比或
脫逃日久尚未拘獲均屬違玩法應叅究至四司所隸省
直歷年拖欠未完額解錢糧一併開列催解伏乞

勅下該部將陳敬等察覈分別應追比者嚴行追比應叅問者
炤例送問應提究者各行各該撫按嚴加提究其各省直
府州縣官雖考成之法三五申令竟玩視

上供軍需等銀輸將軍至自非地方有事寧無侵那別項情弊
似當察明嚴催并行題叅庶姦玩知警積弊可除錢糧完
納有期而臣等之職掌少盡矣

計開

舖戶陳敬承辦援遼貓竹葦蓆天啓貳年陸月內領
過價銀肆千柒百貳拾兩

已完銀貳千柒百柒拾兩玖錢玖分肆釐伍毫柒

絲

未完銀壹千玖百肆拾玖兩零伍釐肆毫叁絲

舖戶陳敬承辦援遼鐵彈天啓貳年柒月內領過
價銀陸千伍百柒拾柒兩肆錢陸分鐵彈並

未上納

鋪戶陸棟承辦援遼鐵彈天啓貳年米捌月內領過

價銀陸千伍百兩

已完銀伍千叁百零米兩米錢捌分肆釐

未完銀壹千壹百玖拾貳兩貳錢壹分陸釐

鋪戶陳敬承辦援遼硝黃天啓叁年肆月內領過價

銀伍千伍百兩

已完銀肆百貳拾捌兩肆錢

未完銀伍千零米拾壹兩陸錢

以上肆項拖欠年久不完屢經題叅歷奉

明旨咨行浙江撫按守提婁文質正身屢行咨催未到

守備張左高天啓貳年承辦軍需廠城守竹木等項

領過價銀叁千壹百陸拾肆兩水腳銀伍百

兩本官提解到部監故行文原籍拘拏家屬

變產屢行咨催未到

舖戶許志陞承辦南部崇禎肆年分例銅貳拾萬斤
南部咨報發過銀壹萬貳千兩南部咨報先
解銅鉛拾萬斤於本年捌月初陸日解北交
納見過務銅鉛貳萬伍千斤其餘未經過務
交納

舖戶徐奇領司錢壹千兩應辦銅鉛捌千叁百叁拾
叁斤叁兩

已完銅鉛柒千肆百斤

未完銅鉛玖百叁拾叁斤叁兩著落保人諸章名
下追比交納

舖戶史汝霖傳誠瑚徐允達領司錢壹萬兩該辦銅
鉛捌萬叁千叁百叁拾叁斤

完過銅鉛柒萬肆千捌百壹拾柒斤陸兩俱係徐

允達傳誠瑚完訖

未完銅鉛捌千伍百壹拾伍斤拾兩係史汝霖名下全欠

各省直拖欠四司額解銀共柒拾肆萬壹千柒百伍拾伍兩陸釐貳毫伍忽捌微肆纖貳沙

營繕司未完銀貳拾萬陸千伍百壹拾壹兩叁千捌分柒釐貳毫貳絲壹忽伍微伍纖

虞衡司未完銀壹拾捌萬肆千貳百壹拾玖兩壹錢玖分壹釐伍毫陸忽伍微玖纖貳沙

都水司未完銀壹拾肆萬玖千捌百柒拾捌兩貳分肆釐

屯田司未完銀貳拾萬壹千壹百肆拾陸兩肆錢叁釐肆毫柒絲柒忽柒微

崇禎伍年拾貳月貳拾捌日

陸年正月初捌日奉

聖旨據奏省直歷欠四司額解銀兩多至七十餘萬如何該部
未見察叅平時但稱匱乏著行奏明仍將追徵責成事宜嚴
議具奏其姦鋪久領預支延捱逃躲法應提究追比通著開
列來看工部知道

刑科給事中臣吳甘來謹

題爲

泰運將新

嵩呼同慶敬陳日新之要以當萬年之祝事臣珥筆無長進參

梧掖感被

恩遭未知所報拜

命之初適忭集

虹祥春回

鳳曆太平有道之長繩繩振起臣際遇颺言思所以稍有當於
嵩祝者竊惟商湯之銘盤也曰苟日新日日新又日新自崇禎
元年積而至今伍年亦日新之遞呈也然而

皇上所以日新者非徒歲月而在夫治

國家理人民也且夫新之象爲生生不已日之極爲悠久無
疆歲漸月砥無旦夕之効而有遠大之功則自伍年陸年

以至千萬年治奏邳隆民安物阜尤

皇上日新之遞至也

皇上英明振作宵旰爲勞無刻不整釐無事不綜核乃至諸臣難憑權宜別出所欲一新

中興美蹟者甚亟而臣顧回頭細數之肆年伍年以前若人
才可疑也錢糧可問也兵馬可察也刑罰可明勅也邊垣
營堡器具可從新料理也而自近載以來所收用人實效
者何若錢糧逐一算結稍有節存者何若兵馬兜底察明
漸見實在者何若法司訟獄漸覺明允省罰者何若牆堡
之堅瑕工作之疎密不借稽察爲冒破者何若且方茲歲
序歷更而用入行政糧餉兵馬法紀營繕實可收效於陸
年終者又將安在

乾運正長

鼎圖方壯必一一而勤

至尊之聰明瑣瑣而煩

聖明之睿察中外臣工能不忤報無地臣愚謂受任各有主者責成誰能旁卸當此百弊具剔之時雖才具短長難副

明作而

功令森布共慮身名但使肺腸盡滌精神竝起卽件件未必停妥著著尚需了會津涯有在要領可尋夙累暫除新氣特鼓功罪不必張皇疑信總聽

聖鑒集彼忠益定致雍熙自古聖帝明王卽有矯勵之法尤有執要之法更有從容感動之法刻舟求劍者有之見塗張弧者有之然而將成大者不取小將致遠者不旁顧我皇上宜何如深思焉

祖

宗立法犂然具備成規故在未之有改顧貳百餘年來有極治之時亦有滋亂之時者何也則以行法者或未得其精神徒拘其迹似也臣嘗考周官之法精粗畢具矣乃孔子之

對魯公則曰爲政在人取人以身修身以道修道以仁後
儒註曰必有關雎麟趾之精神而後可以行周官之法度
然則大綱小紀

會典誥令律例諸書致治之成規也書稱率祖易贊包荒神
而明之存乎其人

皇上修德凝道與春好生從諫如流任賢勿貳嘉與大小諸司
暢茂新猷則致治之

聖主也逐事究詰新矣而綱舉目張則更新明罰勅法新矣而
赦過宥罪則更新萬心凜懼新矣而一心愛戴則更新彼
爲一時之振飭此爲長治之永圖其理悠遠其數生生耳
誦

聖德者曰四時之氣俱備按月令者曰方春而行仁政臣不避
謗劣所祝

聖壽無疆願

皇上深切廻環者始終此日新之說焉伏惟

皇上俯賜詳納幸甚

崇禎伍年拾貳月拾玖日

陸年正月初捌日奉

聖旨朝廷欲振新猷止須臣工實圖釐飭毋得僅託條議該部知道

四川道試御史臣盧經謹

題爲仰體

皇上求治之心謹酌必收之效以策太平事臣以乙丑進士戊辰授行人伍年馳驅未有靖獻荷蒙

聖恩拔置西臺詢所職掌則執法糾察風紀之司而軍

國利害得與謀焉其任綦重是用聞

命飲冰朝夕兢兢思可副

皇上勵精求治之心以酬

高厚萬一者而仰見

皇上聰明神聖洞灼治原禁賄賂以肅官方明法紀以儆姦邪

軍

國之利害亦既見徹始末矣臣卽竭忠抒赤寧有他道惟是聖慮已及而未嘗施行以收實效則其間有機權焉在一實行一撥轉而治效可立奏者敢以芻蕘之見一披瀝之

皇上任事用人必先才品故嚴禁賄賂以肅官方臣謂禁已然不如禁未然則莫若崇節義重廉恥而賄風自熄何也賄賂所以成風者爲行賄者得利而修行者無利也我

國家勵俗維風原以與之虛名卽爲實利故文章理學事功節義之臣可相高也而乃以相習今俗趨富厚狙獪無等錢神有靈而苦節者似不可貞矣且用其才諂掩其名節僞才售而名節又輕矣臣恭讀

皇上冊立

皇太子詔內有云或奇節至行可以勵俗維風者訪實奏聞以憑徵召欽此臣觀今已歷年未見舉行則奇行之不蒙實利亦可知已臣昔奉使入黔聞貴陽之圍固守叁百日而城完杳無稱者今年萊州之圍固守捌閱月而城完此其間節義忠貞比於睢陽功德百之而萊賞未頒則亦何以策復登之氣而鼓義士之風乎臣以爲凡屬節義廉恥之

所關者上自

朝廷所當優禮下至鄉國閭巷所當振勵褒重獎借皆有實事
實利以風其始養於學宮徵於州縣薦於撫按小如鄉飲
大如辟召至於奏聞賜爵勿與胥郎同科官之品望半參
鄉評卽老在林泉亦有皁白生掛月旦沒嚴謚法則人誰
不勵青名以取重而甘爲溝壑之皁乎是熄賄之本也
皇上飭法明刑必求當罪故累煩

批駁以嚴漏網臣謂嚴宜在下寬宜在上以爲固結人心之機
何也刑者非爲所刑也

朝廷刑壹人寬壹人則恩威所在人心係焉故立國者凡事皆
可相奉惟讞法一節上下寬嚴必使相濟以養和平之福
然人臣爲君守法授之律令無敢出入法外之仁惟天子
得以行之亦惟上有法外之仁而下方可行其嚴下可受
怨而上不可不令天下德也故嚴宜於下而寬宜於上有

堯曰宥之三故臯陶得曰殺之三一宥而天下誦堯仁矣
今天下人心何如乎水旱盜賊賦役爲苦東省未靖觀望
叵測流寇尚橫山海多虞臣謂渠魁必殲嚴在將臣而脅
從之赦必寬在

皇上誠溥施

皇仁凡可矜可疑之罪縲紲非其自致與夫不得已而從賊之
人恩行赦免以示之寬又頒之明詔以示之信卽久於賊
者亦知怙者不免而服者得生兵法有解其黨者此是也
是固結人心一大機也

皇上軍國至計累嚴申飭以固備禦而臣謂備有事尤當備無
事蓋今日之事起於汰兵旣於逃兵而實壞於無兵嘗見
爲撫臣者皆臨賊而後募兵臨兵而後措餉秦有事而晉
不動也秦晉有事而中州不動也今以次及矣非前車乎
而吳蜀楚漢間猶不動也卽隔一程遠一縣亦不動也古

者方伯連帥如率然在山乃震鄰而漫不加意乎其實爲
揆括之後所在庫藏如洗當事者以毋動爲大冀倖萬一
耳臣謂州縣藩司皆當備兵積穀若設處捐助姑且勿行
務使頌之本所詞訟之有贓罰嘗規之有羨餘必明示民
間載之察盤亦入考成漸積漸復務使咄嗟之間兵餉皆
可立辦毋徒曰京邊內解不可緩而海內州縣皆可空虛
也亦毋曰臨時有急而後抗疏畱餉也

皇上不忍取民每令諸臣從長計議然預徵設處孰非民膏而
頻疏畱餉後將何取臣謂不取於民宜取於

天地自然之利如墾田以生粟秦晉被寇之地在事諸臣亦旣漸

漸招墾矣然必令有司盡力招撫多給牛種以墾之多寡
爲官之殿最又令富商大賈出本招集多者賜以爵然後
粟可生也至如開採舊有封禁爲恐墾徒聚而爲難與設
官擾民耳然今日用之亦可散聚民其令出墾之地所在

有司招商自開礦見而餉礦盡而止其輸金可抵畱餉而輸鉛可省召買卽暫行貳叁年亦一權宜也且如臣鄉海洋亦自然之利而當事者惜禁洋爲止寇之題不知開洋非能致寇惟恐寇多而洋不可開耳何也自海上之臺灣一通而盜賊之窟穴已成禁洋船不可併禁漁船則能禁臺灣之往來乎且能禁我船不往能禁夷船不來乎紅夷咬嚼吧東西往來皆不可詰前年不禁之寇數年來禁之亦寇誰能謂不出洋則海中遂無可欲乎止寇者惟當安輯地方沿海設兵責備將領若伍遊伍寨及浙廣風南風北之時乘風追之邊海備之苟大將無開門之迎則亦未能飛渡也且洋開而商賈路通可減饑寒之盜拾之叁肆又得歲餉肆萬以養防汛之兵若撤洋而汛併撤則賊有船我無兵海濱之民將何賴乎乃若所害則亦有之姦商竊禁貨通倭勾引與接濟賊船此撫按藩臬之臣皆得而

箝制之相機立法自有便計是在權宜行之耳總之天下
無善法亦無弊法亦無久而不弊之法行之善則利行之
不善則害以節義廉恥之人行法則無敗法矣以鼓節義
廉恥之法致人則無敗人矣臣意官方肅而人心固利興
害去所以收實效而副

皇上求治之心者如此伏惟

聖明採納施行

崇禎伍年拾貳月貳拾日

陸年正月初捌日奉

聖旨朝廷恩威正與臣下節義相成寬嚴自有裁酌餘所奏已
俱有旨了該部知道

刑科給事中臣李世祺謹

題爲軍政與吏治俱弛將才與治才並急乞因冢樞受任之始蚤籌蓄艾之方事臣竊觀今天下亦多故矣虜寇未殄兵革連年於是

皇上拊髀而思將帥之才百端以獎飾之而未有以應也貪墨成風撓敗疊見於是

皇上慨然而歎股肱之情百端以磨礪之而亦未有以應也臣以此二者樞臣與冢臣任也今張鳳翼李長庚二臣起自田間相繼到任蒙

皇上特達之知當中外顓顓之望此其胸中必有成畫非嘗試而漫爲明矣

皇上試進樞臣而問之曰今奴孽在外叛寇在內欲求強兵之策而兵不强也莫重於京營而京營之單弱如是莫親於禁旅而禁旅之單弱如是莫危於九邊而九邊之單弱如

是既單弱矣何徵芻索餉惟日不足乎既徵芻索餉如是
汲汲矣何單弱之終無起色乎將無冗食者當汰乎虛籍
者當補乎汰之而能無譁乎補之而能無逃乎將即汰即
補使弱者強乎即補即汰使虛者實乎凡此皆樞臣所宜
熟籌也

皇上復進而問之曰今九邊之將帥俱可倚仗乎各路之征援
究可立功乎如關門之以左帥爲長城也可終信乎即左
帥可信而爲左帥之後勁者誰乎島帥之觀望能保其不
通賊乎即孔賊旦暮授首而島帥將終置乎將遂撤乎置
之有類養癰撤之能必奉令乎苟不奉令而能入其軍奪
其將者誰乎勦寇之能辦者曹文詔耳爲文詔之續者誰
乎若怯懦不前之張應昌可終望其殺賊乎不能殺賊而
誰可代之乎閩中之恃鄭芝龍也今誠力戰矣保其不養
寇爲重乎即芝龍能滅賊更無一繼芝龍者以叅之保其

不跋扈乎問之而樞臣夾袋中有人焉惟樞臣之所用不然恐七年之病未可卒瘳也

皇上試進冢臣而問之曰今吏日偷矣民日病矣將惟是考成之

功令遂足分殿最乎撫按之薦牘遂足定人品乎

功令之所繩薦牘之所及薦牘之所棄

功令之所收將何法以通其窮乎吏之貴久任也爲畱良也

今逋賦一日未完則地方一日不去賢者而久畱可也不

肖者亦久畱不幾借督逋爲戀羶地乎則一切之法或難

終行乎三代之士重道德不重功名秦漢之士重功名不

重富貴是以有塵生甑中之節約泉不惑之操今將何法

以風礪之乎意者懲貪之令雖嚴而獎廉之典未舉故吏

皆苟免而無耻心乎凡此皆冢臣所宜深計也

皇上復進而問之曰今之督撫有可倚仗者乎今之司道有可

爲督撫者乎今之清卿有可出而節鉞者乎何遷轉之時
覺人才之多而壅任事之日覺人才之窘而窮乎前者宣
雲東省秦晉各撫之屢用而屢敗也或用非其人而敗或
用違其才而敗今之用者可保其不敗乎一不保而堪代
者誰乎問之而冢臣夾袋中有人焉惟冢臣之所用不然
恐三年之艾不可不蓄也夫二臣者時望攸歸朝氣方銳
臣非先以此言爲二臣難也誠見今天下安危所係全在
冢樞

皇上所鄭重而慎擇之者亦惟冢樞冢樞得其職而天下治矣
故臣願

皇上時進二臣而講求之也

崇禎伍年拾貳月貳拾壹日

陸年正月初捌日奉

聖旨文武幹辦全在銓樞遴用已屢旨責成言官果有確見宜

據實指陳何得設端預揣有意抑揚至本內所論鎮將事情殊屬疎率姓氏且訛又不稱名李世祺詳覈何在該部知道

工部尚書臣周士樸等謹

題爲恭報新置器甲等項以便稽覈以資防禦事虞衡清史
司案呈崇禎伍年拾貳月貳拾肆日奉本部送准湖廣巡
撫唐暉咨前事內稱先准工部咨該前院魏光緒題奉
聖旨該部知道內諸葛弩併皮紙甲各進幾件來覽欽此欽遵
移咨到職謹遵

明旨移送諸葛弩貳件皮甲貳件紙甲貳件呈進

御覽再炤弩弓之力與偏架弩相似亦可發一箭遠第紙甲雖
極費工本製造止利用於南可當苗夷之毒弩倭夷之鉛
彈故閩浙之兵皆用紙甲實不能抵北虜之強弓利鍛也
且到京驗試不過貳叁拾步之外以箭射之無有不透之
理必不立於捌玖拾步而方試也惟皮甲實堅便可用等
因到部送司奉此相應具本

進呈案呈到部該臣等察炤該撫咨內開送諸葛弩貳件皮

甲貳件紙甲貳件看驗明白理合隨本

進呈

御覽謹具題

知

崇禎伍年拾貳月貳拾捌日

陸年正月初捌日奉

聖旨這進覽弩式箱內無箭弦僅用蔴其推放把握等處俱多
窄礙且機牙不堅何以射疏命中至皮紙二甲矢鏃易透仍
未見輕便利用呈覽尚然如此其餘不堪可知魏光緒前奏
顯屬飾詡姑不追究該衙門知道

禮部主客司署員外郎事主事臣袁繼成謹

奏爲

主聖臣直懇乞

睿度優容以擴言路以光

泰運事臣聞

天道以廣運爲功

聖人以并容成量自昔三代明王皆建輶懸鐸廣來諫諍開益
聰明使治亂日聞姦萌戢志此道行也恭惟

皇上

謙流江海

益鼓風雷

好問好察雖布衣賤隸皆得自陳幾幾乎喜氣隆風於茲再

見無何近日言事諸臣持論過激致干

聖怒南部臣周鏞且削籍矣嗟嗟鏞以疎逖小臣狂瞽觸忌罪

誠自取然竊以爲非

皇上求言

盛心也

皇上之怒周鑣曰朋比沽名耳臣謂世所云朋比者必其熱可炙翼可傳今鑣所條列大半皆已破之甌垂危之綆鑣又遠宦南中與諸臣無朝暮之歡肺腑之暱何所私何所利而比之乎至名實之際雖至愚猶審輕重鑣蒙

皇上厚恩起家郎署使其優游養資不出數年可致崇牘上緣心知腸熱感慨批鱗干冒

宸嚴編淪氓庶此豈臣子所願而乃以爲名哉且皇上不欲臣下沽名莫若收其名以還歸之

上唐臣陸贄有言諫者多表我之能受諫者激表我之能容使鑣言當

皇上力行之能受之名在

皇上鑠言不當

皇上姑置之能容之名亦在

皇上如此播諸天下書諸史冊

上有轉圜之美下無折檻之聲雖欲沽之爲名其可得耶抑臣更有進焉自古聽言之難不難遜心而難逆耳故書取暝眩詩喻芻蕘狂夫之言聖人所擇聞鑠所陳或風聞譌實然中多指斥內臣之言一旦以此得罪恐諸臣相顧以鑠爲戒內臣之過壅於

上聞非所以通羣情杜姦慝也語云山有虎豹蒺藜不採

皇上養諫臣之氣政以制積久之牙前車不遠願

皇上詳計之臣生平孤立素恥依傍一片血誠實從

君國起見豈區區爲周鑠地也伏乞

皇上不遺葑菲

俯賜優容卽斥鑠之身猶望

察鑣之言使羣臣曉然

皇上求言之意不至以鑣爲戒風雨露雷鼓舞不測
聖人操縱大權無出於此惟

聖明裁擇焉

崇禎伍年拾貳月拾柒日

陸年正月初捌日奉

聖旨周鑣已有旨了袁繼咸不必瀆陳該部知道

吏部尚書臣李長庚等謹

題爲缺官事文選清吏司案呈炤得福建按察司副使兼布政使司右叅議管糧帶催料價王敬錫陞任員缺合當推補案呈到部炤例推舉得浙江布政使司右叅議貢修齡四川布政使司右叅議朱瀛達俱堪陞任福建按察司副使兼布政使司右叅議管理前項事務伏乞

聖明於內

簡用壹員

計開

貢修齡

朱瀛達

崇禎陸年正月初陸日

初玖日奉

聖旨是有點的依擬用

正有點

吏部尚書臣李長庚等謹

題爲缺官事文選清吏司案呈炤得江西布政使司右叅政
兼按察司僉事分巡湖西道兼理袁州兵備洪雲蒸調任
員缺合當推補察得前缺原係按察司官管理案呈到部
炤例推舉得江西布政使司右叅政周汝弼右叅議金肇
元俱堪任前缺伏乞

聖明於內

簡用壹員

計開

周汝弼

金肇元

崇禎陸年正月初陸日

初玖日奉

聖旨有點的依擬用

正有點

吏部尚書臣李長庚等謹

題爲缺官事文選清吏司案呈炤得山西布政使司右叅政
兼按察司僉事駐劄代州分管廣武北樓平刑等處胡沾
恩陞任員缺合當推補案呈到部炤例推舉得山西按察
司副使田時震湖廣按察司副使陳儀俱堪陞任山西布
政使司右叅政兼按察司僉事管理前項地方事務伏乞
聖明於內
簡用壹員

計開

田時震

陳儀

崇禎陸年正月初陸日

初玖日奉

聖旨是有點的依擬用

正有點

兵部尚書臣張鳳翼等謹

題爲秦盜稍得清理晉盜正在披猖臣同陝西撫按諸臣仰
遵屢奉協勦

明旨督發秦中官兵渡河赴晉力圖勦滅併陳臣等堵河夾擊
善後事宜仰祈

聖鑒事職方清史司案呈崇禎陸年正月初壹日奉本部送兵
科鈔出陝西總督洪承疇題前事內稱炤得秦中肆伍年
荒盜異嘗臣受

皇上特達隆恩拚命奔馳時下渠魁稍得誅勦巢穴稍得清理
第久壞極敝殘局一旦略有收拾漏刃賊孽與解散脅從
數千里之間無地無之情形可虞隱憂正大非歷至明年
肆伍月大盜不至復起必不敢以爲無事惟在殫此心力
竭此項踵隨時隨處料理善後期於漸次卽安庶幾仰釋
聖明西顧之憂俯盡臣等職分於萬一陝西臨洮鎮臣曹文詔

忠義性成謀勇夙授在秦晉征勦流賊參年破大敵殪大盜真如摧枯拉朽身到成功歷戰歷勝英風壯略有古名將之風今時諸將軍出其右部下將領如實授遊都等官馬科曹變蛟馮舉曹文耀平安劉成功刁明忠實授守備如賁承芳龔建爵翟應祥武士選李登榜張鳳張陞張德昌王國忠等皆桓趙奇偉每次衝鋒破敵勇敢無雙臣若畱之秦中足以寒姦宄之膽預善後之圖誠爲力省功多但臣與陝西撫臣練國事延綏撫臣陳奇瑜陝西按臣金蘭張應星往來商議秦晉逆寇猖獗致塵

皇上宵旰臣等何敢以秦中未盡賊孽久頓勝帥精兵於是逐一挑選屢經戰陣馬步官兵參千伍百員名嚴行藩臣李喬借動司庫不拘何項遼餉站價銀兩一一措給行糧找補功賞督令曹文詔親統官兵於本年拾貳月初柒日自慶陽府啓行繇乾涇陽華州潼關渡河直抵山西蒲州

河津賊聚等處轉至平陽潞安一帶各賊肆犯地方同晉中官兵相機速圖勦定惟是文詔旣脩各將兵馳赴晉地秦中聲勢甚減彈壓無資臣等不得不督率各該道將所在竭蹶支撐惟刀是視如環慶尚有脫漏頭目散賊與解散脅從饑寒迫切之衆臣已選畱寧鎮官兵壹千名委監紀同知劉三顧親行監營與各原委將領吳弘器王永祥屠師賢賀讚劉國臣等領兵時刻巡防於鐵角城東西如延鎮西路定邊三山饒陽等處及寧鎮東路花馬池後衛山萌城等處再委標下中軍副將左光先領兵丁陸百名協同慶陽營守備趙光遠領兵肆百名時刻巡防於合水東華池楊家寨棗林坡槐安業樂鐵角城及寧州真寧三水淳化交界各期多方往來稽察不許擁兵坐守城堡之內如解散脅從民人安分守法則善加撫恤若再有糾聚劫搶生事卽行擒捕勦除延綏寧夏地方仍責成署定邊

副將尤翟文花馬池副將孟應熊各協同該廳將在於本
屬營堡巡防延西地方責成靖邊道臣戴君恩隨時相機
察核提調環慶地方責成慶陽道臣朱純隨時親行所屬
嚴謹巡防夫大盜縱橫大巢結聚之日各道將猶藉口必
須大將大兵必須臣親身督理今大盜暫已剿除大巢稍
已清理大將大兵未有用處全在用心細密時刻哨防應
安卽安應勦卽勦臣又畱有巡防廳將兵馬按時催給錢
糧各該道將再有悠忽從事不真心幹濟力圖救寧地方
遼闊臣一手一足勢必不能周徧臣卽以後來某處盜賊
生發與否地方妥與否明告

皇上卽爲各道將一定功罪臣時下不敢久駐環慶卽親督選
畱甘鎮官兵壹千叁百名於拾貳月初拾間馳赴鄜延上
下料理堵河善後事宜若南自韓城雒川宜川直至延長
延川清澗綏德吳堡葭州計壹千叁肆百里俱臨黃河與

晉中止隔一水茲河水旣堅秦晉一家若晉中勦急所在
皆可渡秦必分有官兵派定信地擺河扼堵方爲夾擊至
計如韓邵副將張全昌統官兵壹千貳百餘名應扼堵韓
城雒川兩縣河口潼關道臣張維世應往來韓城親行提
調臣督甘鎮官兵壹千叁百名應扼堵宜川延長延川叁
縣河口鄜州道臣候推補到任應往來河干親行提調延
綏鎮臣王承恩親統官兵壹千伍百名應扼堵延川清澗
交界及綏德義合各處河口併分兵扼堵於吳堡葭州河
口榆林道臣張伯鯨應時赴綏德與鎮臣共議擺防署孤
山遊擊卜應第應分發兵丁捌百名扼堵於神木府谷各
縣河口神木道臣李之茂應時赴親行提調監軍道臣樊
一衡統兵柒百名應聽臣分委各處察核務期遠哨嚴堵
如賊勢零小各夾擊於本地方若賊勢重大鄰近地方將
兵不待遣發各卽飛馳合擊至臣一身止能相度緩急馳

赴調度勢不能南北上下分身竝到臣卽以晉賊從某處
河口越渡與否明告

皇上爲各鎮道將一定功罪此外有選剩甘鎮官兵壹千捌百
餘名皆遠戍疲苦思歸日久不容再畱又恐回兵入衆沿
途騷擾甚爲不便原任甘肅鎮臣楊嘉謨自崇禎貳年領
兵薊遵勤

王崇禎肆年春間奉

旨領兵順勦流賊奔馳至今功績最著勞苦至極臣一面督令
統領前兵赴甘鎮交割藉以沿途彈壓嚴加約束俟其少
加休息明歲春間仍親領內丁赴延慶聽臣調度選剩寧
鎮疲弱官兵陸百名該鎮鎮臣賀虎臣在延慶征防兩年
有餘功苦俱著臣已督令統領前項兵回寧鎮料理邊防
事務臣於此猶有說焉從來欲責大將成全功必先一其
事權各處將兵皆如指臂相使前後左右無一牽制掣肘

之虞然後出令調遣可收滅賊戡亂之功鎮臣曹文詔乃陝西臨洮總兵臣等督發赴山西勦賊彼處有晉中各鎮將兵又有節次遣發延鎮李卑艾萬年賀人龍等將兵素非節制彼此橫分倘文詔之事權不當場之提掇不靈各將之精神渙散則文詔猶止當一面之寄未爲委之以全局倘蒙

皇上鑒文詔殺賊屢效堪以付託乞

聖明裁斷將秦晉將兵悉聽節制俾文詔拚命滅賊無掣肘推卸之端各將兵協力共圖勦定無橫分意見之虞事權旣已畫一庶幾其有成功至於文詔部下遊都守備等官如馬科曹變蛟馮舉曹文耀平安劉成功刁明忠賈承芳龔建爵崔應祥等征戰久苦鐵角城又各著功績實缺未膺或先量加銜實授以示鼓舞用人之權總恭聽

聖明鑒裁實非臣等所敢自必也臣謹會同陝西巡撫練國事

延綏巡撫陳奇瑜陝西巡按金蘭張應星合詞具題伏乞
皇上勅下兵部覆議施行等因崇禎伍年拾貳月貳拾捌日奉
聖旨覽奏督發將士會晉協勦併該省分地責成道將各官巡
防扼堵事宜具見籌畫調度如有玩泄疎誤的卽指實叅處
其曹文詔節制及馬科等加銜實授該部作速議覆欽此欽
遵欽出到部送司案呈到部看得曹文詔之渡河而西也
建大將旗鼓與甘寧諸將協力齊心三秦底定厥功甚著
今復東渡入晉欲繇蒲州河津等處轉至平陽潞安一帶
其挑選馬步官兵參千伍百員名皆慣戰之精勁也臣部
議爲應援遊兵會同督撫相機掃蕩今督臣洪承疇以大
將成功事權須一欲令秦晉諸將盡歸節制可無掣肘推
卸之端殊屬師中長慮除鎮臣張應昌比肩共事應和衷
商確機宜其餘秦晉副叅遊都等官合聽文詔調度庶機
權畫一提擬俱靈至於文詔部下遊都守備等官馬科曹

變蛟等在秦屢著戰功見在察敘今又入晉殺賊應先分別量加職銜以示鼓勵秦功既類敘在卽晉中若倍著咸勞將來從優陞賚知

皇上所不靳也既經奉

旨議覆相應覆

請伏乞

命下將原任守備曹變蛟加貳級原任都司僉書馬科馮舉劉成功各加壹級俱實授遊擊職銜原任守備平安刁明忠賈承芳翟應祥曹文耀各加壹級俱實授都司僉書職銜察襲建爵已經奉

旨革職解京究問未便加銜今見在行間姑著戴罪殺賊自贖
崇禎陸年正月初柒日

初玖日奉

聖旨將權專一方可責成曹文詔屢著戰績已有旨彙敘著先

加陞一級節制秦晉諸將仍與張應昌協謀討賊共奏膚功
鎮臣原無在外委用之理尤世祿應否共事行間何未見議
及曹變蛟馬科等加銜實授俱依擬龔建爵逮問緣繇著再
奏奪

監視薊鎮東協署理關寧糧餉兵馬邊牆撫賞事務太監臣張國元謹

題爲遠哨事本年正月初捌日卯時准寧前道塘報開稱本

月初米日未時據前鋒右營中軍蔣懷玉報稱前事案炤
本營於本月初叁日摘差守備張進功帶領漢夷兵馬出
牆遠哨緣繇業經塘報外今於初米日寅時分據本官回
營報稱功等於初陸日申時分哨見駱駝山平山黃佃子
蓮花山一帶俱有達子結連不斷往西徑奔大嶺行走處
處放火等情馳報到職據此卷察去年拾壹月分達賊亦
來此處貳次卑職俱有塘報今據哨報達賊仍來此處夷
情叵測突犯之舉未可必也除卑職復差千把總領兵哨
探外請乞各處嚴諭等因塘報到道等因塘報到臣該臣
看得夷僧叁逐又遺番文於境上竟燒絕之則其挾憤狂
逞勢所必至今哨見駱駝山等處一帶山川夷部接連不
斷直奔大嶺此爲西行之路但不知猝犯何處臣隨移文

關內撫鎮道臣楊嗣昌等關外撫鎮道臣方一藻等嚴加
哨探萬分隄備不得以泛嘗視之既經塘報前來理合具
題

崇禎陸年正月初捌日

初玖日奉

聖旨據報賊夷西行顯有突犯狡謀關寧及薊密宣昌等處著
各該督撫鎮道恪遵屢旨上緊防戢勵精銳相機勦禦毋
得少疎仍確探情形不時馳奏兵部星速嚴飭

吏部尚書臣李長庚等謹

題爲缺官事文選清吏司案呈炤得雲南布政使司右叅政
兼按察司僉事駐劄六涼衛專管分巡臨元道謝士章致
仕員缺合當推補察得前缺原係按察司官管理案呈到
部炤例推舉得兵部武庫清吏司署郎中事司務唐咨禹
署員外郎事司務唐世熊俱堪陞任雲南按察司僉事管
理前項地方事務伏乞

聖明於內

簡用壹員

計開

唐咨禹

唐世熊

崇禎陸年正月初柒日

聖旨有點的依擬用

正有點

初拾日奉

戶部尚書臣畢自嚴等謹

題爲漕糧拖欠總因米色不堪米色不堪皆係共同插和責

有司禁包攬豫以米色呈樣則積弊可除漕政可飭事雲

南清吏司案呈崇禎伍年拾貳月初拾日奉本部送戶科

鈔出監視薊鎮西協太監鄧希詔題前事內稱炤得漕運

之弊至今日極矣然其來也有源而其流也愈甚弊之難

革總緣州縣正官視衛弁如土芥而偏於爲民以爛惡之

米強官旗兌領至於起糧虧欠止就官旗追比而罪又不

及有司是以兌之日米係州縣佐貳官收買已有一番侵

漁而本境土棍積姦包圍粗惡強兌米之不堪拾分已先

居其貳參矣兌之後船其盜賣插和行姦賄賂通同濫爲

收入米之不堪拾分不共居其陸米乎因是濕爛因是虧

折共相拖欠年復壹年弊之襲也寧可革也臣前題爲灼

見弊源敬陳末議等事而首以先呈米樣蓋爲此哉今於

拾壹月拾玖日據領運崇禎陸年分糧務臨清衛前幫運糧指揮使狄永靖千戶徐希孔張啓榮馬化龍等呈稱職等蒙委領運崇禎陸年分漕糧督押船隻齊集水次候兌所有應兌河南漕糧俱係各州縣佐貳官領銀在於直隸大名府地方小灘鎮收買貯廩兌運僅完拾之叁肆遍閱米色僅有扶溝輝縣貳縣雖有穀粃猶未浥爛其祥符襄城陳畱杞縣等州縣不止夾雜糠粃且濕浥腐爛難以領兌縱蒙督糧道牌示開兌而不堪者令以曬揚乃各解官廣布錢神上下朦蔽絕無有遵行之者况更有無官而快手代買有生員代買有官與快手皆無而并米未有此皆繇往係民運而民皆殷實大戶各愛身家無敢違錯今則佐貳鑽營管解先已剝削一番及至小灘又有本境土棍積年包囤專買糠粃粗濕惟知射利不顧法條或遇糧道驗時行賄衙役諸人巧粧好米呈樣而實係不堪儻如官

旗或出一言則衆口交攻便誣謫詐官旗受害痛不忍言
邇來

功令森嚴曷敢輕兌以至誤

國并誤身家今將各州縣米樣呈驗懇乞具題責令員役各
將自買米石解赴倉口自行交納職等止出船隻裝載旗
軍撐駕其姦惡員役并包攬人等拏究正法等情據此則
漕弊之深誠不可不嚴爲整飭矣然其整飭之要孰有過
於驗兌時之米色乎此時不確爲驗定令州縣與運官而
兼受任焉則明歲通同串和以爛惡者上倉以爛惡者收
放皆得藉口而其弊更有甚於今歲矣今西協漕米俱係
河南山東各府州縣兌運而來則所嚴者惟有在河南山
東之糧道而已合無今歲交兌必有司與運官親自授受
其快手生員土棍包攬人等一槩不容米色不堪無論有
司不許擅交卽運官不許擅領果其米色乾潔方許運

官面同州縣掌印呈過督糧道親驗然後將此樣米壹
樣參袋用印蓋封以一呈通州戶部驗確方爲完運一呈
密雲戶部驗確方准收倉一以呈臣聽臣掣驗美惡稽覈
情弊如臣前所條議有米樣原是不堪者題參州縣掌印
并委買佐貳等官其米樣原好而今則不合參罪領運官
旗而不准收納如或相合皆好方准收之則彼處交兌之
弊可除而此處收納之弊可少糧米方可乾潔而用以給
兵皆各受其實惠矣若夫包攬土棍必本處之撫按嚴行
訪察著實罪懲則包攬無人買米之官又寧敢買其爛惡
也頃今方在兌領嚴爲整刷全在此時懇乞

嚴飭該部轉行巡漕作速責令督糧道必著州縣印官封呈樣
米壹樣參袋并佐貳買米必於乾潔而土棍包攬一切嚴
繩否則題參毫不寬假則漕政急務此可以少爲振舉乎
等因本月初陸日奉

聖旨邊鎮軍糈豈容攬和批浥兌運愆期經管官玩視邊儲好
生可惡這樣符等縣印官及領買佐貳俱著該撫按據實叅
來本內責成糧道嚴禁包攬呈驗米樣及有司運官親自授
受分別叅處等項有裨釐覈不獨西協著各鎮一體飭行該
部卽與詳覆欽此欽遵鈔出到部送司察得西協監視題議
有司與運官面同呈驗米樣責成督糧道印封并嚴禁包
攬分別叅處緣繇除遵奉

明旨呈堂咨行該省撫按察核攬和叅處并剗收受漕糧各鎮
一體飭行外其責成糧道嚴禁包攬呈驗米樣及有司運
官親自授受分別叅處等項旣經奉有

明旨相應議覆案呈到部該臣等看得邊糧運自漕糧實爲三
軍命脈而州縣尤爲漕糧根本之地欲求乾潔必責正官
固已操其要領而包攬一弊更爲蠹害之源不得不亟爲
嚴剔者西協監視鄧希詔疏中條畫甚晰所當如議行令

河南山東撫按專責督糧道廣諮密訪無論勢要土豪生員快手人等凡有包攬買納悉行嚴拏盡法追贓究遣務期根株斬盡勿令暗滋萌長至於米色責成督糧道於州縣呈報徵兌之日赴倉親驗如有插和糠粃沙水等弊應曬揚者卽行曬揚應易換者卽行易換務要乾潔方准開兌仍令運官與該州縣正官當面公同察驗將米一樣裝置叁袋用印鈴蓋封記一呈起米部司一呈收米部司一呈本鎮監視驗對明確方准起運收受如有原樣乾潔而船米粗惡則係官旗插和不准交納仍行叅處運官如係原樣粗惡則係州縣插和叅處州縣正官并及買米委官是則不以軍民異視文武殊懲運弁有司自當互相儆惕何敢恣爲插和哉至於關寧海運本色津門原有樣米之例至薊永昌叁鎮邊糧及截留漕糧亦炤此例行之則所裨於軍儲

國計者良不淺矣既經監臣具題前來相應覆

請恭候

命下臣部行文各該衙門一體欽遵施行

崇禎陸年正月初捌日

初拾日奉

聖旨這呈驗樣米及禁革包攬糧道有司察覈米色公同開兌
等事俱依議各鎮邊糧及截畱漕糧一體飭行

戶部尚書臣畢自嚴等謹

題爲庫貯各項匱乏亟請緊要錢糧以濟急需事新舊貳餉
司案呈崇禎伍年捌月初拾日奉本部送戶科鈔出該本
部題前事議覆山水巡撫楊嗣昌請還新舊官兵借過關
庫銀兩緣繇內稱關撫計切綢繆爲未雨之防開列款項
爲有據之請臣等獨無同心哉但索之臣部者稱係崇禎
貳年虜入內地餉道中斷餉司原借關庫銀貳項計壹萬
柒千玖百餘兩其爲永平餉司所應還者壹萬肆千伍百
壹拾貳兩零其爲新餉所應還者叁千肆百兩雖補還無
得推諉而著落宜求明白恐當日軍旅倥傯大凡庫貯銀
兩通融取給亦未可知使原無借還之議則軍餉軍需各
有司存臣部不任代償於叁年之後也容臣部移咨該撫
督同餉司務察明確回報臣部酌量補還庶錢糧可獲清
楚等因捌月初玖日奉

聖旨知道了卽著該餉司詳察確報不得涸率欽此欽遵鈔出
到部送司隨卽移文該撫及永鎮餉司察報去後續據永
平餉司羅應許呈准關內道右叅議陳瑾會送前任兵備
副使王楫准永平餉司陳此心會借管關廳庫貯銀兩給
放營路號領原卷到司逐一備細開揭呈報等因計開主
兵舊餉崇禎貳年拾壹月初陸日山海路叅將申其佑下
委官李遇春借支崇禎貳年捌月分廩糧薪水布花共銀
壹千壹百伍拾壹兩貳錢壹分捌釐伍毫叁絲又借支本
年玖月分廩糧薪水共銀壹千壹百陸拾壹兩叁錢捌分
壹釐肆毫柒絲貳拾陸日石門路委官劉中受借支崇禎
貳年玖月分廩餉銀玖百伍拾柒兩伍錢捌分貳釐叁毫
大毛山提調趙應元下委官查添爵借支崇禎貳年玖月
分餉銀伍百柒拾叁兩肆錢伍分陸釐叁毫貳拾捌日又
委官查添爵借支本年拾月分餉銀陸百肆拾捌兩玖錢

肆分陸釐叁毫義院口守備駱子秀下委官周進忠借支
崇禎貳年捌月分布花銀米百陸拾壹兩叁錢伍分黃土
嶺守備胥國相下委官龔光緒借支崇禎貳年捌月分布
花銀伍百捌拾捌兩玖錢叁分拾貳月貳拾日大毛山委
官馮國卿借支崇禎貳年拾壹月分餉銀陸百肆拾玖兩
陸錢肆分伍釐玖絲貳拾壹日黃土嶺委官楊呈茂借支
崇禎貳年拾月分餉銀肆百捌拾柒兩貳錢肆分柒釐伍
毫伍絲又借支本年拾月分各官薪水銀貳拾貳兩肆錢
貳拾玖日山海路委官祝秉權借支崇禎貳年拾月分餉
銀壹千叁百玖兩壹錢陸分伍釐叁年正月初壹日義院
口委官周進忠借支崇禎叁年正月分草乾銀壹百肆拾
貳兩壹釐貳拾捌日黃土嶺委官左承舜借支崇禎貳年
拾壹月分餉銀伍百柒拾兩叁錢叁分肆毫陸絲伍忽又
借支本年拾壹月各官薪水銀貳拾貳兩肆錢叁拾日又

委官龔光緒借支崇禎貳年捌月分各官薪水銀壹拾肆兩又委官周文純借支崇禎貳年玖月分各官薪水銀壹拾肆兩一南兵營將官趙業耕下崇禎貳年拾壹月貳拾陸日南兵石門路委官楊國用借支崇禎貳年玖月分餉銀壹千捌百伍拾肆兩捌錢陸分南兵山海路委官楊國用借支崇禎貳年玖月分餉銀貳百玖拾貳兩捌錢拾貳月拾貳日又委官吳福借支崇禎貳年拾月分餉銀壹千伍百兩以上共銀壹萬貳千柒百貳拾壹兩柒錢壹分肆釐伍忽又給散新餉崇禎貳年拾壹月拾壹日山海關外羅城守備石岐下委官吳得功借支崇禎貳年拾月分餉銀柒拾玖兩伍分貳拾日南海口沙兵千總趙德陽下委官劉福才借支崇禎貳年拾月分餉銀貳百肆拾叁兩叁錢貳拾陸日南兵石門路委官楊國用借支崇禎貳年玖月分浙兵餉銀捌百捌拾兩伍錢拾貳月拾壹日山海關

外羅城守備石岐下委官吳得功借支崇禎貳年拾壹月
分餉銀米拾陸兩柒錢叁分伍釐拾捌日黃土嶺守備胥
國相下健丁委官孫尚禮借支崇禎貳年拾月分餉銀壹
百肆拾兩肆錢貳拾壹日南海口沙兵千總趙德陽下委
官高尚信借支崇禎貳年拾壹月分餉銀貳百叁拾伍兩
壹錢玖分崇禎叁年正月貳拾捌日黃土嶺守備胥國相
下委官左承舜借支崇禎貳年拾壹月分健丁餉銀壹百
叁拾伍兩柒錢貳分以上共銀壹千柒百玖拾兩捌錢玖
分伍釐等因到部送司察得山水巡撫原題借過新舊貳
餉共銀壹萬柒千玖百壹拾貳兩陸錢玖釐有奇應於戶
部補還今據永平餉司呈報新舊止該壹萬肆千伍百壹
拾貳兩有餘比該撫所報少銀叁千肆百兩應行山海寧
遠餉司再一察確前借的係若干呈堂駁察去後今據山
海餉司王鰲永呈稱准山水撫院手本察得山水貳路舊

餉應支於永平崇禎貳年之冬叁年之春不得已而借關
庫軍需積至壹萬肆千伍百壹拾貳兩零已經永鎮餉司
呈報內部至於原題多銀叁千肆百兩係關外祖鎮借支
之數應於寧遠餉司揭察又非永司所得而知者等因准
此看得永平借支管關庫銀壹萬肆千伍百壹拾貳兩充
山石貳路新舊兵餉應於永平餉司項下察還又關外祖
總鎮入衛借支關庫叁千肆百應於關外新餉項下察還
者非謂壹萬柒千餘兩總該永平餉司內全償也等因到
部奉批關庫借過餉銀原未經繇餉司則出納之當否何
從知之况撫道叁年不言而今始言永餉曾經請補一番
竝無此項殊不可解新舊兩餉司再一察議題覆目今
功令森肅豈敢有意捱延惟期於當而已又據關外餉司韓
謙呈稱准山水撫院揭帖前事察得夷丁所借關庫銀肆
百兩已經寧前道詳請閣部蒙批此無糧夷丁也當以夷

攻夷何得不暫以犒爲糧况攻凜用命可憫其未扣銀肆
百兩據屢議免扣繳已准開銷毋容再議又察修守道所
借銀叁千兩蓋因貳年冬逆奴犯西勢急祖鎮提戈赴援
所以呈請閣部借關庫銀叁千以爲援兵路費犒賞但比
時借繇總鎮發繇關庫職庫並無存扣此項銀兩若必欲
取償職司是桃僵而李代也叁千金可混行支銷耶其應
否開銷果否補償總非本職所敢輕議等因到部蒙批關
外應援官兵原借關庫銀叁千肆百兩據呈則肆百兩似
已開銷其叁千兩原係犒賞之需非正餉也應否本部補
還新餉司察議妥確彙題送司奉此相應酌議具覆案呈
到部該臣等看得關庫借支錢糧據稱皆因貳叁兩年虜
警之際閣部督師通融取給以爲一時月糧犒賞之需者
在關庫既未開銷則此項終無著落此關廳力求明白以
爲銷算而撫臣急索補還以實軍需者也但臣部雖不敢

惟捱作膜外之觀亦何敢朦率爲無名之償意當日夷情
倥偬征調倉皇討者望門而索與者隨求輒應總期一時
有濟緩急故錢糧不暇自分畛域耳前該撫題

請補還時臣部原無隻字存案故覆行餉司確察回報臣部酌
量補還而

明旨亦謂不得涸率矣今據各該餉司續報前來臣等取其項
款而一一覆閱之其在山石貳路借給新舊兵餉者計壹
萬肆千伍百餘兩察係貳年之冬京運阻絕叁年之春水
城殘破卽餉司且陷虜無蹤而各軍亦烏散無紀矣彼時
關內道廳哀其窮而量行借給者有之但水平餉司迄今
竝無案卷其所憑者關內道廳之原卷耳若關外西援官
兵所借庫銀叁千肆百兩其肆百兩已蒙閣部批准開銷
其叁千兩係祖總鎮呈請閣部批允作犒賞銷算者原無
月餉抵還之議又安得徑索之臣部也且該撫道數年以

來併無一言及此今乃突索一旦卽該廳卷案有據何故
前於餉司寂無一言此臣部從前所不敢以冥冥決事者
也今往返稽察而原借款項始備開到部顧臣部艱難之
狀卽遠年各鎮積欠月餉已屢告

皇上無從議補而欲代還原未報部之宿帳勢能及乎臣部未
敢懸斷合請

聖明裁奪或念錢糧支用有據應准該庫將壹萬肆千伍百餘
兩作正開銷不必議補或念該關軍需緊急將前項借支
銀兩分作兩年著新舊貳餉司各炤原借數目陸續補還
庶不致彼此爭執而葛藤無已時也伏候

命下臣部轉行各該衙門遵奉施行

崇禎陸年正月初捌日

初拾日奉

聖旨知道了永鎮借過關庫銀一萬四千餘兩著新舊餉司於
兩年內炤數補還取該撫監實收奏明

兵部尚書臣張鳳翼等謹

題爲流寇再犯濟西官兵奮勇殺退恭報情形并陳未盡事

宜仰祈

聖鑒事職方清吏司案呈奉本部送崇禎陸年正月初柒日兵
科鈔出河南巡撫今戴罪樊尚燝題前事內稱臣自玖月
貳拾陸日北發拾壹月初貳日渡河初陸日抵駐衛輝賊
騎漸避計在衛月餘調到各道兵招募毛鹽兵與分布守
隘已詳列前疏不敢復贅迄今近叁月矣雖地方粗安難
民漸復百計嚴防幸無一賊入境然兵以分守而成弱餉
以日久而難繼加以今歲水災異嘗旣懼寇迫又慮兵饑
更虞民竊盜起內地洶洶且中州素不知兵事事從新做
起臣日夜憂心如焚每念及不覺汗浹於背計惟有速圖
夾擊先除外患徐弭內憂按臣曾偕與臣往返計畫備極
苦心一面發賑災黎一面擊冰防河一面措處兵餉凡可

以計安兩河仰紓

皇上宵旰之憂者敢不惟力是視無奈賊乍近乍遠兵亦忽東忽西如拾壹月貳拾貳日據分巡河北道右叅政降貳級管事祝萬齡呈接冀南道路安告急之報稱賊追陵川至緊聲言東犯輝縣南犯修武急請大兵合勦等因巡道請令守磁遊擊翁英都司陳治邦督兵出黎城臣卽令原任副總兵許定國督兵出壺關及兵冒險抵晉而賊又避合陽城垣曲忽犯濟源之西界矣懷濟一帶岐路甚多素稱難守爲賊必窺之地時分守河北道左布政使今降叁級戴罪尹伸躬臨濟源已先督防濟官兵備於境上拾貳月拾叁日得道府塘報諸賊果犯濟源近界之西陽河於初拾日適於防濟官兵相遇殺賊大敗臣卽是日厚犒昌鎮副總兵左良玉官兵一同俱到懷慶據該道行文覆察拾玖日報據懷慶府監紀同知張汝開呈報遵奉憲票職於

拾米日親詣邵原覆察得拾貳月初米捌等日先據十戶
傳三聘典史王舜賡陸續探得賊在山西垣曲地方漸近
濟源縣境隨蒙本道急發撫院原撥防濟肆營兵馬親督
勦禦又蒙本道急檄守備蔡如薰從府提兵策應如薰初
拾日辰刻卽抵王屋山是日賊犯西陽約有貳萬幸本道
先發肆營兵馬適到賊據山頭我兵陣河阜河南營中軍
曹鳴鶚先到先戰舊標營千總連穩李春貴鋒營守備趙
之蘭鹽兵守備程君恩董震等俱各到齊合營力戰賊發
精騎衝陣我兵發大砲擊死兇賊約叁百餘雖遵令不割
首級然屍橫血漬歷歷可驗交戰之殷自辰及酉幾叁拾
陣連穩馬中壹箭奪賊壹馬李春貴身中貳箭督陣旗牌
官趙邦佐喝斬壹賊各官同心向前無一退後而守備蔡
如薰與本道及卑職汝開會於王屋行至東陽聞賊分兵
越險將繞肆營之後如薰卽回東陽放砲揚威賊聞而退

賊將打死屍骸乘夜擡去次日拾壹日又驚之於邵原賊遂潰散肆營兵亦因賊遯撤回邵原與如薰合營而賊之精銳幾盡矣拾貳日遣有馬賊米名在峪子里肆營兵連射斬壹賊勝後又復有此要之此壹役也諸將摧狂突之鋒以保肆境如薰過潛伺之狡以護肆營若非本院厚集雄師本道決機布置亦烏能一擊大勝如是神速也等因到道案炤先據營兵曹鳴鶚連穩李春貴報稱初拾日卯時至西陽河遇流賊約數貳萬在於西山官兵相與對敵用砲打死無數斫死亦多遵奉憲諭俱未割級賊將千總李春貴右眉左腿中箭各兵馬輕重傷壹百餘名匹等因又據營官趙之蘭曹鳴鶚連穩李春貴程君恩董震朱夢龍郭承宗等報稱初拾日流賊老營屯扎西陽山頭我兵肆營合扎山下賊自辰時下來先攻箭射參角各官率兵力堵衝戰叁拾餘陣大砲打死無數斫死亦多遵諭不許爭搶割級恐誤大事

有近營中砲賊壹名旗牌官趙邦佐喝令家丁毛得有割首
千總李春貴中箭肆營馬步兵中箭捌拾餘名戰馬中箭叁
拾餘匹得賊箭叁千餘枝殺至日中賊衆勇猛旗牌趙邦佐
持槍督率衆兵丁喊叫奮勇大小砲手馬步各兵蜂擁齊呼
趕殺賊勢大敗又督陣官劉懷德率兵叁百名在東山頂放
砲助勢喊呼壓頂截賊趨路又聞蔡如薰應兵已來令兵大
呼蔡兵肆千助戰賊衆大敗直奔西山頂上衆官見天色黑
不敢前進戌時方收兵暗拔營上東山頂一日一夜人馬全
然未得飲食苦不能言我兵殺至山下天黑賊在山上叫道
我不知是你河南境不必苦殺我就退回賊首老回頭戴
紅纓帽親攻西面又壹賊首報係紫金梁騎栗色長大馬
紅踢冒戴帽套攻西南角後換青馬攻北面賊懼我兵追
殺乘夜不敢放火擡屍暗遯深山等情據此尚未敢盡據
轉報復行監紀同知張汝開詳察據報前因該本道看得

賊之營古塚也去濟界聖佛頭僅貳拾里乃初拾日之來
不從聖佛大路而取間道出西陽之西山欲繞我兵之後
妄意出奇也而不意曹鳴鶚連穩李春貴趙之蘭程君恩
董震等接踵到西陽恰與之相遇而戰賊見我兵力戰
不退又以壹枝復繇楊樹林小路徑下東陽仍欲出我
兵之後而又不意蔡如薰之兵自懷慶發卽到東陽陣
於東陽山頭賊遂不得東下山鬼伎倆兩出而兩不遂
督陣官趙邦佐劉懷德等傳布兩院之令催督愈嚴而曹
鳴鶚趙之蘭連穩李春貴朱夢龍等之戰益力自辰至酉
壹日叁拾餘合大砲打死約叁百餘賊賊始不支而退是
役也賊實有衆貳萬西陽官兵僅壹千玖百蔡如薰兵僅
壹千本道與同知張汝開領守備夏國鍵王家通湯有光
等官兵僅叁百餘名遙爲聲勢於王屋其餘調援之兵如
遊擊越效忠親營中軍馬擢嵩盧營守備張應鰲皆未到

而賊已退矣至未報賊級實緣奉本院之令不敢貪級誤
事據監紀官報山坡見有橫屍血痕不爲無據是日以少
擊衆各官無不奮勇者而曹鳴鶚連穩李春貴之戰尤力
卽鳴鶚部兵輕重傷者共伍拾叁名較各營獨多連穩馬
中流矢李春貴眉腿帶傷此亦其確據矣蔡如薰雖未及
戰於西陽而東陽鼎峙使賊不得斷我兵爲貳亦最得力
相應竝報等因到臣爲炤賊以西兵追急仍如玖月故智
一擁齊來從各口漫入爲數不下貳萬我官兵僅近貳千
乃能酣戰竟日用砲擊死無數兼以砍殺亦多雖遵禁不
敢割級而山谷之間橫屍血清歷有可驗且被傷官兵馬
匹尤爲交鋒確證各營官員如曹鳴鶚連穩李春貴趙邦
佐等之奮勇當先趙之蘭馬擢程君恩董震朱夢龍郭承
宗等之合力堵殺與蔡如薰之應調卽至揚兵東陽使賊
不得行從後包裹之計尤爲出奇制勝謀略過人者也此

番以少擊衆兵家所難而守道尹伸之調度有方同知張汝開之稽察詳明懷慶府知府別如綸之餽糧神速皆勞不容泯者也賊竄西遯復羣聚於高平之間臣終不敢徂濟源之小捷遂忘進剿之大司擇拾貳月拾玖之吉親詣懷慶演武場誓師徧犒問又據山西分巡冀南道副使王肇生差人齎稟內稱拾捌日接河北守道尹伸移文內云大兵已集拾玖日誓師貳拾壹貳可以北來職等捧讀之下恭稔本院憫此潞澤實切痼瘼惟飭各州縣預備糧芻望雲以待本日酉時據哨探報稱賊大隊俱至高平城下與李卑陶進相持而自陽城踵至者又未可以數計高平危在旦夕陽城又爲賊梗此時西北貳路俱已斷絕告急無門所恃以立救危急者惟河南官兵耳伏乞卽於誓師之日諭令各兵兼程前來卽大兵一時未齊合無先發昌平壹枝或別有騎兵速來接濟等情陽和總督臣張宗衡

來書激切相同據此隨委守道尹伸帶領親丁壹百叁拾肆名爲各營監軍令副總兵左良玉領昌營官兵貳千叁百捌拾玖員名令遊擊越効忠領毛營官兵壹千肆百壹拾伍員名令守備李璿璣千總王從書等領毛營官兵壹千壹百捌拾員名令守備錢繼功領毛兵叁百貳拾陸名合之臣標下官丁約近陸千之數自懷慶次第前進徑往山西澤州一面移文山西督撫監按諸臣督同彼中官兵前來高平近賊之處與臣官兵約期合剿外事係奉

旨夾擊合宜具

聞抑臣於此而更有

請者昌鎮之兵原係中州鄉紳公疏呼籲

皇上特允所

請調發此中用以固腹心之重地通南北之咽喉爲中州實爲天下也一切行糧銀已於河南額解銀內兌給壹月是兵

卽河南之兵餉亦河南之餉一旦以賊不入境樞臣移緩就急題

請以左良玉之兵聽晉中督撫調度征勦自屬苦心但賊近犯濟源豫境非盡無事加以昌兵與臣兵皆過晉駐澤州適中之地北可以援高平長子東可以接陵川潞安西可以應陽城沁水爲晉中炤管許多地方兼可以保固濟源臣之心力盡矣若昌兵聽晉調度萬一調去深入賊突竄河北遠不及顧是以救中州者反以禍中州於

聖明發兵之初意不大孤乎臣愚謂山西以西宜屬之秦中兵將向東追勦山西以東宜屬之河南及昌鎮兵將向西截殺而以山西之兵將從中邀擊賊雖狡當無噍類矣行臣之言斷宜以昌兵專駐澤州聽西兵追來於附近往來迎擊旣可爲晉中勦除又可爲河北保固計之兩得者也昌鎮之兵乞

恩仍付臣調度彼此兩全若專聽晉中臣權不能行空費如許
餉槁不能得其一臂待踈虞而後呼籲計亦晚矣況此時
仍爲晉中殺賊聽臣調度猶之聽晉調度也萬惟

聖明垂察

俞允幸甚卽以昌鎮兵專屬河南然主兵萬餘參月來畱餉陸
萬金業已費盡此時正在攢眉束手加以客兵貳千參百
捌拾有奇萬萬力不能支更祈

聖恩勅下戶部炤原部文內於河南解部額餉內充支銷算更
懇乞

聖恩量畱數萬金以給主兵則目前可救燃眉日後更便銷算
臣得一意辦賊矢殲此以報

明命若不計畱餉而徒言行兵是以畫餅止兒啼必不得之數
也無言滅賊矣尤可慮者太行險阻餽運拾分艱難今參
省之兵已集臣兵在晉遵奉屢

旨終不敢深入而忘內顧亦不敢久駐而犯師老倘西兵不及此時急爲追殺則夾擊之功不成枵腹之兵空返徒爾勞費寇殲何日之有晉諸臣雖素屬同心更乞

天語申飭丁寧窮寇乃可計日靖也臣一片血誠誓不與此賊俱生

請兵

請餉總爲兩省救此封疆非爲兩河私也事急矣計窮慮迫不得不哀鳴於

君父之前伏惟我

皇上鑒臣之愚

勅部立覆施行等因崇禎陸年正月初陸日奉

聖旨該部看議速奏欽此欽遵鈔出到部送司案呈到部除請餉聽戶部議覆外看得議調昌兵原爲援豫嗣以修武清化之寇遯入平陽晉中所在披猖而河南適有欲止客兵

之議臣部念干擬往返跋涉爲艱況澤潞之間正資勦禦
因有左良玉聽晉督臣調度之

請夫亦爲山西賊滅而後中州得高枕無虞耳今撫臣樊尚燝
疏稱兵駐澤川北可以援高平長子東可以接陵州潞安
西可以應陽城沁水又謂秦兵向東追勦豫兵向西截殺
山西兵從中邀擊賊雖狡當無噍類此誠萬全之策也今
因賊犯濟源請左良玉仍歸調度相應允從然臣部猶有
進於此者夫賊以流名原無定在萬一別從間道轉入天
中左良玉貳千步兵豈能辦數十萬之賊卽晉中兵將亦
應聽豫撫臣調遣而曹文詔參千精銳更當捲甲疾馳矣
總之秦晉豫雖有分土分民然以

朝廷視之不得作彼此觀也所願參省文武諸臣同心合力早
奏蕩平耳旣經奉

旨看議相應覆

請伏候

命下遵奉施行

崇禎陸年正月初捌日

初拾日奉

聖旨秦晉兵力厚集賊必窺虛犯豫堵禦最爲要著自當東西
分布夾勦晉兵從中截擊窮寇無歸兇黨可淨左良玉兵依
議聽樊尚燝調度仍著各督撫鎮相機審勢協力圖功若但
保境禍隣仍以縱賊情繇論罪爾部星馳通飭

兵部尚書臣張鳳翼等謹

題爲塘報事職方清吏司案呈奉本部送准遼東巡撫方一藻塘報崇禎伍年拾貳月貳拾柒日酉時據寧前道兵備僉事降級戴罪管事陳新甲塘報本月貳拾柒日辰時據前鋒右營中軍蔣懷玉呈解據撥夜百總王友功於本月貳拾肆日接獲夷丁并眞夷男婦幼小捌名口馬貳匹押解到職審據各口詞來歷來四白克供係平夷營夷丁在凌困去分與西夷頭目刀兒計下做部落在燒火兒地方住於本月拾玖日起身偷騎馬貳匹繇巡簡寺進牆白言代結二愛夜不收額卜太乞炭舍喇代供係兀他氣家達子在養善木住於本月拾玖日起身繇清河樓臺進牆等情連人呈解到道據此該本道覆審來四白克委係平夷營夷丁大凌困去分與刀兒計他不能下一向在瀋陽住俱稱喇嘛初番請賞知之其後一回再差則不知也又供

稱四王子哥滿貫代那顏委實死了滿城達子都哭且將
達帽上紅纓盡行割了止戴無纓帽子及審來四有妻殷
素白克有妻老哈代俱在錦州相應仍發本營安插其馬
貳匹仍賞本夷騎坐再審白言代結二愛夜不收與白言
代未到之妻額卜太子乞炭舍喇代委係兀他氣下部落
在養善木住座供稱貧窮不能度日情願攜妻挈子投奔
中朝再三譯審似無別情相應發右營安插理合連人塘報
等因到院據此該本院復審無異合行塘報等因到部送
司案呈到部看得來四白克既審係平夷營夷丁應與安
插唯向有三酋已死之報今供稱四王子哥滿貫代那顏
委實死了果否相符又謂初番喇嘛之來彼亦知之且幼
小捌名口能拐馬貳匹其中有無別情應

勅下該撫鎮細將情形明白譯審務期安置得宜可也既經塘
報前來理合具本題

知

崇禎陸年正月初玖日

初拾日奉

聖旨原報降夷八名口似非專指幼小拐馬該部是否看明該撫監俱稱覆審竝無別情還著再行確奏

兵部尚書臣張鳳翼等謹

題爲江北盜黨流劫沙民驚擾不寧懇乞

聖明嚴飭南北合剿以清窟穴并祈速

賜遴補將缺以資彈壓以固疆圉事職方清吏司案呈崇禎伍年拾貳月貳拾柒日奉本部送兵科鈔出應天巡撫莊祖誨題前事內稱崇禎伍年拾壹月拾壹日據署江南副總兵官事坐營遊擊胡文若呈據署崇明把總事武舉官程周祐於本月初伍日稟報大盜船拾捌玖隻分爲兩艘在江北海面揚帆過南卽督兵船星馳縣後等沙追緝等情據經差撥塘健往探回稱本月初貳夜賊船拾數隻自北而來灣泊管家洪初叁早往縣後沙中大市鎮賊約貳叁百人虜掠酒米牲口等物併虜去壹人隨有兵船趕襲賊卽復往江北如臯地方而去見獲貳賊供稱賊首姓劉巢聚鶯遊山地方係江北淮河外洋與山東接壤等情據此合

行呈報等因到臣隨卽行道察究仍飛檄道鎮及沿海各營官兵併移會江北撫按協力擒勦去後續於本月拾伍日據蘇松兵備副使蔣英呈准劉河遊擊鄭維城手本開據程周祐稟稱奉令親督兵船前赴追勦豈盜聞風先已潛遯直追至江北大洋方始收兵仍令官兵嚴加防守要隘外稟覆到職據此復行各營加謹戒備擬合移會等因據此爲炤平歲屢災饑民伏莽而崇邑各沙皆萑苻洲諸落落相懸遠者間百餘里近者亦數拾里守望莫施首尾難應以致兵勢不能周備賊衆易以潛窺蓋不特今日爲然矣縣後沙之灣泊初報張皇旋聞鼓聲而遯其中情實亦可想見然不敢以其弭伏遂謂無患也已經嚴督各營勵兵有侍候哨探的確另文呈覆等因到臣該臣看得崇明一邑屹峙海心諸沙星列洪濤孤嶼四顧無援每爲盜賊窺伺往來之數最稱要害向設把總壹員專司巡守尚

慮權輕故臣於去冬

請改劉河遊擊還鎮崇明而部議謂劉河可以扼海口崇明不
可以控劉河且改叅遊又添廩餼不如加把總以守備銜
而稍增其兵意見雖未盡合總期有備無患綢繆於未雨
也然臣每夙夜戒心申飭屢嚴地方賴以乂安奈今歲江
北水荒盜起先是秋間偶有盜帆南向大安諸沙緣臣備
禦有方當加截遂得保無虞竊謂疆圉可幸寧戢不意黨
孽未散突從北來搶掠市鎮官兵追襲復遯淮洋雖所劫
止米牲食物未有焚殺之變而孤邑已受其震駭矣夫諸
沙無城墉可恃風鶴易驚夥盜有窟穴可盤出沒無定此
時不一大創是爲養癰恐釀巨測之患第茫茫大海南北
共之疆境旣隔調度非專除臣一面料理議會外仍祈
皇上勅諭江北撫按諸臣與臣同心籌畫務於境內偵探果確
有兇渠巢聚則合兵搜勦如倏忽飄泊須密蹤其去來之

路扼吭制要毋使此擊彼避乃可以清盜源而消隱憂也
至於該營把總正一邑所倚安危自沙廷瑄經屯臣任僕
論劾去後此缺久懸縱使部推有人旦夕未必卽至況邊
邑多事非駕輕就熟之手未易勝任則爲地擇人尤不可
緩察得臣標營守備蔣之俊廉勇夙著險要素諳本官歷
俸肆載亦應量移合無就近陞補前缺俾得刻期受事其
添廩增兵等項容臣自爲設處不致加賦累民庶事權重
而彈壓易猶是臣

請改遊擊之初心也再炤吳淞控臨大海保障三吳總鎮壹官
居中調度實操首尾擊應之權而臣獲收指臂運使之用
今日海洋告儆非藉元戎旗鼓無以建威銷萌自舊鎮趙
世臣陞轉部推焦續後代之旋以閩事聽勘解任再推溫
處叅將袁大寧陞補臣幸衣帶一水赴任必蚤乃因江浙
之海寇披猖正係職守卽今傳聞寇退而本官尚在料理

或難遽離伏乞

皇上速補賢弁以重閫寄此俱振飭嚴疆之緊著也總之宗明與吳淞表裏繹聯聲援互倚誠使捍方隅者緩急足恃而建麾旄者控制得人俾臣得呼吸畢應藉手圖維卽偶有竊發撲滅亦易而邊海無鞭長之慮地方傲磐石之安矣臣謹會同直隸巡按陳乾陽合詞具題仰祈

聖裁

勅下該部覆議施行等因崇禎伍年拾貳月貳拾陸日奉

聖旨報內賊犯宗明虜掠去來情形全未明悉著該撫按將失事實情及疎防將吏詳察速奏旣稱見獲貳賊供明賊首巢聚地方何難擒翦併著江北撫按嚴行偵緝協力搜勦務期盡殲不得彼此互諉但以倏忽飄泊爲辭所奏陞補將弁卽與議覆該部知道欽此又該直隸巡按陳乾陽題爲江北大盜越境肆掠乞

勅會勦以清盜藪以靖海氛事等因崇禎伍年拾貳月貳拾陸日奉

聖旨已有旨了該部知道欽此欽遵通鈔到部送司案呈到部看得劉河爲海口要地該營守備委須得人沙廷瑄員缺臣部已推用舊科會武試有技勇之羅良籌矣今該撫按疏稱標營守備蔣之俊廉勇夙著險要素諳就近推補有駕輕就熟之便應如所議察本官去年拾月內已推陞

中都畱守都司僉書今改補劉河卽以都司僉書管守備事可也新推之羅良籌俟有相應缺另推至於吳淞副總兵自袁大寧以溫州失事降級戴罪候代臣部已於去年拾貳月改推南京錦衣衛掌印許自強自強固南將之表表者相去不過伍百里計此時亦當抵任矣旣經具題前來相應覆

請合候

命下將蔣之後以都司僉書職銜管劉河守備事羅良等候缺

另推

崇禎陸年正月初捌日

初拾日奉

聖旨是

兵部等部尚書等官臣張鳳翼等謹

題爲遵

旨明白具奏事職方清吏司案呈崇禎伍年拾貳月拾肆日奉
本部送兵科鈔出昌鎮督治侯恂題前事內稱本年拾貳
月初貳日准兵部咨爲議補標兵以資練防事咨稱該臣
題前事等因奉

聖旨侯恂職任督治該鎮將領兵馬盡屬統轄料理何云門可
羅雀牙齰無色據稱招選標兵止還舊額前時關撫發回的
銷歸何處併餉銀作何支用還著明白具奏該部知道欽此
欽遵移咨到臣案炤昌鎮新兵原額伍千去歲大凌之役
奉

旨調發叁千後於拾貳月內關撫將有家口不願在遼者肆百
玖拾玖名發回遵部議也比時各兵還昌該道逐一點驗
俱係精銳緣部題叁千月餉改支關外自崇禎伍年正月

爲始移發寧遠餉司此中新兵向餘貳千該部更定經制卽以貳千爲額前發回者竝無名糧無從開支該臣前疏內稱發回昌兵仍應畱用以資防禦惟是經制有定餉額礙難增添議將在昌營兵嚴加簡汰卽以有家口者選補缺伍嗣察新營本無老弱其事故者亦復不多各兵選補未盡有鎮臣陳洪範收爲家丁隨營東征者有見在地方者自後新兵月餉止以貳千造支該部亦遂止炤貳千發餉該司奏報季冊可按也頃左良玉赴援懷衛呈報入關兵數實在貳千叁百伍拾陸名則以年餘駐遼陸續開除合之關撫發回者共少原額陸百餘名故臣議如數招補充作標兵耳非敢輕言募兵而糜

國家之金錢也相應明白具奏伏乞

聖鑒施行等因崇禎伍年拾貳月拾叁日奉

聖旨該部覈議具覆欽此欽遵鈔出到部送司案呈到部看得

昌鎮新兵調發關外者凡參千名後因有家口兵丁肆百玖拾玖名發回原鎮

明旨所以有銷歸何處之察問也今據督治奏明發回新兵並未支糧卽將營兵嚴汰選補其未盡補者爲陳洪範家丁隨營東征則此肆百玖拾玖名見爲缺額矣據左良玉赴援河北呈報兵數實在止貳千參百伍拾陸名蓋以關外陸續開除合之關撫發回共少原額陸百餘名也該督治招補健丁立標兵壹營止還伍千之額於經制非加至其衣裝每兵貳兩卽於節省餘銀動支而馬匹器甲該督治自行措處非添新兵而補舊額所謂無增兵之費而有其用者也相應准從旣經奉

旨覈議臣等謹會同太子太保戶部尚書臣畢自嚴等合詞覆請伏候

命下遵奉施行

崇禎陸年正月初柒日

初拾日奉

聖旨是

工部尚書臣周士樸等謹

題爲經制略定甲馬當先謹察全額虧欠之數籲請

聖裁事虞衡清吏司案呈宗禎陸年正月初陸日奉本部送工科鈔出該本部題覆山水巡撫楊嗣昌題前事內稱請討關門製造盔甲銀兩等因本年正月初伍日奉

聖旨關寧第一重鎮軍器急需前該部議催料銀接濟尚恐延緩因發帑金暫應迄今將及壹年前項料價曾否徵解作何支用何得但稱窘匱日甚反以前且不從今又奚應爲言還著明白另奏月餉給發自有定額定期何故以至急軍需久不補還著戶部自行回奏欽此欽遵鈔出到部送司奉此相應具奏案呈到部該臣等看得去年正月間關寧監視馬雲程請討製器銀參萬餘金水衡原無額供一旦索之額外比因部庫匱乏急呼難應不得已議徵就近府屬州縣未完料銀發解接濟卽此額入之料銀亦有額出之造辦

非謂有餘可以措給也仰承

聖明睿慮恐其待徵始解緩不及事隨蒙發

帑以應在該鎮幸有造備之需在臣部少寬疾呼之應今撫臣楊嗣昌復請盈甲缺額銀兩臣部少可通融曷敢輒以匱窘具陳前不能從參萬之請而今又不能應捌萬之求總因省直徵解額入之料銀或爲殘破或爲災荒報解稽遲無過於今日臣部造辦額出之軍需或爲護衛或爲操演勒限速成亦無逾於今日更有廠局額外之造按期給發臣部苦無接濟實乏湊給是以明明入

告如其稍可轉移以

皇上之金錢造

皇上之盈甲備折衝之急需奠巖邊於磐石臣等夙夜圖維正爲此耳抑何靳而不予今仰塵

聖明詰問前項料價曾否徵解作何支用臣等備察順天所屬

州縣未完併應解四司料銀共玖千壹百壹拾柒兩有奇陸續解庫止肆千捌百餘金或發監局之修理或措軍需之造辦或湊冬衣靴料之正供額入之數仍歸額出之用那移補湊尚且不足庫中實無贏餘存積以待請討也第今關寧重地呼籲宜應伏祈

命下臣部咨會總理內臣察將節慎庫不拘何項銀兩那補前項解庫料價察發肆千捌百陸拾柒兩先行解運關門以爲造辦之需其各州縣未完銀肆千貳百肆拾餘兩一面咨會撫按嚴催徵解一面臣部差官守催押運以濟籲請之急萬一各州縣呼終不應臣部仍行那補合戶部應還之壹萬柒千玖百餘兩亦足以接濟目前而臣部去年所議就近徵解之玖千壹百壹拾柒兩零亦不至徒託之空言雖不能盡如所請而急需亦可無誤矣伏乞

皇上勅下遵奉施行

崇禎陸年正月初捌日

初拾日奉

聖旨這關門軍需銀兩先炤數察發餘著守催押解不許延誤

工部尚書臣周士樸等謹

題爲預整戰守之局以爲制虜急著事虞衡清吏司案呈崇
禎陸年正月初伍日奉本部送准兵部咨開東協監視太
監張國元題前事內稱臣監視信地自永平至寧錦延袤
陸柒百里馬步軍兵經制已定關外捌城馬步兵丁挑其
精建立爲貳大營山海壹鎮將撫鎮道標下兵丁挑出馬
步立爲壹營習練戰守以爲定制原非於經制之外有所
更張添設但今兵丁馬匹器械盔甲缺少尚多伏乞

勅下該部作何處置星夜發來入伍訓練以備戰征等因崇禎
伍年拾貳月貳拾捌日奉

聖旨該部看議速覆欽此欽遵鈔出到部察得監視所請器甲
事隸工部相應咨會徑自議覆等因於崇禎陸年正月初
肆日到部送司奉此相應議覆案呈到部該臣等看得關
寧一帶奴酋圖逞之鄉布置戰守在在宜嚴近有四酋離

窠之報所須甲仗更當備具監視內臣熟觀形勝精選兵丁立爲參營內外戰守奇正相生應援相顧是於經制已定之中又欲爲此舉以示有備無患之意但因請馬匹遂慮及器甲會疏

請發然臣等伏念所挑兵丁卽係關門內外原額之兵非於額數之外更有增設則平時訓練自有嘗穿之盔甲嘗習之器械今監視旣稱缺少當此需用之急不得不爲接濟臣等察得盔安兩廠除陸年正月初叁日

御覽未經報數不開外見今存貯

御覽過盔甲伍千玖拾肆頂副戊字庫新式盔甲壹千伍百壹拾肆頂副所貯不多合無酌發戊字庫盔甲叁百頂副盔安兩廠盔甲柒百頂副以補關寧馬步之闕略至於器械壹項則銃砲腰刀弓箭等件監視

請無定名亦無定數或於數者之中量爲給發或仍移會監視

定名定數覆

請酌給庶臣部得以湊處而該鎮可裨實用矣伏乞
勅下臣部遵奉施行

崇禎陸年正月初捌日

初拾日奉

聖旨盧甲依議著發一千頂副其軍器等項移會監視開定名
數酌給

工部尚書臣周士樸等謹

題爲訪獲埋藏軍器事虞衡清吏司案呈崇禎伍年柒月拾
叁日奉本部送工科鈔出該巡按直隸監察御史龔一程
會同應天巡撫莊祖誨題前事等因柒月拾壹日奉

聖旨這造辦軍器竟有延閣拾餘年尚未到部的卽託名姦解
遲誤該管官何漫無稽督好生玩肆該部卽察明年分久近
拖欠緣繇酌處示懲其完欠數目仍炤部冊勘對是否相符
正解帶解考成等事俱遵前旨嚴飭迷旨內向字譌曩改正
行欽此柒月貳拾玖日又奉本部送工科鈔出該應天巡撫
莊祖誨題同前事等因柒月貳拾叁日奉

聖旨已有旨了該部知道欽此捌月拾玖日又奉本部送工科
鈔出巡按直隸監察御史陳乾陽會同應天巡撫莊祖誨
題同前事等因捌月拾柒日奉

聖旨本內軍器完欠數目及經管各官職名通著該部察覈議

奪其正解帶解考成等事俱遵前旨嚴飭行欽此欽遵俱各
通鈔到部送司奉此察得蘇州府每年共該額解盔甲腰
刀柴百零捌頂副把角弓叁百貳拾張攢箭肆萬枝弦壹
千陸百條天啓元年分軍器於天啓叁年捌月間起解盔
甲肆百貳拾壹頂副腰刀肆百貳拾玖把角弓叁百張攢
箭肆萬枝弦捌百壹拾肆條欠盔甲貳百捌拾柒頂副腰
刀貳百柒拾玖把角弓貳拾張弦柒百捌拾陸條見催加
增銀兩完補造解經管原任署印同知楊姜天啓貳年分
軍器於天啓肆年貳月間起解盔甲肆百貳拾壹頂副腰
刀肆百貳拾玖把角弓叁百張攢箭肆萬枝弦捌百壹拾
肆條欠盔甲貳百捌拾柒頂副腰刀貳百柒拾玖把角弓
貳拾張弦柒百捌拾陸條見催加增銀兩完補造解經管
原任知府陳所行天啓叁年分軍器於天啓肆年玖月間
起解盔甲肆百貳拾壹頂副腰刀肆百貳拾玖把角弓叁

百張攢箭肆萬枝弦捌百壹拾肆條欠盔甲貳百捌拾柒
頂副腰刀貳百柒拾玖把角弓貳拾張弦柒百捌拾陸條
見催加增銀兩完補造解經管原任署印同知楊姜天啓
肆年分軍器於天啓陸年伍月間起解盔甲肆百貳拾壹
頂副腰刀肆百貳拾玖把角弓叁百張攢箭肆萬枝弦捌
百壹拾肆條欠盔甲貳百捌拾柒頂副腰刀貳百柒拾玖
把角弓貳拾張弦柒百捌拾陸條天啓伍陸兩年額解盔
甲腰刀攢箭俱已如數完解每年止欠角弓貳拾張弦柒
百捌拾陸條見催加增銀兩完補造解其額徵軍器與完
欠數目細炤部冊磨對相符經管原任知府寇慎天啓柒
年崇禎元年軍器據奏批差起解在途尚未到部經管原
任知府王時和崇禎貳叁肆年俱未解到經管見任知府
今降調史應選其伍年應解錢糧併前欠軍器合宜嚴督
見任府官速催造解遵炤題定年分依限解部松江府每

年共該額解盔甲腰刀貳百捌拾頂副把攢箭肆萬枝自
天啓元年至崇禎年軍器未經解完經管原任知府張宗衡
仇時古署印推官王繼廉崇禎元年分已造盔甲刀壹百
陸拾叁頂副把箭貳萬貳千陸百柒拾捌枝於崇禎肆年
陸月間起解到部未完盔甲刀壹百壹拾柒頂副把攢箭
壹萬柒千叁百貳拾貳枝貳年分已造盔甲刀壹百肆拾
頂副把攢箭叁千伍百柒拾貳枝於崇禎肆年陸月間
起解到部未完盔甲刀壹百肆拾頂副把攢箭叁萬陸千
肆百貳拾捌枝叁肆兩年應解軍器據奏差官起解於伍
年玖月貳拾陸日施王德解到崇禎叁年分盔甲刀貳拾
柒副箭柒千貳百枝又解到崇禎肆年分盔甲刀壹百拾
叁副經管見任知府方岳貢其完欠數目察明年分備炤
部冊磨對相符其伍年應解與前欠軍器及已解未到者
合嚴督見任府官星夜催造遵炤題定年分依限解部嘗

州府每年該額解錐箭貳萬枝天啓元年至崇年分額解據奏造完舊式錐箭奉文遵改新頒式樣復爲更造經管原任知府何應瑞曾櫻崇禎元年分錐箭經管原任署印推官劉興秀至於貳參肆年應解錐箭全無解報經管原任知府石萬程見任知府洪周祿管造炤磨連文祖熊昌楚其應解數目與部冊磨對相符伍年未解併帶解錐箭合嚴督見任府官速催遵炤題定年分依限解部鎮江府每年共該額解盔甲腰刀壹百陸拾頂副把攢箭參萬枝與部冊磨對相符天啓參年分軍器據奏造完盔甲刀箭陸續解部察未解到肆年攢箭參萬枝已經解納掣批去訖併伍陸等年盔甲腰刀造解駁回見催加增銀兩改造已經解部駁回經管原任知府翁爲樞賀仲軾管造指揮戴天錫耿繩祖自天啓柒年至崇禎肆年軍器未經完納經管原任知府陸懷玉署印推官周廷鑑其伍年見解軍

器併前欠數目合宜嚴督見任府官星夜造辦遵炤題定
年分依限解部徽州府每年共該額解盔甲貳百副頂刀
壹百陸拾把弓貳千張箭貳萬枝弦壹萬條備炤部兩磨
對相符除天啓貳年分弓箭弦條解部交納止欠弓壹百
零捌張於崇禎伍年玖月內駁回不堪弓柒百拾捌張箭
貳萬枝其天啓元年軍器解京未交貳叁肆等年軍器已
經解驗不合新式駁回改造經管原任知府陳士章劉尚
信管造指揮賀萬春王尚詔自天啓伍年至崇禎肆年俱
未解部經管原任知府鵠鵬洪胤衡任政見任知府陸錫
明署印同知李茂蓉及管造指揮余度千戶于日光百戶
祝明魁牛斗其伍年額造軍器併前欠數目合宜嚴督見
任府官火速造辦遵炤題定年分依限解部寧國府每年
共該額解盔甲壹百零伍頂副罩甲壹百伍件腰刀捌拾
把箭貳萬枝除崇禎貳叁兩年分箭枝已經解到外完欠

數目備炤部冊磨對相符自天啓元年至崇禎肆年止竝
無造解管造指揮耿士烈秦之璽貳役侵那達誤經管原
任知府關驥王公弼黃夢松署印同知柴游泗通判陳秉
厚見任知府周光夏併管造指揮宋國威李日茂其伍年
應解軍器併前欠數目合嚴督見任府官星夜造辦遵炤
題定年分依限解部太平府每年共該額解盔甲壹百零
陸頂副腰刀捌拾把錐箭貳萬枝天啓元貳參等年除收
過盔箭掣批去訖外每年欠盔伍拾陸頂甲壹百零陸副
腰刀捌拾把天啓肆年收過盔伍拾頂欠盔伍拾陸頂甲
壹百零陸副腰刀捌拾把錐箭貳萬枝天啓伍年收過盔
肆拾伍頂錐箭貳萬枝欠盔陸拾壹頂甲壹百零陸副刀
捌拾把天啓陸年收過盔肆拾伍頂解到錐箭貳萬枝欠
盔陸拾壹頂甲壹百零陸副刀捌拾把於崇禎伍年玖月
內駁回不堪箭壹萬參千肆百伍拾枝其額解軍器與完

欠數目細炤部冊磨對相符經管原任知府李若訥劉似
鰲閭煖管造百戶高啓明千戶遲譽洋薛之鳳自天啓米
年至崇禎肆年軍器未經造解內天啓米年分雖箭貳萬
枝除駁回外止收叁千伍百枝經管原任知府王莅顏容
暄見任知府孫如蘭管造百戶徐甲金李生枝鎮撫章似
麟其伍年應解軍器併前欠數目合嚴督見任府官火速
造辦遵炤題定年分依限解部安慶府每年共該額解盔
甲壹百壹拾頂副腰刀捌拾把自天啓伍年加造罩甲壹
百壹拾副弓箭弦向解折色至天啓伍年已該本部行文
造解本色額解數目與部冊磨對相符自天啓元貳叁肆
等年盔甲刀已有造完解部因未合式駁回改造經管原
任知府沈中英陳鑲管造指揮劉文章自天啓伍年至崇
禎肆年並無造解原任知府游雲鴻署印同知曾宇琦署
印推官朱祚盛見任知府田大本管造指揮劉文章崔美

瞻石之璋馬鳴鑾其伍年應解軍器併前欠未解數目合
嚴督見任府官速催造辦遵炤題定年分依限解部廣德
州每年額解雖箭貳萬枝與部冊磨對相符天啓貳叁兩
年造完解部因未合式駁回改造天啓肆年分額解箭枝
已經解納掣批去訖天啓伍年已完箭捌千枝未完箭壹
萬貳千枝至崇禎肆年未經完解原任經管州官許國器
沈振龍曹更新陳善學李音署印應天府通判袁堪其伍
年應解箭枝併前欠數目合嚴督見任州官速造解部相應
題覆案呈到部該臣等看得軍器壹項戰守急需當此時
事艱難各該省直應解盔甲腰刀弓箭弦條經管諸臣咸
宜悉力專繕及時措辦依限解部以備不虞茲察蘇州等
捌府壹州賦役繁重積逋不止壹項其拖欠軍器有起解
日久而批迴未掣則見在監比有炤舊辦解而續奉新式
則別行改造更有一駁再駁而措辦未免費手亦有徵料

徵墊而督造不無稽時惟各項頭緒多端故有拾餘年之拖欠恭繹

明旨酌處示懲臣備員戶部習知戶部考成之法大抵嚴於見任而不無末減於陞選代庖蓋事權在握則人心知惕擔荷維專則措處不難故見任者除見徵之外尚責以帶徵意可知也而陞遷者銜轡已更則操縱無力代庖者耳目暫攝則呼吸不靈止察炤完欠應降級者炤級罰俸行見任衙門炤月扣除事故摘降者俟補任後扣俸罷職不敘及物故者盡行免議此酌之情法按其時勢不得不出於此不敢以一切之法繩之也今奉

明旨酌處積欠軍需諸臣敢另行其臆乎察得蘇州府原任知府寇慎松江府原任知府張宗衡常州府原任知府何應瑞曾櫻鎮江府原任知府陸懷玉寧國府原任知府王公弼太平府原任知府李若訥安慶府原任知府游雲鴻廣

德州原任知州李睿係陞選之官原屬正印應行見任衙門罰俸叁箇月者也松江府原任推官王繼廉嘗州府原任推官劉興秀鎮江府見任推官周廷鑰徽州府原任同知李茂蓉安慶府原任同知曾宇琦應天府原任通判袁堪係署印之官而中亦有陞選者應行見任衙門罰俸貳箇月者也蘇州府原任知府王時和史應選嘗州府原任知府石萬程徽州府原任知府陳士章劉尚信任政寧國府原任知府關驥黃夢松太平府原任知府閻煖安慶府署印推官朱祚盛廣德州原任知州黎崇宣係事故謫降之官太平府原任知府王蒞患病安慶府原任知府沈中英守制俟補任後察係正印者扣俸叁箇月署印者扣俸兩箇月者也太平府原任知府顏容暄係方今辯復松江府原任知府仇時古鎮江府原任知府賀仲軾徽州府原任知府頡鵬洪胤衡寧國府原任署印通判陳秉厚廣德州原

任知州沈振龍曹更新陳善學係罷職不敘蘇州府原任
知府陳所行原任署印同知楊姜鎮江府原任知府翁爲
樞太平府原任知府劉似鰲安慶府原任知府陳鑲廣德
州原任知州許國器係物故所當免議者也松江府知府
方岳貢見任伍年太平府知府孫如蘭見任叁年寧國府
督造同知柴游泗見任叁年甯州府知府洪周祿寧國府
知府周光夏安慶府知府田大本見任貳年徽州府知府
陸錫明見任年半雖復任有久近之不同然總不能壹年
完壹年之限所當降職壹級炤舊督造全完仍責令依例
帶造起解者也臣等之酌處如此伏乞

皇上鑒裁

勅部遵奉容臣等移咨吏部一體遵守庶拖欠補造之逋數漸
清而延捱推卸之肺腸可易矣

崇禎伍年拾貳月貳拾柒日

陸年正月初拾日奉

聖旨依議其見任各官仍著嚴催督造完解不許延悞

工部尚書臣周士僕等謹

題爲察叅已報起解久未到部錢糧以重軍需以肅怠玩事
虞衡清吏司案呈崇禎伍年拾貳月貳拾日奉本部送工
科鈔出該本部題前事等因拾貳月拾玖日奉

聖旨軍器急需起解延緩至有拾年未到者殊屬可惡著各該
撫按嚴提解官解戶究問追擬仍察歷年經管職名回奏還
立限與他欽此欽遵鈔出到部臣等立限浙江福建俱陸年
叁月內江西陸年肆月內察明回

奏於拾貳月貳拾柒日移咨各該撫按去訖所有限期理合
具本謹具題

知

崇禎陸年正月初柒日

初拾日奉

聖旨知道了

總理戶工兩部事務太監臣張彝憲謹

題爲叅處解餉差官稽遲軍需嚴行警惕以重嚴疆事臣於
崇禎伍年拾貳月貳拾伍日據延寧鎮餉司署郎中事主
事曠昭呈爲差官帶餉還家饑軍脫巾可慮急請速發年
例以救危急存亡事內稱延鎮居恒請發年例只言顛連
困踣之狀不意目前得生生死之界勢急情迫之時百倍
平嘗有不容不仰籲者題差樊門知領解延鎮秋季餉銀
伍萬有奇接邸報已見於拾月貳拾肆日

陞辭出京計貳拾叁肆日可得抵鎮業撥西河防守銳兵徑奔
汾陽迎護今過月矣足音杳然發人密探云本官係河南
密縣人堅欲藉郵符之便衣錦還里此延鎮何等世界也
孽債未滿秋禾蚤霜而又壹座城跳梁西川撫道鎮將親
擐甲胄躬冒矢石行糧坐糧調度不敷卽令戴星前往猶
未免枕藉相望乃竟紆迴枉道優游里門戀心於故園之

白松而忘情於危邊之黃沙以致軍士沟沟日向撫院餉司擁門大哭雖一面差官守催而河南一帶流賊反梗倉猝難到伏乞軫念封疆大事俯將冬季年例於萬難那湊中那湊數萬給付差官王國英星夜從西路前來以濟嚴寒儻同尋嘗不蒙軫恤億萬衆張頤待哺之人不知作何禍殃伏乞昭詳等因到臣據此案察延寧鎮崇禎伍年秋季年例餉銀伍萬玖千叁百壹拾伍兩零太倉銀庫已於拾月拾陸日兌發戶部題差光祿寺監事樊問知領解去訖今據餉司呈稱前因該臣看得邊寨嚴疆惟賴官軍以爲捍衛其官軍年例又賴月餉以資飽騰此係緊急軍需而不可須臾稽遲所繫最重而不忍輕言者是以該部固將各邊餉銀俱已逐月察算按季題

請給發在案今察據延寧鎮本年秋季餉銀伍萬玖千叁百餘兩該部題差樊問知管解太倉銀庫業於本年拾月拾陸

日允發前銀迄今伍拾餘日尚未到邊借斯解餉枉道還鄉罔顧軍需之緊急惟知故里之榮歸以致官軍引領於盼餉待哺嗷嗷朝不保暮實係本官忘情於餉銀優游泛泛漫不經心竟致耽延慢事可爲極矣合宜叅究嚴處以警將來庶差無濡滯而軍需有濟也相應題

請伏乞

聖明勅下該部移咨該撫按并餉司察究具

奏嚴處施行

崇禎陸年正月初玖日

初拾日奉

聖旨嚴鎮軍需甚急樊問知領解玩悞好生可惡且著革了任戴罪押解速赴該鎮交割仍著該撫按一面嚴催防護應付毋致疎虞併將他何日過里何日起解何日到鎮一一奏明另奪齎餉差官屢諭戶部選擇的當刻期速到何又輕委泄

視著該司官回奏至郵符應有定程何繇枉道供應著經過
驛傳官奏明該部知道

總理戶工兩部事務太監臣張彝憲謹

題爲請

旨會同諸臣折驗草梁以清姦弊以杜讒口事竊炤臺基場之
草近日司官親自收買所以甦商困釐積弊裕儲蓄法至
善也今收買業已將完該巡視科道諸臣驗收矣今據臺
基草場小脚孫承忠首爲藐

旨蠹

國捉贓擬罪事內閣同行梟蠹小脚蘇湯海勢財彌天窺知
部官買辦露積草束伊陡起姦端主使贓兄蘇湯洪夥局
帑金率領侯官等與販草束恣意網架竊思伊係場役又
充賣草客販恣意嚇串王大使溫見年捏數多報冒破加
倍惑稱部官內親誰敢細察又款開揀出黑爛草欺官欺
旨徑將此草包網大箇填在大梁東北角內圖觀梁高聳其患
其禍坑害不淺等情到臣該臣看得草場錢糧爲軍

國之需關係匪細其防閑之術當嚴而察驗之法宜周使孫承忠之首告出於誣罔猶可言也儻果係真情豈容玩縱然非折梁辨驗真偽莫決故監督馮名世亦求折驗以明心迹試使參雜黑爛虛捏報多不獨蘇湯海等有罪卽本官何辭譴責若驗無他弊事屬誣指孫承忠自應反坐以警刁風相應具題伏乞

皇上勅下容臣會同部臣并巡視科道等官公同拆梁察驗明白據實糾參

崇禎陸年正月初玖日

初拾日奉

聖旨這草梁著卽會同折驗據實具奏該部知道

日講官禮部左侍郎臣王應熊謹

奏爲言官造誣不情微臣被辱已極懇祈

聖斷亟加罷斥併

賜勘覈以綜名實以昭公道事臣聞士人之廉猶女子之貞根
本一虧餘無足取故通籍以來祇奉節儉退讓肆字爲兢兢
其於取與之際雖交以道接以禮者猶一切屏之至詞
林階級一依資序而臣材質駑鈍落落嘗後獨盟微尚亦
自有悠然之懷非必以名利爲樂也前者戶科給事中馮
元飈論臣隨具奏明欽蒙

聖恩昭雪臣力控求去未獲

允故有覩在列元飈黨計不遂臣不已是以有今日之醜詆異
痛奇冤偏將臣最砥礪之處而塗抹之旣以悲世道之多
岐難知猶自喜身心之內省不作也元飈所重者謂臣耽
逐佐銓耳彼祇諳外吏之謀考選讚吏部輦金輸貨計毋

權子智如駟驢遂視佐銓爲炎岡薌國不知以清淨道眼
觀之直雪猷冰壺不則駢拇枝指而已近左侍郎缺聞將
以臣代匱臣屢託同官向閣臣力辭臣豈惟辭佐銓且日
思辭佐禮自揣信聖賢之言太過而守

祖宗之法太拘圓鑿方枘無施而可也迺臣所惡者今日之貪沓
稠濁思一矯砥而反指爲天下之大貪臣所惡者今日之
狡黠譎張時形浩歎而反指爲天下之極狡臣所惡者今
日之奔競搶攘莫肯悛圖而反指爲天下之好競臣所患
在直心快口不知曲防子影剛腸不解陪奉則題之曰恣
睢成習動肆囂凌而已旣以臣爲貪狡無行矣所許爲清
真有品者復何等人也謂隨夷溷必謂跼蹐廉蘭艾梟鸞
逆曳倒植臣一身不足惜其若

國是何臣前歲赴官遵例用船壹隻人夫陸拾名自重慶府
米日至夷陵又叁拾日抵

闕下蓋未嘗一過江陵則帶貨船米拾艘爲何時且何等貨也太醫院欽天監各官應補缺應差遣承行有司屬主持有尚書歷歷案稿可覆臣曾爲何人競奪何不指實之乎至吏部司官年道行雖有桑梓之誼素遠瓜李之嫌臣今不必瑣辯惟請

命部院將年道行在部事體嚴察彼若賣官鬻爵政應治罪以清吏源若臣有營囑情節公論昭然非臣私暱誰爲諱之
伏乞

勅下吏部都察院將科臣臚列各款虛公嚴勘但一事近實卽伏臣芥質以爲大臣簠簋不飾者之戒臣自維刻臆厲行竭節首公不過臣子恒事豈堪矜詡今因元颺誣讎大甚名節攸關不覺刺刺陳於

君父之前悚慙欲死夫元颺與臣非有識面之游目攝之郝也爲人驅除良非得已時局深機在異己而必伐而人品清

議亦歷久而愈明惟祈

皇上將臣

立賜罷斥以養人臣知耻之心以舒言路高張之氣若一二日
間卽荷

天恩開籠解網俾得縱壑投林雖有不堪受之汙辱踵發繼至
臣亦付之蟬絃蝸鼓飄瓦虛舟矣

崇禎陸年正月初陸日

初拾日奉

聖旨王應熊品行素著心迹自明著安心供職不必求去該部
知道

禮部尚書臣黃汝良等謹

題爲遵奉

明旨清察錢糧事主客清吏司案呈卷察崇禎肆年拾貳月貳拾柒日該本部察將本司在庫天啓陸柒等年節次關出欽賞胡良輔等銀兩表裏并萬曆陸年拾貳月內題存遠年汜

爛

欽賞劉之蒙等表裏生絹衣服等項相應進繳等因具題崇禎伍年正月拾肆日奉

聖旨還將應繳應存款項分別明白具奏欽此欽遵鈔出到部該本部覆察得胡良輔等壹拾叁款共銀壹千伍拾陸兩壹錢肆分并扣存病故夷人折段銀叁兩段絹衣服布足共柒百捌拾足件俱係年深無人關領分款開列業已明晰相應題

請等因崇禎伍年柒月拾肆日奉

聖旨是無憑給發的著繳還內庫欽此欽遵鈔出到部送司遵
依於捌月初捌等日將銀兩段絹等物進繳

內府內承運庫等衙門交收訖今炤崇禎伍年已終所有崇
禎肆年拾貳月貳拾柒日題存候領欽奉

明旨等事柒款共銀捌百陸拾伍兩陸錢段絹陸疋內除領過
套虜大舉入犯等事共賞銀柒百捌拾陸兩貳拾表裏除
郭允厚等肆拾陸員共領過銀柒百柒拾陸兩貳拾表裏
止剩史莖銀拾兩續於崇禎伍年拾月初拾日領訖又除
領過虜警戒嚴等事陶崇道銀拾兩於崇禎伍年拾貳月
初拾日領訖今見存貯庫候領欽奉

明旨等事李平湖等陸款貳拾貳員名共銀捌百肆拾伍兩陸
錢段絹陸疋并新收飛報擒獲元兇事熊文燦等肆款捌
拾捌員名共銀肆百貳拾陸兩又新收遵

旨確察川功等事朱燮元等玖拾壹員共賞銀壹千伍百叁拾

壹兩本司止實收太僕寺伍百兩除發領餘剩銀叁拾伍兩各數目例應奏報案呈到部看得前項錢糧既經該司遵

旨逐一察明貯庫給賞數目理合開坐謹具題知

計開

崇禎肆年拾貳月貳拾柒日題存候領

一件欽奉

明旨事共賞銀伍百捌拾兩除李啓元等貳拾肆員共領過銀伍百叁拾兩止剩李平湖等叁員銀伍拾兩見貯在庫

李平湖貳拾兩 葉大受拾伍兩

石維屏拾伍兩

一件恭報四城工程事共賞銀壹百玖拾兩除劉

應坤等米員共領過銀壹百捌拾兩止剩

只啓元壹員銀拾兩見貯在庫

一件虜警言戒嚴門禁最切謹陳坐守職銜恭候察

敘事共賞銀陸百貳拾兩除李守錡等肆

拾陸員共領過銀伍百叁拾兩止剩李成

名等玖員銀玖拾兩見貯在庫

李成名拾兩 張慎言拾兩

劉先春拾兩 蕭毅中拾兩

吳光龍拾兩 侯恂拾兩

練國事拾兩 余昌祚拾兩

孔聞詩拾兩

一件備述恢復四城之功仰塵

聖覽伏乞

勅部議覆以昭激勸事共賞銀壹千叁百壹拾肆兩蟒衣壹襲

飛魚貳襲貳拾米表裏除孫承宗等壹百
叁拾米員共領過銀壹千貳百壹拾肆兩
蟒衣壹襲飛魚貳襲貳拾伍表裏止刺馬
世龍等米員銀壹百兩貳表裏見貯在庫

馬世龍叁拾兩貳表裏

張春貳拾兩

鄧茂官拾兩

郭起柱拾兩

李國選拾兩

姚化民拾兩

魏光緒拾兩

一件年終類報零功事共賞王忬等銀伍百陸拾

伍兩陸錢見貯在庫

一貯庫候領蕭命官銀叁拾兩貳錢足

以上陸款共題存貯庫候領銀捌百肆拾伍

兩陸錢段絹陸足

崇禎伍年柒月初捌日新收候領

一件飛報擒獲元兇事共賞銀肆百叁拾貳兩貳
表裏除陳睿謨等壹拾壹員共領過銀壹
百壹拾兩止剩熊文燦等柒拾陸員銀叁
百貳拾貳兩貳表裏見貯在庫

熊文燦貳拾兩貳表裏

何萬化拾兩 唐一澄拾兩

秦垵拾兩 黑大方捌兩

鄭芝鳳等拾柒員每員陸兩共壹百貳兩

王萬貫等貳拾柒員每員肆兩共壹百捌兩

顏興等貳拾柒名每名貳兩共伍拾肆兩

一件飛報奇功事共賞銀壹百捌拾玖兩拾貳表

裏除熊明遇等拾員共領過銀壹百伍拾

壹兩拾表裏止剩沈榮等伍員銀叁拾捌

兩貳表裏見貯在庫

沈榮貳拾兩貳表裏

張志芳陸兩

陳志茂肆兩

劉繼烈肆兩

呂元英肆兩

一件逆醜益逞益橫等事共賞銀陸拾兩除李繼

貞領過銀拾兩剩銀伍拾兩見貯在庫

申用懋貳拾兩 程正己貳拾兩

鄒忠胤拾兩

一件

陵工遵

旨告竣循例敘錄經事諸臣以彰

聖明孝友以勵臣工事共賞銀貳千貳百伍拾貳兩柒拾陸表

裏除王永祚等壹百肆拾貳員共領過銀

貳千貳百叁拾陸兩柒拾陸表裏止剩祁

逢吉等貳員銀拾陸兩見貯在庫

祁逢吉捌兩 李化民捌兩

一件遵

旨確察川功分別敘錄以憑

聖裁事共賞銀壹千伍百叁拾壹兩太僕寺欠發銀壹千叁拾壹兩止發銀伍百兩除前後給發過朱燮元等貳拾叁員共銀肆百陸拾伍兩止餘候領銀叁拾伍兩

以上伍款共新收貯庫候領銀肆百陸拾壹兩肆表裏

崇禎伍年拾貳月貳拾陸日

陸年正月拾壹日奉

聖旨朝廷頒發功賞特示酬勵自當按數速給俾有勞將吏得需實惠何得一任隱延直至時移人換尚稱貯庫候領且有給領甚便的亦多寢閣顯係該司吏胥有朦朧情弊姑不窮

治今後賞銀到部作何關會領發著該部詳議奏來這本內
應繳應存還著分別具奏

戶部尚書臣畢自嚴等謹

題爲經費日繁日詘考成時飭時嚴懇乞炤例題

請科院編審鋪行以定

國課以濟急需事福建清吏司案呈崇禎伍年拾月拾肆日奉本部送戶科鈔出順天府署府事治中吳廷楨題前事內稱案炤本府所屬大興宛平貳縣每伍年壹次編審鋪行自崇禎元年以至崇禎伍年例應編審今據署大興縣事本府通判孫士元會同宛平知縣任道統申稱鋪行銀兩上而

內廷酒醴果品大庖煙爨木柴此考成之最嚴者再而軍機車輛夫馬鄉會文武貳場供給此督責之最重者再次而閤部寺院心紅紙劄并各上司到任修理買辦及各役工食等項此應酬之最速者今炤崇禎元年迄今伍載迺四方雜處之民業有更張俱用從頭分坊定則懇乞本府卽

爲請

命以濟兩邑顛危等因又據大宛貳縣申稱原設鋪行毋論軍民人等悉自兩縣徵收此古來舊例突於天啓伍年間衛臣田爾耕欺壓縣官凡係衛役開鋪硬奪往衛交納及崇禎元年編審卽爾效尤以致縣衛勢難狡猾者任意支吾莫能窮詰徒滋漏網請於今年乞將一槩鋪行銀兩悉照祖制盡歸縣徵等因又准錦衣衛手本移稱今當伍年編審之期衛縣各有清理之例若不預行知會恐有隱射侵冒等因各申到府該臣看得兩縣鋪行例有行稅萬般供應攸仔各戶歲月遷移藝業更換若不覈實情弊百端影射叢出此兩縣所以乞請者也且一切支費取給兩縣徵收承管應憑縣綜迺有衛中收納轉解似多往返縣收縣支可免推諉隱漏之弊第衛旣請徵難以遽云歸縣或從衛納或歸併縣伏乞

聖明裁酌仍乞

勅下戶部覆請

簡命科道貳臣將大宛貳縣并通州鋪行一體編審等因崇禎
伍年拾月拾貳日奉

聖旨該部確議仍著錦衣衛具奏欽此欽遵卽移文錦衣衛具
奏間崇禎伍年拾月貳拾玖日奉本部送戶科鈔出錦衣
衛掌衛事左軍都督府左都督王世盛題前事內稱

畿輔人民開設鋪面有鋪卽有累衛蠹視爲奇貨案察嘉靖
年間奉

旨凡係本衛官旗開鋪炤依科道編審則例本衛自行徵收遵
行已久非自天啓伍年始也蓋因縣徵多有重索指鋪僉
派雜役繁苦恐防禁衛應差衛徵良有以也我

皇上御極首歲該戶部題爲遵例請編鋪行等事奉
聖旨是其錦衣衛鋪行還歸本衛徵收不准歸縣欽此

天語方新敢不祇奉況衛戶爲數不多行銀歲輸未缺編審仍聽各官定則炤例納銀惟是編審之弊無窮小民以此爲苦

聖慈嘉惠邦畿該縣仰體

德意所關者大耳若臣衛官旗鋪行應否炤舊伏候

聖明裁奪等因崇禎伍年拾月貳拾陸日奉

聖旨該衛鋪行著炤舊徵收但不許姦民濶冒滋弊該部知道

欽此欽遵鈔出到部送司察得順天府屬大宛貳縣及通

州鋪行每伍千編審壹次該府先期具題本部覆

請移會戶科題差給事中壹員都察院題差御史壹員會同編

審完日

奏報案察崇禎元年題

請編審至今伍年已盡又當另行編審定則新額徵銀該府具題前因其錦衣衛鋪行該衛業已奏

請奉有該衛鋪行著炤舊徵收之

旨無容再議相應察炤舊例題覆案呈到部該臣等看得審編京通鋪行伍年壹次所以驗人戶之消長定等則之高下歲月既賒自多更替人情冗謫遷轉弊深是以立有成例至期舉行令炤崇禎元年至伍年又當編審之期從前之盈虛不一以後之察審當嚴在縣宜禁賄囑之門在衛當察隱冒之弊從公定則民心自快而

國課罔不樂輸矣既經具題前來相應覆

請恭候

命下臣部移文戶科題差給事中壹員移咨都察院題差御史壹員并劄付順天府會同五城巡視御史將大興宛平貳縣及通州各鋪行察炤先年題

准事例逐一審編如有勢豪冒免及那移等則者聽差去科道官從重叅治審編完日仍將元年至今收支完欠數目及

今編定鋪行姓名等則造冊

奏報青冊送部察考

崇禎陸年正月初柒日

拾壹日奉

聖旨是如有勢豪隱冒及賄囑那移等情科道官叅來重治科
道容徇不糾或縱胥役需勒一體竝論

工部尚書臣周士樸等謹

題爲年終稽核以裕正供以肅吏治事。臣因清吏司案呈案
炤崇禎肆年錢糧業經本部具題分別完欠勒限督催內復
請順天府軍匠廳炤戶部例年終得以稽核州縣等因題奉
聖旨各省直未完錢糧依限責成見任官嚴催速解其軍匠廳
炤例年終稽核如議行欽此欽遵已經遵行通飭在案所有
崇禎伍年分未完錢糧雖先經立限咨催然歲暮未糾則
解益遷延除順天府所屬行文令軍匠廳列款察核外其
餘未完合應逐一拈出以

上裕正供下肅吏治等因案呈到部該臣等看得費繁用詘之
時錙銖絲忽均屬

朝廷急需法嚴令信之候司府州縣均有催徵責任要未可偏
議也如臣部向時類叅司府蓋因省直逋負已多而猛爲
提網挈領之思豈期有司罰倖不加悠泄如故迨至崇禎

肆年考成壹疏止責經徵固因州縣巧相推諉而特設任
事任咎之條誰料司府情聯堂屬隱匿不報究竟法窮所
施而毋惑乎省直之率多逋負也且時值歲暮工費益繁
外解愈緩臣蓋惟知壹歲之完欠清而後壹歲之功過定
如至來年則此又爲舊欠矣欲藉此以救水衡之詘不亦
難乎今當年終例應考成臣固不憚拮据然苦無州縣細
數難據察核所有省直總欠銀兩內除順天府所屬遵
旨責令軍匠廳詳開完欠職名牒府另疏稽核外其餘雖先經
立限行催謹炤限題明務期以文到之日卽將州縣職名
報部酌處至限盡不報罰先司府庶上下不致交諉而情
勢不至交遯矣再察戶部例每遇歲終進

表各員詳具州縣完欠文冊送部而部卽據以察核獨臣部
錢糧多不詳報卽有咨呈止報解總數雖欲釐剔從何扣
銷從何察核乎合無責令各司府先將州縣額解報明務

總撤相投畱以存案至若歲終進

表時仍開報完欠細數并經管職名與戶部一體送察則磨
核不煩展轉而功過俱有準則矣既經該司案呈前來相
應題

請恭候

命下臣部并

勅各該撫按一體遵奉施行

計開

浙江未完額料等銀壹千伍百陸拾柒兩陸錢玖分

陸釐原限陸年叁月

江西未完額料等銀叁千伍百柒拾貳兩叁分貳釐

原限陸年叁月

福建未完額料等銀玖拾伍兩玖錢叁分貳釐原限

陸年肆月

湖廣未完額料等銀壹萬玖千壹百叁兩陸錢貳分
陸釐捌毫原限陸年叁月

河南未完額料等銀壹萬柒千陸百伍拾柒兩零原
限陸年貳月

廣東未完額料等銀叁萬壹百壹拾壹兩玖錢玖釐
零原限陸年伍月

山西未完額料等銀肆萬貳千玖百柒拾兩捌錢捌
分肆釐原限陸年貳月

陝西未完額料等銀壹萬陸千柒百玖兩貳錢貳分
肆釐叁毫捌絲原限陸年叁月

山東未完額料等銀伍萬叁千捌百肆拾伍兩捌錢
伍分肆釐零原限陸年貳月

安慶府未完額料等銀肆千肆百壹拾伍兩叁錢肆
釐陸毫壹絲原限陸年叁月

徽州府未完額料等銀壹千柒百玖兩捌錢伍分原
限陸年叁月

寧國府未完額料等銀壹千貳百伍拾捌兩叁分柒
釐零原限陸年叁月

池州府未完額料等銀壹千貳百玖拾貳兩肆錢肆
分陸釐原限陸年叁月

太平府未完額料等銀陸百叁拾陸兩貳錢陸分捌
釐零原限陸年叁月

蘇州府未完額料等銀叁千伍百叁拾兩貳錢伍分
貳釐原限陸年叁月

松江府未完額料等銀玖千柒百貳百壹兩陸錢陸
分伍釐原限陸年叁月

常州府未完額料等銀壹千玖百捌拾伍兩壹錢肆
分陸釐原限陸年叁月

鎮江府未完額料等銀捌千肆百柒拾捌兩肆錢捌分陸釐伍毫原限陸年叁月

廣德州未完額料等銀壹百捌拾兩原限陸年叁月
廬州府未完額料等銀壹千陸百零壹分原限陸年叁月

鳳陽府未完額料等銀壹千玖百肆拾陸兩貳錢柒分原限陸年貳月

淮安府未完額料等銀貳千玖百伍拾兩叁錢柒分玖釐貳毫原限陸年叁月

揚州府未完額料等銀壹拾貳兩貳錢柒分陸釐原限陸年叁月

徐州未完額料等銀陸百肆拾柒兩貳錢陸分壹釐原限陸年貳月

滁州未完額料等銀捌百貳拾玖兩叁錢貳分叁毫

零原限陸年叁月

和州未完額料等銀壹百叁兩柒錢貳分捌釐原限陸年叁月

永平府未完額料等銀肆千叁百貳兩叁錢肆分玖釐壹毫原限陸年貳月

保定府未完額料等銀壹萬壹千貳百叁拾陸兩叁錢叁分陸釐零原限陸年貳月

河間府未完額料等銀貳千陸百捌拾兩陸錢貳分貳毫叁絲零原限陸年貳月

真定府未完額料等銀貳千肆拾兩叁錢陸分壹釐零原限陸年貳月

順德府未完額料等銀壹千貳百玖拾柒兩壹分陸釐零原限陸年貳月

廣平府未完額料等銀捌百柒拾肆兩陸錢叁分捌

釐零原限陸年貳月

大名府未完額料等銀叁千壹百肆拾捌兩玖錢肆分貳釐肆毫叁絲原限陸年貳月

崇禎伍年拾貳月貳拾捌日

陸年正月拾壹日奉

聖旨這詳察未完額料州縣職名著該撫按依限速報以憑議處併先報額解及進表送冊等事俱嚴飭行違者將司府官叅來罰治

刑部等衙門尚書等官臣胡應台等謹

題爲遵奉

勅諭事河南清吏司案呈奉本部接出

聖諭

勅禮部三法司茲者新正在邇萬物咸亨在京及南京見任文武羣臣除贓罪外自崇禎伍年拾貳月貳拾伍日以前所犯過名紀錄在官者悉與前除俾圖自新故勅其應前除項款仍具本奏明欽此欽遵接出到部送司案呈到部該臣等察得名例律一款凡內外大小軍民衙門官吏犯公罪該管者官收贖吏每季類決不必附過杖罪以上明立文案每年壹考紀錄罪名玖年壹次通考所犯次數重輕以憑黜
大明會典開載洪武貳拾叁年

詔有司官凡犯過誤者初犯至叁犯皆問罪復職許令改過自新貳拾陸年定凡本部十三司遇有問失出入人罪耽誤

公事含糊行移等項一應犯該公罪官吏該管者官收贖
吏移付廣西部紀錄候壹季終炤數類決杖罪以上併取
到各衙門官公罪招狀各部亦開付廣西部明例文案候
年終案呈通咨吏部紀錄通考黜陟永樂貳拾貳年令內
外官貪贓者竝錄其罪名於官以便稽考正統玖年奉
勅在京文武官員除贓罪外自拾貳月貳拾日以前所犯過名
紀錄在官者悉與湔除俾奉公守法自後歲以爲嘗此歷
年湔除之

功令也今奉

明旨命臣等將項款奏明除一面咨行在京文武各衙門遵炤
會典察明各官紀錄過名逐一開報勿遺勿濫仰承

德意外惟是年來大小臣工狃於積玩習成偷安恭遇

皇上神明綜覈救過不遑幸荷

曲成薄示鐫罰然就中有罰俸有住俸有降俸有降級近或踰

時遠至閱歲尚未開復間有偶爾過誤原未犯贓槩蒙革職無繇自新者雖

雷霆雨露無非

至仁但恒人之情多經困衡而始創亦因感激而知慚儻蒙曠然與之更始未有自甘暴棄終外於生成者此在

聖明妙有機權非臣子所敢妄覲第欣逢

湔除大典不敢不瀝陳之以備

封采再炤湔除者

聖主之寬恩紀過者

朝廷之明法法行而後知

恩兩者原不偏廢比歲紀錄一節幾成虛文合無申飭兩京大

小衙門凡官吏犯該公罪文職送吏部武職送兵部每季炤舊明立文案紀錄過名使人知法之可畏而磨厲滋切

又感

恩之不測而鼓舞益神其於政體人心良非小補

崇禎陸年正月初捌日

拾壹日奉

聖旨紀錄過名既已不行歲終湔除竟成故套殊非立法本意
以後還宜明立文案以便稽察但本內所述出入人罪耽誤
含糊等項豈無舞文賣法情弊若復移重作輕輒稱過犯必
且長姦導玩還將確應湔除諸款開列來看其罰俸住俸等
官隨時奏奪不在此例

戶科都給事中臣許世蓋等謹

題爲欽奉

明旨事准專管察覈餉務本科給事中朱國棟關稱本職奉
命察覈餉務今炤年終

奏繳事竣所有前差相應關回另行差官接管等因到科准
此察得本科給事中吳南灝在任堪以差委恭候

命下行令本官前去遵炤題奉

欽依內事理欽遵施行

崇禎陸年正月初叁日

拾壹日奉

聖旨朝廷重念邊鎮兵馬糧餉特命科臣專管察覈欲其提綱
挈要熟計周諮以圖釐弊課實近來竟失立法初意但以瑣
屑繁苛虛文塞責實於兵餉大務未見作何劑量綜稽無益

清霰徒滋煩擾甚非籌邊長策今後該部科新設察霰等差
俱著停止仍開明奏來該部知道

福建道試御史臣祁彪佳謹

題爲仰體

皇仁敷陳民隱伏乞

特賜寬恤迓春和之滋至永

泰運於無疆事臣竊聞孟春之月

天子居青陽左个迎春東郊凡環飛螭動蛟行喙息無不飛躍

於

化日光天之下儻一物失所

聖人念之仍此兆民實爲邦本我

皇上齋居步禱

精誠上格

天
心發帑蠲租

德澤下甦民命如

天
好生同符堯舜矣乃

天高地厚尚有不及炤徹之冤情蔀屋窮簷儘多無以自鳴之苦
狀臣以爲百求其興利不若一與之除害也空言不可繼
之蠲賑不若實圖必當去之剔釐也茲當

秦王六紀正

皇上布德和令之時臣敬以民間拾肆大苦亟望
聖明垂軫者齎沐陳之

一日里甲之苦夫自以條鞭之法行一應差徭咸入正賦
官自收而官自辦安所得里甲用之也乃今僻邑遐陬公
然僉派歲節之餽送過客之供應新官之鋪設軍戶之起
解事無難易槩令承當且也官用其參下費其米泥塗暑
雨勞苦固所不辭狼籍饕貪費累豈能自給至於解銀一
差尤所稱困發領之際吏緣爲姦起解免收賠折無算更
聞有發與空批令之墊納在先索補於後每當此役多至
傾囊是以臣同官李日宣用官收官解痛革中州之弊端

無如別省之錮習何也里役不任遂轉包於積姦而賠累之貲則直派於花戶每見一圖一坊私派以數百數十爲率併至花戶亦不任而田畝詭寄之姦生焉夫用一緩二尚苦民窮今則差徭之外復有差徭賦斂之中重增賦斂矣

一曰虛糧之苦虛糧之苦有三一在姦民之飛灑蓋有戶不投甲甲不投里里不投郡邑之總有司第按額催徵胥吏乃恣意攤派蓋糧道之易知則例小民多未見聞第據縣符便爲實數遂致貧戶反濫徵數倍豪家乃坐享餘租此飛灑之弊也一在窮民之逃亡近來苦盜苦災遷徙載道乃丁糧缺徵責償同里民力已瘁徵役未寧於是富戶亦化而爲貧土著亦化而爲客此逃亡之弊也一在孱民之賠墊有等戶產盡廢戶糧猶存彼買產之家視若隔體而代納之戶慘於剥膚抑或桑田久已變遷而派額決難

開豁此賠墊之弊也三者以不能甘之心處無可奈之地
緝麻播穀盡作補賠執契擔囊行復假貸利息過重壅里
難居家室此離老稚凍餒悲哉赤子胥淪以鋪矣

一曰行戶之苦小民以刀錐博什一夫所以爲八口計也
今有司輒僉之爲鋪行上自印官下及佐貳硃票一紙百
物咸輸及於經年累月方得執票領銀猶且胥役作姦本
貨拾不償壹夫徵貴徵賤以時消長槩曰官價已不知虧
損幾何況又有所爲答應上司供送儀禮名曰借辦者哉
一役行催千家騷動只知阿上取媚供具惟求美觀及於
事竣發還精腴化爲臭腐郵亭牀帳皆屬民脂舉匕盤餐
幾多浮費於是每物有行每行有簿預斂銀錢輪流值月
魚米菜果俱令支當屠僧酒傭皆爲執役尤可恨者凡一
切衙門使費亦先爲坐派其中商本幾何真可謂削針頭
之鐵矣此苦在臣鄉實甚昨曾經按臣之別釐亦安能洗

滌徧天下哉

一曰搜贓之苦夫民苦於被盜尤苦於被攀被盜之害在一家被攀之害在萬姓蓋真正窩主盜之腹心也寧死耳必不供所供者多鄉里富民一唆於捕役再唆於牢頭三唆於獄卒自此面目益幻情景盡非矣乃有司未加詳訊先使捕搜於是白役成羣據囊傾篋入手隨化見眼一空猶復飽詐金錢劇餐酒饌舉村震動闔戶憂惶及雖旋就剖明亦已家貲蕩破況且一番審鞫一番嚴刑箠楚之痛難忍今日起解明日發監顛蹶之狀誰憐反使積偷狡盜得以借囹圄爲福堂恣洩仇讎恫喝閭黨而真贓徧爲捕役之肯定案乃從高閣之束矣

一曰

欽提之苦作姦犯科罪在必討乃此輩擁貲席厚便多遠舉高飛有司奉行不善片檄下於原籍閭里盡爲驚寃妻子之

拘囚宜也復且旁及族姓旁及姻親甚則襲姓名之譌捕風捉影墮攀噬之口索疵吹毛候訊候詳淹沉圉底代賠代解顛連道途因之差役百肆誅求溫飽千端買免究則正犯之憲條未正無辜之波累多人又有罪人未得冀難贓以結案者蓋犯家之田地家財民間皆不樂赴買況又捏爲寄頓懸坐完輸但急於納贖納贓不問其讎攀讎指有免爰爰反使一鄉破卵乎

一曰被擄之苦浙閩粵沿海居民多係出海採捕一遇巨賊擄人劫舟此時白刃在前危濤在後欲緩須臾之死且乞旦夕之生乃至官兵犁擊眞賊每駕鱗先逃號救之窮黎反作陣擒之渠首武弁邀功冒賞槩爲剪髮剃眉累經推訊身少完膚一人羈囚口多絕粒又且語言莫辨保認無人於是眞僞未知駢首就法偶有代爲昭雪先多庾死獄中問或拔身賊黨伺隙馳歸不特溥長侵凌卽親戚父

兄亦以爲面目可憎歸路旣絕從賊益堅吹浪鯨鯢所以日見其衆耳

一日隔提之苦大抵興詞健訟者冤民少姦民多一被訟而鄉鄰戚黨託言乎多方免營干證訟師必聚而一味蠶食有司復不爲以時判決使衙獍得以緩急其間淹留歲月奔走官衙曲直未分生涯立盡矣又有無情之詞只作拖延之計多方布置冒籍他方一詞而撫按竝行壹人而守巡兩告此方結案彼復行提前贖未完後追踵至一遇關提便遭顛沛牽衣訣別裹糧宵征彼隸役如虎假狐使小民因鬼見帝念此情景寧不潸然

一曰詞訟之苦訟以平情尚不若使民無訟乃有司礙前官則冤抑不爲申明避嫌疑則富室反多陷穽奉上意則理直偏在原詞護已私則嚴刑加於越訴且也不問事情之重輕先科罪贖之多寡甚且借名於修理捐助乘之以

濫罰嚴科有等上司實收未報取票已行有司怵於借支不得不嚴爲追比銖銖皆敲骨剝髓之貲鉶鉶盡鬻產賣身之物夫小民片狀投官百費疊出自鋪堂掛審以至杖刑何地無鼠狐作祟自鈔狀買差以至發落何時非阿堵公行況於贖鍰未納而押差之需索庫役之秤頭又已倍之嗟哉民之無聊我生不辰方脫虐官旋遭勢僕寸椽尺地亦被投收半子一妻皆爲債估少違意旨便請監倉鬼鼠晝凌柝鈴夜慘老囚惡卒酷虐異嘗何地見天訴此誣怨乎

一曰窩訪之苦夫窩訪之家卽宜訪之家也造訪之人卽應訪之人也乃宜訪之家應訪之人反竄入於窩訪造訪之中得以招搖指鷁而睚眦之讎可挾也富厚之利可貪也從而說鬼說夢無法無天有司信胥役不察而報之撫按信有司不察而行之及於奉批訊讞惟懼妄報之辜便

以羅織爲計賊必盈千盈百罪必幾軍幾徒卽此萊傭受
罪便爲豪猾長姦況於估賣完贓益使親鄰受累尤可詫
者江南有自願被訪先爲苦肉之計廣行紮詐之謀潑口
有靈賄賂惟其所欲赤身無籍贓贖代之幫攤富室必先
納之交鄉閭莫敢忤其意且凡訪察一票必有隸役攢謀
本干證而溷入正犯本被害而插爲過付執之拘提如虎
斯翼指詐旣飽方與見官彼鄉民墮魄消魂尚不知禍從
何始但能買免寧顧家藏故自訪察之法失當遂有寸草
無畱舉村不火初則李僵桃代後乃竭澤焚林矣

一曰私稅之苦關市之徵意在譏察今聞大江以北凡有
貿易之家必待官爲給帖每月一換卽納銀有差下至雞
豚無一得免至僻小之邑宰一牛亦有硃價產一物必先
餽官於凡隘口渡頭輒有少年無賴陽借牙用爲名陰託
巨豪作庇橫斂同於盜劫布列密於張羅致有一果一瓜

亦遭剝奪小民孤孱不敵赤手羞歸展轉窮愁自經溝瀆
又聞沿海寨遊亦有託言盤詰恣意侵漁者夫商販用毋
博子萬死一生冒豺狼剝掠之虞犯雪霜跋涉之病乃蠅
頭末獲虎吻旋吞真有冤叫徹於蒼旻痛憤切於骨髓者
矣

一曰私錢之苦私鑄之爲錢法害固也而南中爲甚盤踞
最久窟穴已深每錢止重柒分每百不盈叁寸市井交易
率以爲嘗卽有私鑄姦人反出控官請禁此輩乃揚言捕
緝小民畏其拏譌去之惟恐不速始以拾文准者今以伍
文賣矣乃收買者又卽此輩一鑄一賣一禁一收利伍陸
倍而小民折本則且過之竟有朝爲富貴暮作丐流者甚
則姦商藉口收買私錢用作鑄本官府不察給批給文豈
知公然攤放反作護身之符也

一曰解運之苦丁男紅女拮据蠶桑布縷方成僉解隨及

一切正價墊銀原已足供辦納所以解戶之困累只因官吏之侵分甚至解運已歸前銀未領批限既迫典鬻赴都乃此中一輩姦徒便已張吻而待一受其籠絡卽肆侵吞稍與之齟齬立見坑陷於是有錢糧已至而遂巡潛還有身命俱傾而交納無日有前官所遺蠹而波及後人有空棍所未完而仍提本戶其苦莫甚於臣鄉之浙西也白糧亦然正糧貳拾萬外耗米春辦竟餘玖斗夫船車脚又銀陸錢及於起運在途則汜爛漂沒之虞種種莫必淺剝帶孰之費在在多端筋力盡於奔輸資糧罄於守候轉貸無路乞丐還家完納鮮資羈囚在獄所以江南一值運差便已鬼飛湯火向聞有炤例漕糧之議令旗軍以漕糧玖分帶白糧壹分加耗板席一如漕規此議不行民力益竭富家不能承認於是僉派細民各當數分朋充一戶而破壞之家較前更夥矣

一日馬戶之苦有俵馬有差馬俵馬原額參拾金非不足以市駿騎何爲復僉富戶反張賄買之門彼其屏息衙門屈首書吏方能半領官銀又一以供包攬之需求一以充印烙之使費矣復有一等牙販通關說於縣官勒富戶以高價一經牙販之家而錢神有靈下駟亦爲騏驥及落積攬之手則草料剋減駿足立成駑貍一被駁退賠累益多中人家所以於此立敗也在差馬間歲一僉爲禍益烈每番著役萬苦俱攢預蓄數馬方當一馬之用公差驟至怒目咆哮老婦幼孩盡爲執轡供應稍緩鞭扑如麻流血裂膚哀號道側猶且折乾恤馬略違所求則馳騁無法倒斃不時忍恨吞聲暗爲買補浹歲之內家無不傾近日驛遞錢糧業裁肆分起解風聞北地州縣有以肆分之扣裁解司府復以拾分之畱站派民間且卽此陸分畱站之中凡新官之長夫長馬有扣

覲官之長夫長馬有扣所餘於馬戶者有幾是以僉報及期卽有闔室走亡併身自縊良足悲也

一曰鹽丁之苦四民艱難惟竈爲甚

祖宗朝旣與以鹵地草蕩復免其雜泛差徭再給之工本鈔米或肆百斤而給鈔貳貫伍百文或貳百斤而給米壹石所以恤之倍至故餘鹽皆爲官有私販不至盛行今鈔法不通官米無給煎煮之地蕩多爲勢力侵吞僅存者亦奉例加稅本利旣無所資餘鹽復無所洩於是強者輒嘯聚湖湘高檣大舶吏不敢問盜爲之囚弱者則垢面蓬頭刮泥吸海隆冬酷暑操作其中攤曬將成而朝夕奔波止供債質霪雨陡作則經旬汗血化作波濤欲輸無課欲掣無鹽司場之比責有加巨賈之窘辱備至且

祖制肩挑食鹽不在禁例今捕役巡司非拏獲應比則強奪充囊不獲已而用幼子婦人竭蹶挑販取利甚寡爲力甚勞乃

言者議創新引多請特設崙官不知增一官卽增一官餼
廩輿臺之費更增一層盤驗畱難斗頭火耗之陋規往見
閩中團長科竈丁輒參肆拾金至分司到場派費更倍況
於使節疊來又不知困疲何若嗟此皮骨僅存安得不急
待拊恤也

以上拾肆條第就臣所見且聞者言之耳天下之大生民
之衆貪官汙吏之多供徵求而父子生離當酷虐而妻孥
并命飲泣於淒風苦雨啼號於敗屋頽垣生作流民病爲
道饑眞使鄭俠之圖手棘實誼之哭無聲者臣所不聞臣
所不見尚不知其幾也夫一命而上俱有長育斯民之寄
乃不能體如傷如保之

聖衷反以肆吮血磨牙之辣手試觀民情物力眞可疾首痛心
乃說者但言催科爲天下苦不知任土作貢何嘗厲民若
此種種痼瘼竟在供輸之外顧欲使利入貪墨怨歸

天
朝廷乎然而催科之帶徵預徵似亦有稍可商酌者
地只此財源民間只此儲蓄既剝肉於舊欠必露肘於新供欲

預措於將來反稽延於見在今帶徵者疊追至元貳叁年
一日而此年之比較未已彼年之比較復催一家而此年
之押差方來彼年之押差再至絲不暇織粟不暇舂奔命
未遑耕農盡廢及於見糧開比先已田舍一空強以殘膚
硬捱刑責預徵者金花於伍月起徵今則先輸於歲內大
糧以秋成立限今則截數於農忙向之寬壹貳分於次年
今則蚤壹貳分於隔歲所係遲速之間不過月旬之異今
乃責繩既促輸納反難中戶鬻貲耗其半直貧家求假費
其倍酬納稼烹葵無絲卒歲新絲新穀半作差錢於是有
鼓譟縣堂揭竿山谷者蚩蚩蒼赤夫豈好語亂哉毛盡皮
穿蓋有所不得已也今第見各府州縣給絲開復具稱舊
欠全完似爲民力可辦不知此皆那東掩西酌彼注此試

按其本年錢糧必多依然缺額叅罰之法愈嚴則那移之實愈巧完欠之數愈溷則追呼之刑愈煩各官急

功令不能不緩拊循愛功名不能不遠民莫卽所稱舊欠之完便可想見其百拶千敲捶骨瀝髓之景象矣舊者補舊新者亦補舊明年爲預支本年亦爲預支究竟只有此出孔只有此額數地方空張嚴切之條小民徒受鞭笞之痛司農仍不得有溢入之軍需則何如稍蠲遠年之逋并去預徵之名只使年完壹年必令盡數足額且復多分限期使貧戶得以零星湊補庶民有餘力以計身家官有餘地以爲撫字爲民爲

國誠兩得之乃若蠲免壹事亦有可得而言往時率蠲舊逋故蠲不在拖欠之小民第在侵欺之姦猾前此

冊立

恩詔槩蠲新糧貳分率土普天鼓舞

聖德乃該部議蠲存畱不蠲起運夫止存畱之內蠲貳分已非
一槩之貳分矣況存畱者軍資兵餉俸廩祿糧無一可缺
於是

朝廷以貳分蠲者有司仍以拾分徵矣壅

皇恩而失民望莫此若也臣非敢於瀆聒瑣拾冗長惟實見此
時治餉治兵俱可措手儻民心一離便有萬難收拾故亟
亟以極瑣極細之情實闢大本大根之計者瀝血痛陳仰
干

睿覽伏乞

勅下該部轉行各該撫按將臣所具諸苦應革者實實與革應
更者實實與更更者立刻解絃而調革者永遠立石以守
使疾苦去於民間則太和長在宇宙凡此黎庶共祝

聖壽於萬萬年矣

崇禎陸年正月初柒日

拾壹日奉

聖旨朝廷軫恤民隱屢諭撫按嚴飭有司多方撫字通未見實
心祇遵本內歷陳疾苦深惻朕念著該部詳加看議將釐革
補救事宜條奏來行

督發關寧援兵監護軍功糧餉等事忠勇營軍太監臣高起潛謹

題爲塘報事崇禎陸年正月初肆日辰時據署居重營事降級叅將馬壙塘報前事本月初肆日寅時分本營巡牆兵丁接獲難民壹名鄭欽係浙江蕭山人向在水城生理供稱正月初壹日內有岳將官合同衆將官意在初壹日綁拏孔耿貳賊獻出又放火爲號俟我兵攻城各賊開東南門放我官兵入城不意被岳將官下孫門子將此消息露洩隨傳各賊上城嚴守將毛承祿亦拘禁大城生死未保殺了將官壹拾叁名隨換劉承祖來守水城初貳日殺了南人并男婦約叁肆千人鄭欽頭項前後砍了叁刀乘夜扒出又供各賊收拾船隻的在初旬遯海內有一姓王將官係總管意要整兵砍殺退了大兵仍據登州等情具供到職據此擬合連人呈解等情據此該臣覆察得崇禎伍年拾貳月貳拾柒日戌時准昌平鎮總兵官陳洪範塘報

內稱拾貳月貳拾柒日夜貳更時分據援兵營副將王來聘報稱賊中投降男子壹名押解到鎮隨審來降名喚高凱供係龍韜下跟役有前差人出來恭報綁獻孔有德之事因城中未便只等正月初壹日相聚及初叁日會酒乘便擒拏且城中糧米將盡多人難過孔賊預備船隻要在正月之半邂逅屢蒙各上司連有諭帖因今有龍韜等會合忠義多人舉事齎有稟帖投遞等情到職審供前情無異將來稟併降人押送到臣該臣覆審得高凱供稱前情大約相同然賊謀甚狡或出真誠事未可知或計圖緩我待融邂逅亦未可定臣將齎稟來人管繫見在俟有好音具疏飛報聞今初肆日又據居重營叅將馬燝有如是塘報到臣據此看得效順各將洩機受戮情或有之然偵轅敗事實其自招且真實音耗止憑難民鄭欽壹人之口今日之不足謂各官效順摠忠之舉者明矣當俟平登之日

察果慘戮另疏

題報應否勸勵以聽

聖裁者也事干賊情理合

題報

計封附效順各將投來密稟

進呈

御覽

崇禎陸年正月初五日

拾壹日奉

聖旨據報登城歸正人等以漏洩偵事還著密探確情具奏若
突逞狡避已經屢旨嚴防卽著撫監各官鼓勵將士萬分恣
飭不拘水陸盡力扼殲務在掃蕩佇膺爵賞不得頃刻弛懈
致有疎悞該部星馳傳諭

監視薊鎮西協糧餉兵馬邊牆撫賞等事太監臣鄧希詔謹
題爲邊工緊要尚多班軍修築宜蚤懇將春秋兩班一併催
發以便及時料理事臣自奉

命薊西甫至而卽爲巡閱見邊牆倒塌四路皆然詢問緣繇竟
謂地方官足跡不到有拾餘年而全不加修卽歲發班軍
皆視虛文而任其倒塌不顧臣甚駭甚恨因於巡畢之日
卽以邊牆已經視完等事直達

聖明旣而

請發班軍并叅班官積弊臣經營籌畫督率稽察親歷數番始
得緊要工程一一告竣然而猶有時已至冬天寒冰凍不
能修築而馬寧遠之軍盡數脫逃矣卽此觀之則班軍之
修築可以仍襲故套而不蚤蚤料理乎回想上年軍到而
督道任其虛冒如王應乾據稱壹千壹百伍拾名而臣點
止有肆拾柒名之數又軍到日久而督委之道道又遲延

竟不卽爲派發以至後來日迫天冷難修興言及斯不容不齒之切而髮之指矢爲今之計惟有將額派西協班軍除春班者當卽催發而秋班者秋時甫到轉眼爲冬且邊地先寒至玖拾月而蚤已成凍時忙日促未免草草報完似此工程後終無益頃今明酋尚潛邊外奴虜又每欲窺邊修築堅完是防邊至計種種緊要處所作速宜修合無將秋班與春班者一時同發趁此融和春日物料辦齊夏日天長工力加倍待各完其應修丈尺卽便發回庶各軍無寒冷之憂而修築有蚤完之苟矣然而責任有不可不專而議處有不容不嚴者如臣屢奉

明旨有甚有拾餘年未修者殊可痛恨著卽會同該督撫察明近來經管道將職名奏奪又有衝塌已久如何至今未修向來道將所司何事又有督臣嚴責道將撥派管理務令費省工堅蚤竣永賴該部還將向來修議稽核叅罰各款

通行申飭不許弛玩塗飾致妨大計仍著監視不時察驗具奏又有城牆復多衝決邊計所關不小著督臣嚴飭道將速葺堅完仍察前時經管各官例罰是

皇上之專責道將不一而足而

皇上之著議罰道將又每每極嚴矣然上年督道推諉全付罔聞向非臣瑣瑣時巡寒暑無間則工豈能完卽完亦安能堅固也今乞

皇上將春秋兩班

勅著該部轉行該撫按司道火速解發前來并

勅西協道將凡一應點驗派發并經營督率等事俱必身親料理務以堅固蚤完聽臣察驗奏報完日以主客將領堅否功罪據實奏

聞則各官知所驚心則邊牆可以得其永固矣

宗禎陸年正月初捌日

拾壹日奉

聖旨邊工亟宜修築向經屢旨責成道將這班軍併發事情該
部酌妥具覆

刑科給事中臣李世祺謹

題爲

聖度以虛受爲宏臣誼以敢言爲直懇乞

聖明俯宥狂愚以廣

天聽事臣竊惟

皇上御極之初

虛懷樂善無微不採頃年以來建言被譴者亦比比矣在言

官以言爲職言而不當固罪默而不言亦罪與其受不言

之罪寧受不當之罪則譴黜其分也若原無言責者緘默

取容儘可循咨以博富貴間有慷慨論列必其感憤繇衷

此正

聖明所宜嘉許者乃近者南京禮部主事周鑣進言不倫

皇上惡其沽名罪其朋比加以削籍此以鑣所自取夫復何辭

臣獨念之

皇上不惡其沽名則已誠惡其沽名直當勿與之以名欲勿與

如天之度以覆之則失言之愆在下而容言之美在

上矣今削逐及之使得成名以去則鑣之一官亦何足惜而傷我

皇上含宏翕受之量爲可惜也至朋比二字以或有未盡然者凡朋比者必附羶趨煖結納於名利之場欲相引爲重耳若鑣所陳皆遷謫擯棄之人及奉身求退思欲謝事者比之當有何益不集於苑而集於枯恐善比者不爲也且朋比卽朋黨之別名從來空善類者皆此二字漢唐宋之季正坐此患今

聖明在上予奪至公何所庸比臣願

皇上慎勿以此著念票擬者亦慎勿以此著筆矣臣與鑣未嘗識面不知其爲何如人獨以一鑣而阻後來敢言之氣臣

實慮之伏願

聖慈少垂寬宥還以原職則臣工既凜
日月之明復感

覆載之度將羣心益勸而言路日昌矣

崇禎伍年拾貳月貳拾壹日

陸年正月拾壹日奉

聖旨直言讜論朕最樂聞至黜陟勸懲朝廷大柄豈容挾私顛
倒逞臆爭衡如此明屬朋比何又諱言周鑣處分前旨甚晰
李世祺不必踵陳該部知道

中府經歷司經歷臣孫一經謹

奏爲僞官結黨通虜逞強詐害有據懇乞

聖明肅勅鋤姦以靖地方以昭法紀事竊炤臣謬荷

天恩叨承祖蔭歷轉今職朝夕兢兢矢甘冰蘖上期不負

皇上寵錫之典下期不負祖宗清白之貽以圖報稱顧今流寇

尚未蕩平姦盜時生

輦穀大小臣工無不倍爲兢飭而釐姦剔蠹無容自諉以罹瘡

曠者矣遵奉

祖制各禁門鎖鑰每夜巡驗以稽官軍怠玩拾貳月初柒日起更

時分巡至

正陽門地方有叫冤男子壹人臣詰其姓名言永平府灤州

人名宋之相手致款單壹紙計惡跡壹拾陸條臣燈下細

閱不勝髮豎嗟乎當茲

聖明之世何物神姦敢肆行如是隨將本犯帶回署內鞫詢寄

監次日密差衙役楊忠拏有款犯宋三寶併葛鳴鳳子葛秀英到官逐款詳審供吐無異遂將貳犯監候外卽欲具疏奏

聞但首犯宋三畏僞劄假充都司葛鳴鳳假充守備餽送奴酋禮物及詐鴈殺人贓私盈至壹萬餘兩猶恐其未確不敢輕賣

宸聰於初拾日仍差楊忠至三畏原籍訪其來歷隨於貳拾貳日回稱惡跡果真而勢兇莫制正擬修稿

上陳適值

聖誕元正禁封相繼是以稍稽恭念臣小臣也何敢越俎言事而旣獲姦反縱姦則溺職之尤實臣所不敢故寧冒出位之愆不蹈養姦之罪謹瀝誠披瀝祇職盡職職而已况自奴虜蹂躪之後神人共憤乃有通虜之姦如宋三畏則罪殆不勝誅矣伏乞

皇上

勅下緝事衙門或法司將宋三畏等勘究通虜詐害情弊併葛
鳴鳳宋三寶等結黨橫行事跡如果臣之巡獲匪虛贓款
俱實擬罪正法追贓助餉庶姦邪知警地方少安矣臣謹
將惡跡壹拾陸款開列具

聞

計開

一惡宋三畏假充都司黃蓋腰金假印行文殺人嚇
贓觀瑩風水主有王位立伐祖叔已葬棺墓見今
暴露宋三省宋國標證

一惡交通逆虜差劉惠民餽送夷人猪貳口酒肆罈
米貳石奴夷回馬貳疋羸壹頭盔甲肆副祖宋可
大舉首本道批軍聽問斬監候惡通信於夷破城
救惡出監宋可大證

一惡私寫本揭指稱助餉詐王家相銀壹千兩本人證

一惡私標紅票指稱閣部察餉詐劉家銀壹百伍拾兩張應時證

一惡窺于三極帶銀米百兩生姦立唆宋三寶打死屍親于水濱證

一惡因汪可山欠債還遲唆宋三寶打死屍親汪大證

一惡窺宋顯恭妻姿色姦霸伊家恭懼惡淨身出家削髮改名覺在募化修造天王殿銀肆百兩惡假寄放興工取用將銀隱昧反行兇毆又硬擡大木叁拾貳根灰肆萬斤釘鐵叁百柒拾斤本僧證

一惡窺朱南人開當舖假造硬要銀叁百兩本人並

崔侯士證

一惡恃兇要銀致死堂兄宋三策打死堂侄宋文選
扯毀伯母于氏底衣擡絕銀壹萬兩止與胞兄宋
三友肆百兩因氣身死于氏證

一惡因強賊習養性窩在家人溫喜兒家圖銀壹百
兩事發恐累賄囑刑書改在李逢春名下寄贓惡
中指稱打點反詐銀伍拾兩李逢春可審

一惡因編審戶則假官移輕那重賣丁開死一社詐
銀捌百餘兩社書鄭一祥可審宋業新證

一假守備葛鳴鳳殺死親娘舅宋自隆得銀壹千肆
百兩屍子宋國標證

一惡因黎民德收牛肆隻假官誣贓詐銀壹百柒拾
兩本人證

一惡假充開當捏告張三聘搶奪詐銀壹百叁拾餘
兩本人證

一惡誣告楊禿子搶劫同劉世敬詐銀伍拾兩紬貳
疋本人證

一惡假官硬奪王家相達馬壹匹本人證

崇禎陸年正月初捌日

拾壹日奉

聖旨據奏僞官通虜事情重大若果有證據何不投法司嚴衛
等衙門陳告却于暮夜叫冤孫一經既有見聞何月餘纔奏
且擅拏監審輕委體訪保無洩漏詐捏諸弊其中必有別情
本內宋之相宋三寶葛秀英併楊忠俱著錦衣衛拏送鎮撫
司從公問明奏奪宋三畏葛鳴鳳著該撫按察明速奏本內
鞫字譌穀祇職盡職職是何語姑且不究該衙門知道

崇禎存實疏鈔目錄

崇禎六年正月

十二日

兵部一本

遠哨事

題遼撫方藻塘報夷情

吏部一本

懇恩允調道臣等事

覆四川巡撫劉漢儒題管任賢調補馬廬兵備道

又一本

伍邊軍需告匱等事

覆計臣題加給兩浙運司專勅

監視大同糧餉太監劉文忠本

察叅外解查等事

題驗山西解到米豆短少批穀勅撫提追

又一本

塘報夷情事

題塘報佛僧與奴插講和錄

戶部一本

餉銀解助等事

題鹽臣徑將餉銀改解工部臣部未完額課仍令速解

又一本

導冒會察撫賞事

覆山西撫臣題額少撫賞該撫察追在庫支銷在軍扣補

部管理明智等草場主事馮名世本

場蠹播惡艱深等事

奏小脚夥計攪入黑草乞勅總理覆驗

監視大同糧餉太監劉文忠本

暴風颶風事

題倖門堡狂風刮塌牆梁柴草飛去等情

戶部一本

殲叛屢奉明旨等事

覆東江鎮臣黃龍奏折給島餉仍令東撫措餉伍萬

兵部一本

協援諱難稽時等事

覆天津巡撫鄭宗周題造船該部議覆增兵餉無從出

又一本

塘報事覆山東巡撫朱大典塘報孔賊漫海乞飭諸臣乘變急攻

又一本

捉獲姦細真夷事覆順天巡撫傅宗龍題屬夷借道今免難問量懲捕官

十三日

吏部一本

督官事題補廣西恩恩軍民府知府

又一本

縣令時之等事覆山西撫按題調介休縣知縣李雲鴻等

監視大同糧餉太監劉文忠一本

察報大同鎮收放等事題大同鎮收放過主客等項銀兩

十四日

兵部一本

島餉事題山東巡撫朱大典島上無糧勅撫措發以安島眾

又一本

哨探夷情事題遼東巡撫方一藻塘報蓮花山夷情

又一本

恭請嚴限邊臣等事覆薊鎮東協太監張國元題副將張特傑等紀錄

乾清臺事校局掌印太監王國本

欽奉明旨等事題往敘場驗試軍器刀甲弦箭不堪

監視薊鎮東協太監張國元一本

招接來鄉等事題鎮臣祖大壽招過來鄉真夷勅部詳酌應否

監視大同糧餉太監劉文忠一本

請裁可以節省等事題察都司庫銀徵納不前軍前稱乏充實減留

總理兩部事務太監張彝憲一本

解銀輕重不同等事題兩淮河南鎮江解銀虧餘勅部紀錄罰治

工部一本

西北調謬宜豫等事
覆按臣傳永淳疏議船東江船例措給價銀行津打造

十五日

吏部一本

缺官事
題調補江西布政使司右叅政

又一本

職方久任逾期等事
題兵部職方司郎中李繼貞久任以尚質司卿管司丞事

兵部一本

體節首聖懷等事
題察肅遠義兵銀兩劄寺動支專備六年採賞之用

乾清營事忠勇營提督太監康朝本

蠹國欺君殃民等事
題本營中軍李正芳押解胖衣車輛折銀分勒該衙門研追

吏科左給事中阮震亨一本

聚關係最大等事
題輔臣崇擬揣摩過當吏部推用非人該師前訪

禮科給事中盧兆龍一本

微臣奉差事竣等事
題奉差往還經過地方會勦餉置水災等事

總理兩部事務太監張彝憲本

嚴剔漕弊等事
題密訪漕弊及釐事款勒部酌覆

兵科給事中史可鏡一本

奉明旨所屢申等事
題係陳鄉兵伍議責令察核

忠勇營中軍太監馮允昇一本

直抒得等事
題暫駐建昌擇地演練驃騎兵馬

監視薊鎮東協太監張國元本

呈解回鄉事
題東來難兵供稱東奴情形

兵部尚書臣張鳳翼等謹

題爲遠哨事職方清吏司案呈奉本部送准遼東巡撫方一藻塘報本月初柒日午時據前鋒右營副將孟道塘報案炤本職於本月初叁日摘差守備張進功帶領夷漢兵丁出牆遠哨緣繇業經塘報外今於初柒日寅時分據本官回營報稱功等於初陸日申時分哨見駱駝山平山黃佃子蓮花山一帶俱有達賊結連不斷往西徑奔大嶺行走處處放火等情馳報到職據此卷察去年拾壹月分達賊亦來此處貳次本職俱有塘報今據哨報達賊仍來此處夷謀叵測突犯之舉未可必也除本職復差千把總領兵哨探外請乞各處嚴諭爲此理合塘報等因到院據此該本院看得奴孽乞賞叁至業經嚴拒逐回畜謀思逞勢所必至今據哨報駱駝山等處俱有達賊行走放火必屬大舉無疑在我各邊俱不可不倍加戒備者除行各將領嚴

謹哨併整棚兵馬相機勦禦外合行塘報等因到部送司
案呈到部看得撫臣此報與監臣相同奴賊之挾忿狂逞
無疑且插旣東來奴復西往情事叵測宣昌等處更宜遠
探悉防臣部奉星速嚴飭之

旨各鎮已卽刻通行俾相機勦禦確探情形星夜馳奏矣既經
該撫塘報前來理合具本題

知

崇禎陸年正月初拾日

拾貳日奉

聖旨已有旨了各鎮哨備有無嚴整該部還不時察覈毋但以馳飭了事

吏部尚書臣李長庚等謹

題高懇

恩允調道臣以重邊防事文選清吏司案呈崇禎伍年拾貳月
貳拾肆日奉本部送吏科鈔出提督軍務巡撫四川等處
地方都察院右僉都御史劉漢儒題前事內稱臣於崇禎
伍年柒月初捌日具直糾袁庸道臣以重邊防事壹疏題
叅敘馬瀘兵備道叅政趙弘道卽議調分守下川南道按
察使嘗任賢改補良以永寧善後事宜正在舉行且地界
黔蜀新當殘破之後地方遼闊事機叢脞非得一心眼俱
明才宇兼到之道臣未易料理任賢府於蜀道於蜀積有
歲年不啻駕輕走熟而永寧事體皆其身莅而目覩者且
其執持之性稟於生成不肯稍假以徇人真鐵石爲肝而
山嶽不移者人咸嫌其勁直而臣之改調於永寧者正以
此地非勁直不勝也具疏後靜候

明旨於拾壹月初叁日見邸報內玖月貳拾陸日有吏部壹本
爲直糾袁庸道臣等事奉

聖旨趙弘道據原叅穢跡多端何得僅以年老致仕著革了職
爲民該部知道欽此而疏未改調嘗任賢壹事

聖明允否未見全鈔方謂吏部或另有覆疏仰候

聖裁也至初玖日又見邸報內拾月初叁日吏部壹本缺官事
調四川副使馬湖道趙嗣芳正萬言楊陪臣不勝疑畏夫
馬湖道卽永寧道銜乃臣疏

請改調嘗任賢之缺也今旣推有趙嗣芳則任賢似不蒙
俞允而部覆疏中必有不宣改調之繇明明入

告但今任賢已委署永寧屢詳請辭明乎此地難以措手不肯
以幾罹艱危之身再蹈險地臣嚴檄切責始勉而署管果
新推有人於任賢推卸之初意遂矣其如邊疆何或者任
賢所居原銜乃敘府也敘府咫尺番夷亦係緊要地方但

視之永寧緩急差有分別另推者自能按圖而治終不若善後之煩拏鞅掌也然而應調與否在

聖明自爲封疆計妙有淵微非臣所能仰窺萬一第臣爲地方起見實非有私於任賢也近察邸報自玖月來以河南流賊之變梗塞不通間有到者率差錯月日遺漏事件或部覆具有成說奉有

明旨臣未見全報難以揣度獨計邊防介在呼吸軍民瞻仰在此一舉儻一刻含糊不惟任事者無以展其手足而漢夷窺伺猾胥觀望恐因而種種生心矣伏乞

皇上察臣前疏或仍令嘗任賢改調敘馬瀘道管永寧善後事以新推趙嗣芳改管分守下川南道事庶新舊皆稱得人地方之福也如或別有

聖鑒候

旨頒發以便遵行等因伍年拾貳月貳拾叁日奉

聖旨該部察明覈議具覆欽此欽遵鈔出到部送司察得四川
敘馬瀘兵備道員缺先該臣部於崇禎伍年拾月內將原
任山東按察司副使趙嗣芳調補今該撫臣以黔蜀當殘
破之後適值善後之期其敘馬瀘地界遼闊而道臣嘗任
賢久在蜀中一應事宜素所洞灼議將新推趙嗣芳改調
川南而以任賢調補馬瀘似爲兩地收得人之效應從其
請及察嘗任賢資俸已深序應陞轉相應加以布政使司右布
政使兼按察司僉事職銜以之久任庶可收善後之功也
案呈到部既經撫臣具題該司察呈前來相應覆
請令無將嘗任賢加陞四川布政使司右布政使兼按察司僉
事管敘馬瀘兵備道事務趙嗣芳調本省按察司副使兼
布政使司右叅議分守下川南道事務恭候

命下移咨該部應請

勅者炤例請

勅仍各給憑速令到任管事

崇禎陸年正月初玖日

拾貳日奉

聖旨是

吏部尚書臣李長庚等謹

題爲伍邊軍需告匱兩浙庫價無償鹽政壞極轉輸艱難哀

叩

聖明急救軍

國事文選清吏司案呈崇禎伍年陸月拾陸日奉本部送吏科鈔出太子太保戶部尚書畢自嚴題前事內稱山東清吏司案呈崇禎伍年肆月拾肆日奉本部送戶科鈔出兩浙巡鹽御史李宗著題前事內稱奉都察院勘劄准戶部咨該本部題前事等因崇禎肆年玖月初柒日奉

聖旨這本內各款事情著巡鹽御史詳議明確并將庫價壅引設法疏通據實具奏運使亟宜擇人前已有旨如何久缺不補該部院知道欽此欽遵咨院劄臣該臣備行鹽法道會同布按貳司逐一確議去後隨據運司會同杭州府理刑推官察議到道該鹽法道右叅議兼僉事薛邦瑞會同布政

司右布政使王庭梅按察司按察使陳良訓覆審得伍邊軍儲公家所藉以備緩急者亦惟是邊商轉輸是恃庫價一項按期給發載在

令甲歲不容缺卽權宜那借亦出偶然不謂習爲故嘗逋欠以至伍拾叁萬有奇邊商血本幾何能堪此重困哉然亦非得已也蓋頻年以來鹽政敝壞兼以天災人事紛見壘出引之滯而未銷者共壹百柒拾餘萬壘引未銷而新中年額曾不少減年額銷復不足則新者復壘引日壘而餘鹽愈缺矣追呼雖嚴商力有限而春秋兩運毫不可緩勢不得不取諸見有之庫價先儘急供卽謂借不當借亦內商之負邊商非

朝廷之負邊商也夫內商無邊商則煮海無策邊商無內商則償債無人使內商之力未抒而庫價依舊那借則邊商之困又何日得蘇乎爲今之計惟通融壘引以疏其流嚴禁

煎販以清其源如縣場逋欠重考成之法運司左藏嚴那
借之條正課不欠京解自足而庫價卽爲邊商所有雖從
來之積逋不能取償一時而伍年以後當不復言稱貸矣
至於該商所陳諸款無非剔蠹釐姦求清鹽政以解各商
之困似亦有見相應逐款登答等因到臣據此該臣覆看
得自呼庚之戍不可與固圉則邊疆所重首在軍儲此卽
先期給商猶懼難償其苦况可令其經年積月坐守之且
不得也卽云權宜那借亦出偶然不謂合借數欠數計至
伍拾叁萬當此疆場多故之秋邊商有何膏血而能堪此
積逋乎然細察浙商其困更有甚於邊商者始知那借非
商之得已也頻年以來災祲疊見引之壅而未銷者共壹
百柒拾餘萬舊引未銷新引踵至疏壅既苦於無策引目
既壅餘鹽自缺課額又苦於難完庫價之那所從來也臣
閱諸款與司道再四商確酌諸商情參之時勢惟是除應

追者追應給者給應補者補將從前積欠逐年融通務使徹底清察不得復言請貸總期那之於昔者不能驟償於今償之於今者不可使之再那於後令邊季額諸商和同一家如筵斃相附無爲增額之舉無爲加課之謀亦無爲隨掣之習以求輸將於不匱

國課庶幾其有裨乎然臣於此又有

請焉運司一官總錢糧之要握鹽政之樞其權不重則命令不得以自專其任不重則操持不得以自主故因革多出於旁門而左右每乘以窟穴察兩淮運使陳其仁業蒙加

勅莅任今兩浙運使楊湛然受事伊始釐務犁然適值變額爲季政鹽法聿新之會萬商稟命之時也且貳運錢糧其嚮應關頭全係於此從來有司之與釐司原無統轄之柄而民糧之與鹽糧又分緩急之需所以應徵應解每每呼之不應仰冀

皇上俯炤兩淮事例准與

專勅彼將刻勵負擔未必於軍需無少補也等因具題崇禎伍年肆月拾叁日奉

聖旨該部看議具覆欽此欽遵鈔出到部送司相應具覆等因案呈到部該臣等看得鹽筴之利邊商輸粟內商輸課如轉轂然循環不匱而後軍糈有賴乃庫價那而邊商困正引壅而內商困遡厥源本總因私鹽行則官引壅官引壅則正課虧正課虧則庫價那是非內商之負邊商也乃姦商之負良商也再益以災侵疊見搜括頻加天時人事亦有以致之匪朝夕之故矣邊商呼籲實非無病之呻吟也臣部謹按兩浙鹽臣李宗著議款細加翻閱如疏官引以清其流禁私煎以清其源鹽官重考成之法司庫迴那借之瀾真鹽法更新之會而諸商解懸之時也臣部更何說焉然鹽臣諄諄復有請者以運司總管鹺務而鹽法之踈

密鹽課之盈縮一身肩之任綦重矣近者官重而權輕因革每出旁門操縱動至掣肘加勅之議臣部前題俟鹽臣酌議妥確今鹽臣請炤兩淮事例加給

專勅壹道夫運司首重兩淮次之兩浙事屬一體且鹽法更始之會貳運關頭全係於此相應准從合候

勅下吏部覆議請加俾運司一官任專權重張弛操縱得以自主從此修舉鹽政亦必振勵而無敢諉卸矣既經鹽臣具題前來相應開列前件逐款覆請恭候

命下臣部行文各該衙門遵奉等因伍年陸月拾肆日奉

聖旨這條覆各款俱依議著鹽臣實心飭行務期疏壅釐蠹裕課惠商本內台引代銷之議殊未明晰還著另奏其運司應否給勅著吏部議覆欽此欽遵鈔出到部送司案察崇禎叁年拾貳月內該本部遵奉

聖諭議覆鹽政兩淮運使遵炤道臣事例請給

勅書重其事權等因覆奉

欽依在卷今該前因通察案呈到部爲炤運使總理鹽務關係軍需任綦重矣祇以有司視鹽司原無統轄民糧與鹽糧又分緩急以致徵解不應逋欠數多誠有如鹽臣李宗著所言者計臣畢自嚴修舉鹽政首重責成請給運使

勅書奉有應否給

勅之

旨今察兩浙鹽課雖次於兩淮而一切徵輸皆爲軍國之用事同一體亦當炤兩淮例加給

專勅以重其事權者也旣經戶部具題前來相應覆請合無將兩浙運使給以

專勅他處不得援以爲例恭候

命下臣部移咨該部炤例請給

勅書施行

崇禎陸年正月初玖日

拾貳日奉

聖旨是

監視大同糧餉兵馬邊牆撫賞等事太監臣劉文忠謹
題爲察叅外解米豆短少及穀碎不堪乞

勅追處以重軍糈事竊炤臣爲監視之官至於軍糈有專責焉
臣每於召買糧料草束及民運米豆必須令該委先行呈
驗然後委官監收方許入倉臣於崇禎伍年拾貳月初玖
日據山西布政使司批委崞縣縣丞孟福解到崞縣崇禎
肆年分米柒百貳拾石黑豆肆百肆拾肆石陸斗其所呈
樣米豆俱堪并無糠粃碎小隨差把牌周國寧驗收據周
國寧回稱原報米柒百貳拾石今只收米陸百捌拾陸石
伍斗內有米粒碎小不堪者貳百餘石又與原報之數少
米叁拾肆石伍斗原報黑豆肆百肆拾肆石陸斗今只收
黑豆貳百陸拾壹石雖堪用外少黑豆壹百柒拾壹石陸
斗等情到臣臣卽拘孟有功審問其短少之故據有功供
稱功係孟福之子代父解運其短少之數後邊尚未買到

今以原批之數呈報等情又於本月初米日據山西布政使司委官白三戒投批解到五臺縣崇禎肆年分米叁百石俱批穀不堪又小麥米拾伍石貳斗黑豆貳百肆石其數不少俱堪用該臣看得委官孟福管運米豆只宜躬親押解如何擅令伊子代替交納與原報數目共短少米豆貳百貳拾陸石壹斗今稱尚未買完人雖至愚亦不信也此中或踵舊弊串通監收折價分肥未可知也至於白三戒所運米麥黑豆數雖不少其米穀粗不堪明係插合伏乞

皇上勅下撫按將委官孟福嚴提追究短少情弊仍勒限完納議處其白三戒不堪米石或令陪補或行折罰庶姦委知警而軍糈可重矣

崇禎陸年正月初陸日

拾貳日奉

聖旨孟福白三戒俱著該撫按嚴提究明情弊具奏其短少及
不堪米豆著勒限補換完納該部知道

監視大同糧餉兵馬邊牆撫賞等事太監臣劉文忠謹

題爲塘報夷情事崇禎伍年拾貳月貳拾壹日准大同兵備

道劉彝鼎塘報開稱本月拾捌日酉時據殺胡堡守備葉逢春塘報本年拾貳月拾陸日戌時據原差偵探通丁曹世臣趙子亮等入口報稱役等出邊哨至虜地歸化城探得原報西海前來小佛僧在銀佛寺閉關坐禪於拾貳月初壹日開關初肆日出城相隨插夷貳拾肆家打兒衆同到歸化城外四面用繩捲丈地基離城叁里每面用建前廟後塔各壹座佛僧仍回銀佛寺打兒衆各散原帳次初伍日貳拾肆家打兒衆每家各隨熟羊肉壹隻小米壹口袋點心壹口袋同衆喇嘛僧各板升夷人齊赴銀佛寺投見佛僧打醮畢將衆夷趕出寺門止留貳拾肆家打兒衆會話佛僧差一囊素一班地東哨夷目令受溫度恰西哨夷目班伴把獨戶恰台吉衆打兒衆摘餅兩人併銀伴散

夷共拾名騎牽夷馬貳拾匹佛僧用白綾汗巾包裹稻米
拾顆上用圖書封付打兒衆齎擎到於插漢處講說著插
與奴兩家和好如不憑信講和將包去稻米與他變成佛
像爲記擇於本月初捌日起身前往插漢大營會議與奴
插講和情形去訖等情到臣該臣看得奴之與插勢同兩
鼠相鬪中漁人之利我坐收之今何物夷僧以幻術而要
蠢虜果插有真見耶則已儻屈於勢惑於術與奴忘讎相
好彼此無猜自然專意向我邊疆之事誠可慮矣語雖出
於夷口虛實未可信憑在我武備急修先事蚤計所恃在
我不在兩夷之和與否也除卽會同鎮道諸臣檄令各路
將領嚴行整頓兵馬先爲勝計

崇禎陸年正月初陸日

拾貳日奉

聖旨報內情形總屬狡酋挾賞說謀著該督撫鎮道遵旨嚴加

偵探相機驚禦不得刻解這塘報已久如何此時奏聞以後
事關夷情還著星速馳報該部卽行傳飭

戶部尚書臣畢自嚴等謹

題爲餉銀誤解助工乞

勅鹽臣察明補解以清錢糧以足餉額事山東清吏司案呈崇
禎陸年正月初伍日奉本部送據淮揚兵鹽道右叅議柴
紹勳申稱徵完新舊課銀貳拾柒萬餘兩差知事鄭元卿
解部交納及察入庫之銀止貳拾伍萬餘兩缺額貳萬正
在察考間續閱邸報見兩淮巡鹽御史高欽舜題稱徵完
淮商加斤鹽課銀貳萬兩解送工部交納夫加斤鹽課起
於天啓陸年初充

大工次充

陵工之用至崇禎貳年已經題免至崇禎叁年復經本部題充遼
餉今已叁載不知何以復解工部錢糧各有款項相應題
明歸還本部等因案呈到部該臣等看得九邊軍餉半倚
鹽課故從來煮海之利悉供軍興之用別部不得借資者

也自天啓陸年

大工肇舉題令各運司加徵助工課銀壹拾肆萬伍千餘兩原議工完卽免至崇禎元年貳月內該福建撫按以及兩淮兩浙河東各巡鹽俱各專疏請蠲已該臣部覆

准自崇禎元年以後俱行豁免在案至元年拾貳月又該工臣王洽以

陵工緊急復請加課臣部念

弓劔雖藏簣土未竣復加元年壹年貳年卽免業經奉有貳年以後悉行蠲免之

旨迨崇禎叁年虜逼門庭兵增餉匱臣部萬不得已復議加課以濟薊遼之急畢竟商力有限逋課日多有加之名無加之實然而通融裒益尚望接濟肆年肆月內工臣曹琬復有鹽課助工之疏隨經臣部題明而止此皆歷有疏案可考也卽伍年貳月內工臣議處修

陵之疏止言省直助工之銀徵解助工竝未及於運司鹽課亦以

屢奉

欽依義難紛改故耳使果題覆助工鹽課何工臣前此無一字與臣部商確後此無一字移臣部知會也今鹽臣因奉院劄通行未繹工部原疏徑將伍年助餉之銀改解工部儻不亟爲剖明則錢糧混淆彼盈此詘巖關兵餉將望何項以補此空缺乎但察前銀已入工庫不便取還且兩淮運司尚欠工部天啓陸采兩年并元年助工銀數萬兩合無卽將昨解之銀抵其舊欠而所欠臣部之課仍令運司星速完解庶兩部錢糧得以清楚而薊遼餉額亦不致虧缺矣旣經該司案呈前來相應題

請恭候

命下臣部行文工部并都察院轉行兩淮巡鹽御史遵奉施行

崇禎陸年正月初拾日

拾貳日奉

聖旨這課銀貳萬兩准抵該司助工欠額以後仍依近例解充
遼餉

戶部尚書臣畢自嚴等謹

題爲遵

旨會察撫賞事山西清吏司案呈崇禎伍年拾貳月拾柒日奉
本部送戶科鈔出山西巡撫許鼎臣題前事內稱崇禎伍
年正月拾玖日准戶部咨山西清吏司案呈奉本部送戶
科鈔出監視山西太監劉允中題前事內稱岢嵐道臣王
于陞借給過征勦流賊軍丁行糧并月餉等銀壹萬壹千
柒百叁拾肆兩捌錢捌分除所借行糧月餉有項抵償移
文撫臣令其所屬補還外等因崇禎肆年拾貳月貳拾捌
日奉

聖旨撫賞自有定款何得額外借給開端沿例累及貳萬併託
名軍丁行糧等項保無侵冒除糧餉銀數勒限該撫補還自
奏其歷年給夷數目本內有名道臣俱著該撫按一一察追
奏奪仍詳計馭夷事宜務期賞贍有法勿致聽挾啓釁該部

知道欽此欽遵鈔出到部移咨前撫臣宋統殷行間又准兵部咨同前事准此肆月貳拾柒日又准戶部咨爲前事鈔出監視山西太監劉允中題前事等因崇禎伍年肆月初玖日奉

聖旨這察過山西鎮撫賞錢糧收除各款著部科同總理覆覈卜素爭端停賞已拾肆年近兼馬折扣價共應節省銀數奏內甚明據察除借欠等項俱作實在尚少銀陸萬叁千兩無項可抵明係督撫道司混行侵冒如何不行明糾姑不究卽著該部詳察歷年各官職名具奏其拖欠置貨并庫少等銀還著劉允中同該撫按勒限嚴追奏奪至馬價原議折半其議扣貳兩旣屬暫行何遽沿爲定例今後作何改正還著該督撫察酌來說該衙門知道欽此欽遵鈔出到部送司奉此案呈到部擬合就行合咨前去煩遵

明旨內事理卽察混冒無抵銀陸萬叁千兩詳察歷年經管各

官職名其拖欠置貨并庫少等銀會同監視勒限陸月內
追完原議馬價折半并扣貳兩之議先既暫行沿今爲例
今後作何改正逐一酌察明確一併

奏報施行等因移咨前來該前撫臣宋統殷會同監臣劉允
中督臣張宗衡案仰布政司鴈平苛嵐貳道移行餉司逐
一嚴察外該前撫臣宋統殷細閱此咨內云壹款撫院借
給征勦流賊軍丁行糧并月餉等銀壹萬壹千柒百叁拾
肆兩捌錢捌分摘行苛嵐道併察及屢催去後至本年捌
月初陸日據該道右叅政周鴻圖呈稱行據西路管糧同
知蘇爲梯呈稱察得節次借過撫賞銀壹萬壹千柒百叁
拾肆兩捌錢捌分陸釐內買糧草銀柒千玖百捌拾伍兩
捌錢捌分陸釐察將各營堡應追截曠及庫貯勦賊買糧
下剩等項銀兩補還外有軍門取解陽和抵充崇禎叁年
分朋合馬價銀陸拾叁兩陸錢察炤舊例追收月市馬價

銀內炤數撥補訖惟有各營并勦賊官兵借過月糧料草
安家行糧銀叁千陸百捌拾伍兩肆錢內領到各營堡軍
士月糧扣補今察已還過銀壹千壹百捌拾貳兩捌錢叁
分尚欠未還銀貳千伍百貳兩伍錢柒分候領到各營堡
軍士月糧內陸續扣還統候完日另文呈報今將借過撫
賞銀兩逐項分析已未完數目及還補緣繇并道廳職名
備造文冊叁本擬合呈請等緣繇到道據此該周叅政察
得解過陽和朋合馬價陸拾叁兩陸錢原有動支月市馬
價之例業已補完無容議矣各營軍士借過月糧安家於
各軍領到月餉炤數追補但月糧愆期各營給領前後不
齊一時不能全補除先領到者已完銀壹千壹百捌拾貳
兩捌錢叁分未領到者尚欠銀貳千伍百貳兩伍錢柒分
候領餉到日卽令扣補亦有著落止買勦賊糧草借過撫
賞銀柒千玖百捌拾伍兩捌錢捌分陸釐無項抵補今據

該廳察出原領買糧還回下剩并主兵借支勦賊米草及庫貯防禦西賊行糧存剩共得銀陸千貳拾壹兩零不敷者於各營原報逃贖項下追銀壹千玖百陸拾肆兩有奇共合原數補還原借撫賞項下既經該廳察議前來相應呈請伏乞本院會奏等因呈詳前撫臣宋統殷因戎馬弗暇具奏該臣一面料理征勦一面察閱積案除其餘銀項經管道司各官職名并拖欠置貨及庫少等銀與夫馬價并扣貳兩之議俟察明另行析咨部外該臣看得一切錢糧正收正支一毫不容紊亂祇流寇搶攘應支正項不繼故權將撫賞借銀因致塵

皇上稽詰追補今察原借銀壹萬壹千柒百叁拾肆兩捌錢捌分陸釐內解過陽和朋合馬價陸拾叁兩陸錢柒例動支月市馬價業已補完似無庸議各營軍士借過月糧安家已於各軍領到月餉扣完銀壹千壹百捌拾貳兩捌錢叁

分尚欠銀貳千伍百貳兩伍錢柒分候領餉到日帑數扣補至於勦賊買糧草借過銀柒千玖百捌拾伍兩捌錢捌分陸釐據察已有原領買糧還回下剩等項共銀陸千貳拾壹兩零不敷者於各營原報逃贖項下追銀壹千玖百陸拾肆兩零是原借撫賞之數俱有著落矣既經呈詳前來除借還細數經管職名原來文冊各部帑察外相應具奏伏乞

勅下戶兵貳部行臣轉行該道將已完者收貯支銷未完者上緊扣補通取實收繳察庶錢糧清楚

欽件蚤結矣等因崇禎伍年拾貳月拾伍日奉

聖旨該部知道欽此欽遵鈔出到部送司案呈到部該臣等看得山西鎮撫賞錢糧察實在項下尚少銀陸萬叁千兩見行撫按司道察核行追并馬價原議折半後止議扣貳兩亦俟察明另覆外此外尚有借給征勦流賊軍丁行糧并

月餉銀壹萬壹千柒百叁拾肆兩捌錢捌分陸釐夫錢糧
各有款項既係撫賞錢糧何得借動支用以滋混冒但自
監視具題之後該撫臣宋統殷轉行司道已將借過錢糧
帑數搜括扣抵又該新撫臣許鼎臣具奏前來完欠之數
業已明晰無容再議惟是已完在庫者應收貯支銷未完
在軍者應帑數扣補然後可稱清楚耳相應覆

請恭候

命下臣部移文該撫按一體遵奉施行

崇禎陸年正月初拾日

拾貳日奉

聖旨是

戶部河南司管理明智等草場監督主事臣馮名世謹
奏爲場蠹播惡艱深心跡亟宜表白請申

明旨以伐姦謀以杜後患事臣一介豎儒濫叨通籍伍年外吏
米日部屬卽奉草差幸蒙

皇上易僉商爲官買無非裕

國甦民除姦剔蠹美意良法也臣受事於北新失事之後餘
煨尚伏多方拮据撲滅始得潔淨場基隨於玖月中旬估
價開買先奉臣堂官榜示內云經紀人等串通草戶高臺
時價圖自爲利今後召買不拘何人但有忠實可任監督
不妨差委但取集事爲主不必避瓜李之嫌等因臣猶不
敢輕爲信用卽單騎出郭與村民草戶燎市平買運草進
場責令官攢秤收聚堆隨付小脚揀淨開捆以候稽驗臣
所以仰體

皇上官買便民之德意敢不竭蹶殫精少效犬馬每聆內臣科

道各臣數以

功令戒勉清夜自訟益切凜冰況近奉有

明旨這草束有減數叅雜等弊責在監督若以後發覺仍當追

論

天語煌煌卽冥頑不靈之夫捧讀猶思惕厲臣雖至愚極鄙亦頗具心知而謾然不喻利害之所關性命之可慮哉用是於草束斤兩務求必淨必足凡遇略不堪者盡行揀棄在地每場約有千百萬餘此萬耳萬目所共見共聞者也及淨草上梁先同科道驗數梁完仍候丈量合算報竣不意臺基場小脚孫承忠者肆惡有年吞商無厭踞場設筭藉草叢姦惟僉商始可肥家官買不便利已希圖撓法鴈價逋工與夥脚蘇湯海因讎思報計訟內臣科道有黑草攙入大梁在東北角頭之中等語臣聞之不勝駭愕當於本月初貳日申文內臣移會科道并申臣堂官總督備達具

疏請

旨析梁察覈存案在卷未敢急遽建白需次內臣衙門舉行始表臣心臣伏思承忠信口點綴杳不思維夫向來商買豈無濫惡可指一經官買輒有黑草是官買不便於僉商可知矣況揀棄在地之亂草尚然黃爽而反以黑草攙入又愚者不爲也更可異者科道抽驗之時不行稟白而胡突計於湯海爭構之際此其讎誣刁謗益復顯然總之爲承忠者恨官買爲已害視監督爲眼釘欲奈新規思仍故習盈場遺草非旦夕出完神棍兇徒藏機叵測臣又慮目前之害有不可不深爲之隱憂者也伏乞

皇上勅下總理會同科道析梁覆驗如果有黑草攙入情弊臣甘伏厥辜儻係誑欺則承忠阻抑成法或亦不能倖逃其應得之罪矣

崇禎陸年正月初拾日

拾貳日奉

聖旨草梁拆驗明白自有處分馮名世不必陳辯該部知道

監視大同糧餉兵馬邊牆撫賞等事太監臣劉文忠謹

題爲異嘗颶風事崇禎伍年拾貳月貳拾伍日據新平路叅將馬鐵貝稟稱本年拾貳月貳拾日據樺門堡防守羅星彰稟報本月拾玖日夜偶被狂風不止將本堡場內柴草多半飛昇房屋樓鋪甑瓦刮塌又堡西北外面甑牆梁口刮塌約餘柴捌丈其飛散草束責令軍士收攢如數堆梁刮塌梁口亦上緊修補外理合稟報到臣該臣看得颶風爲怒號之氣甚至刮塌城垣飄揚屋瓦在場柴草多半飛騰此最異之象也況樺門壹堡設在高山當虜衝路颶風怒號其或

天心仁愛可不凜凜除臣檄行鎮道諸臣痛加修省先事設備以答

天誠

崇禎陸年正月初陸日

拾貳日奉

聖旨風災示儆嚴邊尤宜戒慎著撫監各官加意飭防無得玩
泄該部知道

戶部尚書臣畢自嚴等謹

題爲殲叛屢奉

明旨會勦陡遭颶風謹據實

奏報竝

請速調兵船以終恢勦事專理新餉山東清吏司案呈崇禎伍年拾貳月貳拾日奉本部送戶科鈔出兵科外鈔該東江總兵官黃龍奏前事內開島兵經年無餉臣呼籲已極已無可言但今日之勢我兵處無告之亦貧而賊布不貲之重購我兵人懷恫怨而賊致死無前臣卽能以忠義虛聲戶說而人曉安能保人人之如臣哉更乞

皇上再飭

嚴旨使島兵蚤沾醪續則轉危爲安轉禍爲福端在此矣等因

崇禎伍年拾貳月拾捌日奉

聖旨黃龍督率水師從無鼓勵殲勦屢報颶壞明多借飾且請

駐旅順何關扼禦前撫監奏稱給餉不領今又何挾呼該部一併察議具奏其天津等處水兵已有旨了欽此欽遵分鈔到部送司議覆間陸年正月初叁日續奉本部送准兵部咨同前事內稱黃龍所請糧餉事隸戶部相應移文酌給等因到部奉批新餉司察議奉此相應覆

請案呈到部該臣等看得島餉本色米萬有奇津運亦已告竣則不患宿飽之無資矣折餉玖萬有奇例應東省支給臣部已遵奉

屢旨數行該省酌量給發島上差官沈璽亦躬行該省守候矣乃東撫云給餉不受該鎮又云呼籲已窮呼籲懸殊實滋疑義而臣部頗聞其槩先是東省以叁千應之而該鎮存乎見少不受也既而該撫儲伍萬以待而該鎮欲東省轉解又復相待不受也竊嘗評之既責以扼剿之功自宜與以醪續之具但溟渤之風波既險而叛賊之出沒無常萬

一疎虞誰任其責合無仍令東撫措餉伍萬置於距登稍遠近海地方密約島帥差官赴領或分數次轉輸無令藉寇庶島帥鼓勵有資而扼禦亦自難諉策後效而破羣疑在此一舉慎無阻氣於賊而藉口於颺也轉盼叛賊既平然後察明見在之兵全補壹歲之餉則恩威兼濟而操縱咸宜矣既經總兵黃龍具奏并兵部移咨前來相應議覆恭候

命下臣部移文東省撫按藩司并行該鎮一體遵奉施行

崇禎陸年正月初拾日

拾貳日奉

聖旨依議著該撫如數措餉密檄該鎮赴領仍詳明哨探防賊窺截一面鼓勵島師嚴扼狡遁以副朝廷養兵殲敵之意該部卽會同兵部星速傳諭

兵部尚書臣張鳳翼等謹

題爲協援誼難稽時圖勝急先固本謹因察覈之及詳晰具奏併謬陳籌勝之策統祈

聖鑒事職方清吏司案呈奉本部送該天津巡撫鄭宗周題稱該臣於拾月拾柒日准兵部咨奉有關寧天津各出銳師協援不得延誤之

旨臣既凜協援之難諉而又凜延誤之罹事故急於犒師啓行之際具咨報部以明諸臣未敢延誤之心而其選擇鼓勵措辦軍實無待陳於啓奏間蓋分所宜爲亦兢兢唯謹之義固然耳茲拾壹月初捌日准部咨題臣前咨奉

聖旨津師前遣偵事這番倍宜選擇鼓勵協力奏功鄭宗周既說船餉缺乏忽又戰艦水犀錢糧器械頗具且陶曾齡等果否堪任咨既簡略爾部竝無壹言殊非詳籌制勝之義著再察覈明白具奏欽此欽遵移咨到臣臣捧誦

明綸仰見

聖謨慎重弘遠期奏蕩平而

聖意所察覈者不但在陶曾齡之果否堪任且併在選擇鼓勵與船餉器械之何以頻具也臣謹逐一奏明而謬籌制勝之策於後臣奉

旨協援之日甚憂船餉缺乏欲繕疏奏

請又恐稽時誤援因與鎮臣巢丕昌兵道臣葉宰餉道臣鄭寅餉司臣劉大猷共謀所以副茲役者諸臣僉議各項軍實當分力借辦兵於水營挑用將則鎮海營遊擊陶曾齡爲可臣思兵自應用水兵但揀其善戰而兼善舵工者共足壹千之數陶曾齡自蒞任來撫練有方整頓甚力以水營之將統水營之兵威信素孚甚屬妥便且生長越地能諳水性餘將俱產邊方誠不若委曾齡爲善數次酌議諸臣終謂津將無如曾齡爲能堪者臣然後令其治戎一面行

鎮臣挑兵啓行先壹日臣恭設香案於北望

闕叩首以示

天威咫尺

命將出師之重禮畢又另設香案於南灑酒誓師肅將

天討除每兵犒銀壹錢善舵者加犒貳分外臣執爵飲陶曾齡等而勵之曰

皇上以閫外之任授之將軍

恩高德厚此行務勦力竭誠與副裨王有功叅謀任國輔和衷籌畫毋蹈延誤貳字之罪而遲逗毋失察於姦細之艦而受欺毋昧協援貳字之義而孤注毋違東省撫監之節制毋負合津諸臣之推舉而曾齡誓矢心力以求不負茲任此津鎮耳目共見臣敢有不倍加鼓勵靡問其堪任而輕畀之者乎臣竊慶今番之不與前遣類也蓋前遣之孫應龍乃樞臣熊明遇特咨來津今臣委援原咨見在人非津

將遣憑部咨而但其被誘偵事爲臣子者分當負罪引慝不欲以口舌妄瀆

聖聽耳若夫津門自有登逆以來兵馬器械節經參調安得不缺兵船朽薄不堪疏

請添造未蒙

俞允安得不乏餉銀每每踰期安得言足而今數援兵肆箇月餉銀何以頻具則餉司臣那借司庫銀兩之力也數參拾隻戰艦何以頻具則道臣暨總運叅將張允昌借覓運船之力也數許多器械何以頻具則軍需廳通判喬若岐悉索守城防海等器之力也在

皇上若訝之若喜之以爲猝辦之速而豈知諸臣兢惕拮据猶恐冒遲緩之愆儻使數者有壹未備彼三軍棹冰航凍豈甘徒手枵腹而往哉至籌勝之策臣謬見有叁其壹策在急扼旅順按旅順踞各島之衝旅順定則各島自安使逆

勾島不能通奴不得唯有束手待斃又兩策壹在厚兵固
津壹在增兵護運津固則囤儲無虞運護則輓輸無阻逆
卽竊颺海上而近難窺津遠難截運食盡力窮可力制其
死命乃若視津門爲緩地委積儲爲緩計戰艦不造而貽
缺陷於運兵額不復而貽單弱於津運艘不護而齎糧糗
於寇使岌岌有剜肉醫瘡之勢而貿貿無培根固本之圖
豈登重而津輕津之運事輕而榆關之安危亦輕也乎非
臣所敢籌矣字恐踰限悃懷靡能詳盡敬因具奏而約略
及之統祈

皇上垂鑒採擇施行等因崇禎伍年拾壹月拾捌日奉

聖旨據奏援東軍需命將事情知道了津門重地備禦尤急鄭
宗周著悉心料理務保無虞所陳安島固津護運事宜著該
部看了來說欽此又該天津巡撫鄭宗周題爲敬詳安島固
津護運之策仰厯

聖謨以建萬年長治之規事崇禎伍年拾壹月貳拾貳日准兵部咨該臣題爲協援誼難稽時圖勝急先固本等事奉

聖旨據奏援東軍需命將事情知道了津門重地備禦尤急鄭宗周著悉心料理務保無虞所陳安島固津護運事宜著該部看了來說欽此欽遵移咨到臣臣恭捧

明綸仰見

皇上軫念重地

命之以急備禦

命之以保無虞而究責於臣之悉心料理夫人臣沐

君上高厚之恩肩封疆危重之任苟捐軀可報敢不悉心是圖

第力能料理者臣天竭寸心萬不敢以憂貽

君父至所陳安島固津護運則今日制勝之急著在是萬年長治之至計亦在是也

皇上不以臣言爲謬旣

勅樞部看覆矣臣惟拱聽確畫慶封疆

社稷之胥此而安但前疏約略未盡茲再詳陳仰塵

聖謨之採擇可乎臣何以言安島之在扼旅順也細觀東江輿輻正南登州正東朝鮮東北爲奴牧地而皮島廣島石城長山廣鹿小平三山旅順諸島則橫峙於南北腰脅之衝旅順壹島又總諸島咽喉而西控之今春逆謀勾島未始不謀通奴且奴素懷窺島之心但疑信相參不似島人類同氣親聞呼便焚巢渡登耳仗

皇上德音沛發就輓粟飛芻之內寓遏逆鼓順之權費盡圖維而後島人不盡違

天以從叛也夫地險法疎安之則爲民爲兵不安則從奴從叛情最易見今須忠義智勇之將領素練家丁及選調別鎮精兵壹貳千以坐鎮於旅順之中如是則咽喉一扼而勾之路窮通之謀絕變之隙杜并奴窺之念亦阻實東江永安

之策也何以言固津之在厚兵也夫津門非止屯儲軍食之重實近輦

神京之重也今春叛寇所窺何嘗不涎津蓄卽已已奴孽所覬亦何嘗肯忘津儲言念及此誠宜多駐精銳一以保根本之重大一以備遠近之調援而

廟堂精神未暇兼注豈真不欲固津哉按經制合津軍兵不滿壹萬肆千員名防海守城護漕分汛四應不足而連年之修築數次之遣調又取精於是單弱尚堪言乎內如海防營原額水陸兵伍千名鎮海營原題水兵肆千貳百名兩營兵船共壹百伍拾壹隻以防倭也後倭息兵裁其半船則年久朽壞不堪又察天啓元年奴患方熾招募主客兵貳萬名備奴於津係在津營軍兵之外今叛患甚於倭奴氛猶夫昔則或多而復天啓年間之招募主客或少而復鎮防兩營之額船額兵使有恃以爲固可耳臣非不知造

船則需費復兵則需餉但兩者皆萬萬不容已今歲節次
援登之役俱借用運船不識運船可靠借乎至原有兵則
自有餉是在樞部察核議覆俾津固而

神京安天下無虞不安矣何以言護運之在增兵也熟觀榆
關之騰飽全賴海運之轉輸是榆關重而海運不得輕也
今憑糧艘孤行於汪洋之中而無戈船擁護於不測之地
爲運計豈宜疎略如是乎然使叛逆不逞於登奴謀不覲
於島島人不渝其初則在昔可不護在今亦可不護臣何
爲鯁鯁過計而必增兵之是求誠見逆滅而奴未卽殲恐
溟渤之害尚自無窮海運不能告停則護運不容不力使
增兵壹貳千專力護持上也復兩營之兵額船額俾臣得
以一半踞中洋月坨之衝以一半資糧艘往返之衛中也
不然者舟人非赳桓之旅櫓楫無戟盾之利一葉之行伍
之雄賊艦鼓沸能禦其不虜載以往哉運梗而關門危天

下事尚忍言乎臣固策增兵護運之爲急也曰安曰固曰護皆

主臣之共念而扼旅順以爲安復兵船之額以爲固就復額之兵船以爲護又微臣身親慮遠之惓懷故再疏詳

陳以補前牘之略伏乞

聖明俯加採擇仍

勅兵部議覆務保封疆等因崇禎伍年拾貳月初伍日奉

聖旨兵部一併議覆欽此又該天津巡撫鄭宗周題爲敬申協援之義以收萬全之策事該臣遵奉

明旨挑發津兵壹千名借用運船叁拾隻擇鎮海營遊擊陶曾齡領赴東省協援去後臣已奏報開洋日期明白續於伍年拾貳月初伍日准兵部咨該本部尚書張鳳翼覆爲塘報事內壹段開津兵孤注海外誠屬可憂東撫檄之駐泊黃河營多撥兵丁協防爲計良是等因奉

聖旨屢報賊多從陸衝突何又有出海船衆若干這瞭報未免
張飾津師須駐泊得所有裨援扼不得逗懦輕率著該撫監
按詳審調度以收萬全爾部卽行馳飭欽此欽遵又拾貳月
拾柒日准兵部咨該監臣呂直題爲官兵獲船降民踵至
謹訊實報

聞事奉

聖旨逆黨中投降者撫恤縛獻者重賞自可漸孤賊勢仍須亟
圖撲滅毋延至春和海通別滋蔓逞津島淮揚水師張援協
勦兵部速行通飭欽此欽遵各移咨到臣除節行催飭陶會
齡遵奉外該臣恭繹前後

明旨仰見

聖謨弘睿必欲津兵駐泊得所戒逗懦輕率以協勦成功而不
使逆賊別滋蔓逞誠萬全之策也顧

明旨所歷言協者尚未直示當協何兵不識果與淮揚兵協乎

與關島兵協乎抑關島淮揚津兵之共成壹協乎夫協則兵衆不協則兵寡協則勢強不協則勢弱衆寡強弱分而勝負安危之機判是可不爲廩廩耶一切調度

皇上命東省在事諸臣詳審撫臣朱大典擇駐黃河營撥兵丁防護之奏已見保護孤旅極其周詳但津兵此調悉空津之銳利而付之巨海滄茫置參拾隻扁舟於萬頃之中至少至渺往來進止俱憑風力天時而非陸路兵騎可比且海洋風颶又不同於長江是必協而後援使樓檣集排山倒海之雄戈甲耀轟雷掣電之勢衆船一念衆力一心而後據島以成扼衆風以成勑所謂自固以制人於以奏成功不難也今冬天氣嚴寒海水凝結歲暮寇船不能出兵船亦不能前然目下春融各船到登即可成協東省諸臣謀略偉特必熟籌於胷自無待臣過計而臣深維協援之義則又不敢不申明以爲津兵計決勝耳至津門重地海

運重務臣拾壹月貳拾陸日具有敬詳安島固津護運之策一疏未見作何題覆臣日望一日不啻雲霓儻津不必固運不必護兵船不必造而臣再四妄干臣亦何故爲是杞人之慮乃數者萬不容緩臣惓惓陳說

皇上不急允行他日警患猝至臣受其咎而奚濟於封疆臣於此愈不勝臨淵之懼矣伏乞

皇上明示津兵與何兵相協務合衆力用圖成功并勅兵部速將臣所

請固津護運復額造船速行題覆其裨益封疆海運非淺小矣等因崇禎陸年正月初壹日奉

聖旨軍兵調度機宜自在督撫屢旨協援事理甚明何反設端瀆請鄭宗周殊屬率妄餘著兵部遵旨速覆欽此欽遵到部送司案呈到部除安島一事臣部另疏具覆外看得固津護運雖分兩項而護運卽在固津之中撫臣欲復天啓年

之招募貳萬該餉歲當幾何值此掣衿露肘之時斷難議復矣惟額船壹百伍拾壹隻今據肆年月報冊開僅存肆拾叁隻而亦已爲孫應龍被誘陷賊乃借運艘以作戰艦他日并至缺運尤屬非計則先補造百艘以資哨防固勢所不容已者臣部已移咨水衡其果否能應聽該部自行議覆若增兵一節臣部以爲第復鎮海營水兵之原額已自足用蓋踞中洋月坨之衝資糧艘往來之衛皆水兵作用也原額肆千貳百名今統計見在水兵不過貳千伍百柒拾員名是尚缺壹千柒百餘名矣似宜招滿肆千以壯氣勢而足調遣臣部於冬月卽已具藁會覆而計臣以爲餉無從出未肯畫題因咨行津撫酌議而該撫復疏申

請想未見部咨耳今奉有速覆

明旨謹據實奏

聞惟

聖明裁奪施行

崇禎陸年正月初捌日

拾貳日奉

聖旨募兵先須計餉既未經戶部商妥何得輒議增補且津營
水兵四千餘名稱係舊額卽有額餉何謂餉無從出還著會
同戶部確議速奏水師急需船隻其應造船數併著工部速
覆

兵部尚書臣張鳳翼等謹

題爲塘報事職方清吏司案呈奉本部送准山東巡撫朱大典塘報崇禎陸年正月初肆日卯時據署居重營事德州叅將今降級圖功馬嶺報稱本月初肆日寅時本營巡牆兵丁接獲難民壹名鄭欽係浙江蕭山縣人向在水城生理供稱正月初壹日內有岳將官合同衆將官意在正月初壹日鄉拏孔耿貳賊獻出又放火爲號俟我兵攻城各賊開東南門放我官兵入城不意被岳將官下孫門子將此消息露洩隨傳各賊上城嚴守將毛承祿亦拘禁大城生死未保殺了將官壹拾叁員隨換劉承祖來守水城初貳日殺了南人并男婦約叁肆千人鄭欽頭項前後砍了叁刀乘夜扒出又供各賊收拾船隻的在初旬遯海內有一姓王將官係總管意要整兵砍殺退了大兵仍據登州等情塘報到院據此看得從來圖賊之道以伐謀行間爲

第一義本院同監按多方設計或繫書於矢或遣人入城
凡以離其黨羽潰其腹心者備至幸有龔正祥等心堅內
向插血訂盟期除夕及初叁乘便舉事豈非縛渠獻城之
一機穀乎夫何天未厭亂除夕僞將岳永陞醉後洩機於
孫門子元旦永陞將住房放火爲號孫門子遂輸情於賊
而原訂謀之拾叁人俱被擒就戮卽毛承祿亦拘入大城
止畱川兵放砲水手駕船其他南人之客於水城者盡洗
於夾道之內矣鄭欽則被砍數刀棄屍城外而復甦匍匐
投憩驗其傷重湯水已不能咽情景固逼真也據供水
城已換劉承惠把守新設僞總兵王子登爲總管是賊中
又添此貳渠矣子登自恃騎勇仍欲闖圍我兵磨勵以須
將爲李賊之續不足爲慮唯遯海一著目今風和冰泮政
可揚帆之時而南北各船俱未見檣影雖金戈林立鐵騎
雲屯終不能凌虛踏浪以從也余若何先是本院猶望以

奇間收功故可緩攻徐戰而今事已仄矣時已逼矣各將士能復藉口以肉薄爲諱而顧坐待其出海乎朔之日本院望見城內起煙飛騎馳入營中各兵俱在鋪內曾不知覺立繫一兵催放砲舉梯以應遂巡不前失此機會此監按所同目擊者也參之日復嚴爲申飭及期攻取而文告雖勤非藉

嚴旨難責成功前者監紀報中謂賊若遯海則步兵各將盡可斬也斯言豈過計哉本院與諸將約嗣後令出而退縮不遵應斬者斬應參者參唯稟三尺以從事然不無乞兵部申一言以飭勵之也今據前因理合塘報等因到部送司案呈到部看得龔正祥龍韜等縛叛一著實有反正之心祇以機事不密遂至害成自孫門子一洩其言頗使成謀決裂據難民鄭欽之口吐殺將官壹拾叁員洗男婦叁肆千人則賊之屠戮狠矣此時卽畱放砲川兵駕船水手必

且危疑不定況孔賊欲整舟渡海王賊欲死戰據登卽諸
逆自爲謀亦蒼黃莫決趁其慌亂而擊之亦拙速之一機
也若觀望遲迴必欲待舟師於南北恐舳艫未至而賊已
揚帆矣九仞之功虧於一簣不知諸將帥何以自解也據
撫臣報稱見城中煙起飛騎入營而各軍猶在鋪內不知
卽繫之舉梯相應亦逡巡不前如此懈弛城何日下乎撫
臣謂非藉

嚴旨難責成功監紀謂賊若遯海步兵各將盡可斬也蓋有激
乎言之哉伏乞

皇上嚴飭在事諸臣乘其內變急設法攻圍務使賊心渠
魁授首庶半年以來之勞費不至頻墮也除各處水兵仍
行飛督外更乞

勅下臣部頒前賞格於旅順朝鮮儻賊竄東洋各併力擒捕知
亂臣賊子人人得而誅之旣經塘報前來理合具本題

知

崇禎陸年正月拾貳日

本日奉

聖旨賊中情形軍前號令何等關係據奏兵丁冥無知覺藐不
遵行諸將如此玩弛豈能底績且自有東事以來嚴旨無日
不頒何待此時尚請責成申飭撫監按等官均難逭罪既說
賊勢危疑法當急擊著設奇鼓勇間黨殲渠立奏全功仍行
懋賞若疎率恇怯及藉口水兵無援遂巡不前以致逆賊遯
逸狂逞重論不宥其申諭旅順朝鮮併力擒捕依議爾部呈
速馳飭

兵部尚書臣張鳳翼等謹

題爲捉獲姦細真夷事職方清吏司案呈崇禎伍年拾月貳拾日奉本部送兵科鈔出順天巡撫傅宗龍題前事內稱准督臣會彙本年玖月拾壹日據密雲道臣馮師孔呈稱本年陸月貳拾壹日蒙臣憲牌備仰到道蒙此隨行曹牆貳路嚴察夷人越牆入口的係何官信地去後貳拾肆日又蒙本部院批據平谷縣申前事蒙批仰密雲道速將姦細夷人阿來太差的當官員提解研審蹤跡并經錄處所疎縱員役總察確報蒙此隨委神武中衛經歷萬民望提解間來月初叁日又蒙本部院批該關內道呈前事蒙批仰密雲道細加譯審進入邊口經過道路城郭村店蹤跡并原使令情錄入犯狡謀仍遵

旨押令尋驗逐一真確以憑具題繳蒙此該本道隨將阿來太當堂再四譯審據阿來太供稱來太年肆拾柒歲係舍蘭

兔下夷丁頭目係石梁兔伍月初間東夷有叁肆拾騎到舍蘭兔家商議柒捌月間決要犯搶

天朝因差來太於伍月貳拾叁肆進口分付我打探某處有兵馬某處無兵馬并各處兵馬多少打聽了從大安口出去回話與我老婆牛羊過好日子當與我銀肆兩錢柒拾文作盤費又差卜羅沈奈打喇汗色令叁箇伴送蚤間起身抵晚至曹家寨見我爬進城他叁箇就回去了爬進的地方西北兩墩臺夾空那塊不甚高上邊倒了不多些有兩叁磴故爬得上來也無人見進口是黃昏時候樹底下睡了一會睡著了到天將明起身緣曹家路城外往牆子路跟隨一羣腳羸夫同走路上有賣飯的叁箇錢壹碗喫了兩碗便走到一河邊有船與他伍箇錢渡過了晚間到髻髻山宿了到平谷東關離城半里見一莊子又住宿了爬了大嶺到薊州西關在城外住宿買大帽壹頂用銀肆錢

青褂子壹件用銀壹兩打扮做家丁模樣繇薊州走到石門用錢陸拾文酒肆壺紅纏腰壹條雇壹傭送到遵化南關不進城只見許多馬在外牧放繇遵化到三屯營南關內宿就往遷安去城貳拾里肚內饑了問莊人討飯喫被莊人提起大帽見無髮知爲姦細隨將來太捉住奪了銀貳兩伍錢餘銀壹錢盤費等情供吐在案據此復委石塘路中軍徐成輔密雲中衛經歷楊日昌嚴押阿來太於進入邊口經過道路村莊城郭逐處尋驗蹤跡去後今據貳官稟稱職等押來太至石匣營內因腿夾壞虫出而死緣繇到道據此看得邊垣華夷界限遏強虜而固

皇圖者至姦細奴孽慣著再四申飭無令潛竄偵探啓犬羊蹂躪之謀阿來太突入左輔殊大駭人反覆譯審堅執伍月貳拾貳叁日從曹家路進口西北兩墩臺夾空那塊不甚高上邊倒了不多些有兩叁磴故爬得上來睡熟達曙繇

曹家路城外行到壹河邊有船與他錢伍文渡而東走此
當日供詞也押赴察驗間而來太倉發已死其人雖死其
口詞固在本道慮差官尋驗或滋弊竇親至曹牆兩路備
細察看曹家路參面臨虜獨正西一線可達諸營路供謂
從西北進口應向西行轉走曹家路城外豈其復欲赴虜
地耶曹家路正北名黃土牆徧察西北肆恰里至司馬臺
山勢俱陡峻扳躋絕頂外面則壁立如削間有稍低亦俱
鑿斷從何處措足供謂那塊不甚高上邊倒了不多些有
兩叁磴者竟屬烏有矣曹路至牆路盡山路無河多雨之
歲山溝間有少水勢必不能容船且兩路從來無船又萬
耳目所共聞見者伍文東渡不幾說鬼說夢耶大都各邊
路率律參差之狀依稀相似而墩臺強半雙修來太入塞
之後東西莫辨信口亂招然而里路之通塞河船之有無
則固昭昭不容掩者徧察別協路何處有河何處之河有

船再相險夷通塞地勢何處與來太之口詞相符進口路徑不辨自明矣緣蒙行察擬合呈詳等因到臣案察本年陸月貳拾日准兵部咨爲捉獲姦細真夷事該山水撫臣楊嗣昌題前事內稱崇禎伍年陸月拾壹日據永平道左叅政王疑祚呈稱永平府知府雷一鳳呈據遼安縣知縣任明道申據本縣蘆溝鋪居民馬思讓等捉獲姦細夷人阿來太繇曹家寨進口緣繇呈解到道該本道令通官潘允中當堂譯審得阿來太吐稱頭目石梁免差往建昌一帶探路給銀玖錢伍月貳拾肆日晚繇牆子嶺暗行爬越進境經過三屯行至遷安蘆溝鋪地方當被捉獲等語在案連人呈解到臣該臣親審來夷稱東達子來收西達子將本夷頭目有馬叁拾餘匹亦被騎去及差本夷從曹家寨進口看路是實臣疑以爲曹牆貳路去遷安陸米百里此夷若從彼來何處宿食曾無一人詰之耶恐是附近遷安

建昌太平等路薦入耳且其頭目的名口外來路俱涉恍惚當發關內道再加譯審去後據該道叅議陳瑾呈稱審得夷人阿來太原係西達子煖免夷子舍蘭免下夷丁也嘗在喜峯馬蘭貳處喫賞曾隨進

貢京城熟知內地事情本年肆月貳拾日有東夷前後差叁肆拾人騎馬來收他家頭兒云米捌月內兵馬決繇薊鎮入口犯搶

中國要他頭兒隨行入犯是以舍蘭免於伍月初間差夷丁拾名將銀貳兩錢玖百與阿來太送至曹家寨各取記號回去令太入口內打探

中國兵馬多少約定回話與他頭腦做來太自本家地名劉坊牌走了壹日壹夜約貳百里方至曹家寨自曹家寨至牆子嶺復至平谷縣繇平谷山路行至薊州在薊州西關買大帽壹頂青褂子壹件穿戴打扮作食糧家丁所以人

不認識繇荊州走至三屯用錢肆拾文雇驢至建昌因而
走至遷安離城貳拾里喫食被莊田人捉獲此其口供而
譯審之最真者等因看得阿來太言口外零夷奴皆收用
約米捌月犯槍

天朝問其要槍何方則以建昌爲首斯其本計成謀較回鄉竊
聽之語倍爲真確乃曹家寨取回記號盼望此夷回話於
彼臣

請畱其活口押至曹路地方限令抓尋蹤跡果有確憑然後梟
懸彼地使知姦細事發我備森嚴或稍足以寢其謀而路
屬西協請

勅督臣詳審施行等因崇禎伍年陸月拾捌日奉

聖旨邊隘詰姦必備屢旨申嚴如何夷謀入口徧歷內地通無
譏察這本內經過地方著該督撫詳察各該管員役根究懲
處其曹路記號等情卽行尋驗據供逆奴窺犯狡謀著各邊

加意偵禦援兵調行已有旨了這姦細情形前監視疏內府縣未有詳供是何說該部知道欽此欽遵到部合咨前去煩焘明旨內事理卽嚴察姦謀入口偏歷內地何故毫無譏察其夷謀所過地方詳察該管員役根究懲處其曹路記號等情卽選差的當員役隨蹤閱驗仍飭各該將領彈力偵禦等因到臣隨該臣備行荊州道臣王建侯三屯鎮臣王維城平谷縣知縣馬獻圖遵炤

明旨內事理嚴察姦謀偏歷內地從該管地方經過何故毫無譏察速察巡捕員役根究呈解以憑懲處復咨行山永撫臣楊嗣昌并牌行永平道臣王凝祚關內道臣陳瑾將姦細阿來太差役押解前來以便選差的當員役同原夷尋驗曹路記號地方并認入口處所以憑根究該管疎縱員役懲處并飭各該將領彈力偵禦去後據平谷縣知縣馬獻圖申稱蒙臣憲牌前事內開察得逆奴散布姦細往往

遣畱髮漢人或難稽詰今舍蘭免差阿來太乃真正夷人
俚語辮髮可望而知者乃經繇該縣地方而巡緝人役竟
無覺察疎縱極矣卽察姦細夷人阿來太自該縣地方經
過俚語辮髮何以毫無稽詰速將捕巡員役究解等因蒙
此隨該卑職拘集一千捕巡員役到官研審均稟姦細攀
崖入口繇山路僻徑潛蹤一入城市辮髮易識誠如憲檄
謂可望而知者且前歲虜警破膽或不肯容隱何意夷人
阿來太經繇縣境毫無警覺失於稽察之罪誠無所逃謹
遵憲檄將縣衛巡捕典史趙厚重百戶白其心并捕役參
名張問強羅一朋于尚奇擬合連人申解等因該臣批仰
密雲道速將姦細夷人阿來太差的當官員提解嚴審蹤
跡并經繇處所疎縱員役總察確報去後又據薊州道王
建侯呈稱蒙臣憲牌仰道卽察姦細夷人阿來太從薊州
地方經過何故毫無譏察速察捕巡員役根究呈解以憑

懲處等因行間同日又蒙順天巡撫傅宗龍憲牌前事仰
道遵奉

明旨內事理轉行薊州嚴察夷謀阿來太在薊州西關買大帽
壹頂青褂子壹件穿戴打扮家丁繇薊州走至三屯該州
巡捕員役何故漫無稽察逐一根究察確報院懲處仍嚴
飭各將領殫力偵禦務保萬全等因蒙此遵卽移會鎮協
衙門轉行營將領萬分隄備仍行薊州將州衛巡捕察明
該管地方速行提解去後今據薊州知州黃應祥申稱遵
卽行文巡捕吏目劉餘慶備察去後今據本官呈稱卽傳
集西關鄉約保正并開店歇家及鋪戶人等逐一細察據
稱本州團練營亦有夷丁買帽買衣安能分辨除取具甘
結在卷自後但係交易令其盤詰明白不使仍前疎虞外
卷察西關原係鎮朔衛地方巡捕陳邦俊鎮撫劉洪佩已
蒙三屯鎮王維城行令守備王元化呈解軍門審理地有

分管責有攸歸實與卑職無干伏乞轉達超豁等情到州
據此該本州知州黃應祥爲炤邊方告警盤詰宜嚴俚語
辮髮之夷人如阿來太者最易認識而令其公然交易過
而不問尚可謂嚴謹乎但察本州團練營內亦有夷丁今
阿來太雖係辮髮然狡虜窺關必行裝扮彼貿易者或謂
其團練之夷丁而不察也遵蒙行察除移會團練營將官
胡日謙將在營夷丁衣帽縫貼忠順字樣以憑認識自後
凡係各行交易諭其詳加盤詰與城門歇店寺廟庵堂一
體嚴爲覺察不致少有疎虞也州衛巡捕各有責成西關
向係鎮朔衛分巡其該衛巡捕陳邦俊鎮撫劉洪佩已經
鎮守衙門提解總督去訖今據本州吏目劉餘慶察覆前
來則州捕自有分巡衛捕之疎虞似無辭也州捕相應免
解合無申請憲裁等因到道據此爲炤阿來太以真正夷
人經過薊州且在西關買衣買帽而曾無覺察雖云團練

營亦有夷丁一時不能辨識而巡緝不嚴伊誰責乎捕官之罪卽百喙何辭第察州衛各有應巡信地西關原係鎮朔衛分巡今衛捕陳邦俊鎮撫劉洪佩業經總鎮衙門呈解本部院究處則薊州巡捕劉餘慶或念分巡各有專責量從免解似不爲縱等因臣隨批開姦細經過州城不能盤緝似難盡諉之該衛也薊州巡捕劉餘慶該道徑行戒飭繳等因陸月貳拾捌日據關內道臣陳瑾永平道臣王疑祚各呈稱蒙臣憲牌遵將夷人阿來太差役押解到臣隨該臣批發密雲道臣馮師孔將姦謀阿來太細加譯審進入邊口經過道路城郭村店蹤跡并原使令情繇入犯狡謀仍遵

旨押令尋驗逐一真確以憑具題等因去後今據該道呈詳前因到臣該臣看得夷人阿來太原係中協先年喫賞屬夷先年曾隨進

貢入京稔知

中國路徑輒敢深入內地探我情形其爲姦細鑿鑿無疑矣
臣於西協肆路不時力疾巡閱復經監視內臣及贊臣道
臣屢次閱邊若有將領弛備夷謀潛窺恨不立時根究明
白盡法懲處以爲疎玩者戒但須按所從入乃可就信地
申軍法據永平道之詳則供牆子路進境據關內道之詳
則供曹家路入口是就擒之日所供已游移不定據密雲
道詳歷歷指其亂招供詞尤覺可異曹路之西北黃土牆
以至司馬臺皆崇巖如削無可扳援而供謂有兩叁磴可
躋之而上曹路至牆路悉崎嶇山道并無大河素鮮船隻
而供謂用伍文錢渡船而東供吐與地形相反止曰兩臺
相夾何路不然按其初供頭目石梁免差往建昌一帶探
路夫建昌居薊之東曹路居薊之西欲探東路消息豈越
數百里而繇西路以進且歷牆路歷平谷歷薊州石門三

此遵化所閱非一地通衢大道非無人之境辮髮番語豈無一人覺察直待極東之遷安極朴實之莊夫始相遇而詰獲耶總之醜虜不通漢語僅聽通事之口問官了無所憑關內道鞠訊時腿已夾壞用荆筐載之而來臣親令通官反復譯審復批密雲道臣馮師孔再審委的當官員押往尋看道臣委石塘路中軍徐成輔押往未至曹路纔抵西北吉家營東西莫辨信手亂指來太指往司馬臺之點點空臺曰是也及監視往視之似未必是者臣立提徐成輔押來太前來臣親押之尋看譯審而來太已不能語矣徐成輔旋報來太身故矣委令石匣營都司施承元驗看果故矣來太雖故以前所招口語在案難更臣復親至點點臺登山而上果山勢陡峻臂立如削實難跳越有未可懸坐者以關內道之詳曹家路信地則路將鍾鳴高以來太之尋看所指點點空臺信地則司馬臺提調潘洪業道

臣詳稱察協路之中近邊之處何處有河何處之河有船何處地形有邊牆兩叁磴可躋之而上與來太之口詞相符庶進口路徑不辨自明亦謂路徑真確以定信地將領之罪乃足服其心而曹家路點點空臺路徑實無相類非敢爲貳弁寬也阿來太已服

天刑仍應戮屍懸首高杆爲姦夷擅入之警等因會蒙到臣該臣看得阿來太以真夷闖入內地其爲姦細無疑第作語喃喃譯審憑通事之口方其未死之日已不能確指其從入之途矣所入之途不確則路將與提調之罪自難懸加督臣之議寬鍾鳴高潘洪業誠不爲從若薊州平谷之文武巡捕官劉餘慶趙厚重陳邦俊劉洪佩白其心等已經提戒聊以示警將來若就此案論之則亦難以重坐似應竝開一面之網者也臣謹會同薊遼總督曹文衡合詞具題伏乞

皇上勅部轉行按關諸臣覆覈施行等因崇禎伍年拾月拾玖

日奉

聖旨該部看議具覆欽此又該薊遼總督今冠帶間住候代曹文衡題同前事等因崇禎伍年拾月貳拾壹日奉

聖旨已有旨了該部知道欽此欽遵各鈔出到部送司案呈到部看得阿來太原係中協喫實屬夷則竄入作姦必繇熟徑而獲之遷安正所屬近地也辯髮胡語內地途人能辨豈能越數百里而取道於西協乃遡所從入旣云曹路又云牆嶺游移不一明是通事卸責之言耳今此夷已在鬼錄難再起而問之督監業親驗地形無據何以懸坐惟量懲捕官嚴其後來闌入之路足矣各將領似難苛求也旣經奉

旨看議相應覆

請伏乞

勅下遵奉施行

崇禎伍年拾貳月貳拾柒日

陸年正月拾貳日奉

聖旨姦謀偏歷內地該管官全無譏防乃究質未明卽令速斃
滅口押解員役顯有徇囑情弊徐成輔等著該督按究問擬
罪具奏

吏部尚書臣李長庚等謹

題爲缺官事文選清吏司案呈炤得廣西思恩軍民府知府
董則喻陞任員缺合當推補案呈到部炤例推舉得南京
刑部雲南清吏司署郎中事員外郎顧應暘年肆拾伍歲
直隸寧州府無錫縣人舉人萬曆肆拾陸年拾月除直隸
安慶府桐城縣儒學教諭天啓叁年肆月陞國子監學錄
伍年拾月陞南京禮部司務崇禎貳年拾月陞南京刑部
廣東司署員外郎事司務叁年叁月陞本部雲南司署郎
中事司務肆年叁月奉

詔實授員外郎堪以陞任擬將本官陞補廣西思恩軍民府知
府恭候

命下本部給憑行令到任管事

崇禎陸年正月初拾日

聖旨是

拾叁日奉

吏部尚書臣李長庚等謹

題爲縣令一時乏人要害亟宜酌補以佐蕩平以固重地事
文選清吏司案呈崇禎伍年拾貳月貳拾貳日奉本部送
吏科鈔出巡按山西監察御史李嵩題前事內稱臣按晉
以來卽值流寇披猖平水一帶延及太行攻城掠鄉殺人
放火是時督臣尚未入晉舊撫臣尚和平陽臣卽叱馭而
東名爲考察實則督兵然畢竟軍旅未聞謀猷罔效僅僅
催兵督餉恤死賑窮幸保潞澤諸城無虞耳嗣是督臣至矣
新撫臣亦繼至矣兵力漸集而賊勢尚熾隰州石樓之後
臨縣又在見告三晉幅員不廣壹省僅肆郡已存在殘破
腥風虐焰遍地彌天今幸督臣在澤州撫臣在汾州監視
在平陽相機策應臣亦促之各處進剿矣然而選將治兵
屬督撫事察吏安民則臣之職也晉自遭兵火不時征調
其受害之地民苦於賊其未受害之地民又苦於兵哀此予

遺所不盡化而爲孳者惟一二賢有司是賴且也行保甲之外欲其練鄉兵買戰馬之外責其備糧糗往時缺開或署印或兼攝無所不可今值多事兼攝不得署印者又率以五日京兆自諉吏治日弛民生焉賴今以邑令言之則徐溝壹年未補矣而榆次陽曲相繼以丁艱報矣省會要地時值軍興千頭百緒不可一日無人以理之也若侯部除未必猝至萬一有事責備何人無已則有就近陞調之一法酌其地之最急人之相宜者臣已行牌司道察議矣拾數日尚不見報依循文移舊套勢必耽延是臣以格套誤地方也臣今謹會之督撫商之司道議之府廳採之輿論得數人焉其一爲介休縣知縣李雲鴻識洞糾紛才周盤錯精心興革獨任大力勞怨不辭擬調陽曲其一爲芮城縣知縣任濬抵掌經綸千丈許身冰玉一莖義以仁宣威從廉懋擬調榆次其一爲定襄縣知縣曹鍾慶粹品星澄

碧落雋才籟發青蘋塵淨槐簾澤周郊塢擬調徐溝其一
爲沁源縣知縣范廷輔冒懸秦鏡掌淬吳鉤恩流萬井春
融政清一庭冰湛擬調補芮城其一爲寧鄉縣知縣張聖
諭潔守長才真心實政威足震攝姦頑仁可生甦疲累擬
調補介休若寧鄉困敝之色又不可以無才之人治也察
得都司斷事王用貢攝篆河忻興交之間飽歷風霜才以
百鍊而益精守則一介之不苟用以陞補寧鄉庶乎有克
濟耳以上諸臣或俸有淺深或資有輕重總之其守其才
皆可用之於要地收效於異日者先是晉按臣王相說羅
世錦相續未能復

命有未得正薦者而臣實知其賢亦未敢以此拘才士也是舉
也臣矢日矢天其難其慎不敢一毫存邊見不敢一毫有
私心務期爲地擇人不暇爲人擇地相率諸臣共殫心力
練兵措餉制器守城共佐督撫之卽戎亦以少效以人之

義此則臣之大願也夫靖虜必須頗收靖盜只需龔黃臣
卽不敢謂諸臣盡龔黃而廉能有聲信救時之藥石也若
諸臣中以獨賢怨臣亦何卹焉臣謹會同總督宣大山西
軍務兵部右侍郎張宗衡巡撫山西右僉都御史許鼎臣
合詞上

請伏乞

皇上

勅下該部再加察訪如果臣言不謬將李雲鴻等陞調縣令臣
卽令刻期受事等因伍年拾貳月貳拾壹日奉

聖旨該部知道欽此又於崇禎伍年拾貳月貳拾玖日奉本部
送吏科鈔出提督鴈門等關兼巡撫山西地方都察院右
僉都御史許鼎臣題同前事等因伍年拾貳月貳拾捌日
奉

聖旨該部知道欽此欽遵各鈔出到部送司察得徐溝缺知縣

先該臣部於崇禎伍年拾壹月內將李俊銓補已經給憑赴任其定襄縣知縣曹鍾慶不必議調徐溝所有介休縣知縣李雲鴻調陽曲卽以寧鄉縣知縣張聖諭調補介休芮城縣知縣任濟調榆次卽以沁源縣知縣范廷輔調補芮城其寧鄉縣員缺以都司斷事王用貢改補及察斷事係正陸品官階王用貢係恩貢應加通判職銜管寧鄉縣事庶品級不致混淆及察任濟張聖諭原各降職壹級合炤舊降級各調管事案呈到部既經該撫按具題該司察呈前來相應題

請合無將李雲鴻調山西太原府陽曲縣知縣任濟仍降壹級調太原府榆次縣知縣范廷輔調平陽府解州芮城縣知縣張聖諭仍降壹級調汾州府介休縣知縣王用貢加汾州府通判職銜管永寧州寧鄉縣知縣事恭候

命下臣部給憑行令各到任管事遺下員缺另行銓補

崇禎陸年正月初拾日

拾叁日奉

聖旨是

監視大同糧餉兵馬邊牆撫賞等事太監臣劉文忠謹

題爲察報大同鎮收放過主客官軍廩糧料草銀兩等項數

目事臣仰遵

勅旨今將崇禎伍年拾貳月分赴臣衙門掛過號餉司收過主客兵銀陸萬肆百兩肆錢貳分玖釐肆毫陸絲陸忽肆微并放過鎮城各營路城堡崇禎叁年等年拾月等月主客官軍廩糧馬羸駝料草布花通共折色銀壹拾叁萬叁拾貳兩壹分陸釐捌毫肆絲玖忽及陸續報到本年拾壹月拾貳月兩月分逃軍倒馬召補新軍買補馬匹各數目造冊貳本恭進

御覽

崇禎陸年正月初陸日

拾叁日奉

聖旨知道了該部知道

兵部尚書臣張鳳翼等謹

題爲島餉事職方清吏司案呈奉本部送准山東巡撫朱大典咨稱崇禎陸年正月初叁日准戶部咨前事內稱據東江差官沈璽稟討島餉數目緣繇案察拾月內山東巡撫朱大典題爲畱餉原請其全疏內島餉捌月未支共該銀玖萬柒千餘兩已奉

欽依著東撫酌給拾貳月內據山東布政司呈報濟南府解銀叁萬兩東昌府解銀貳萬伍千兩青州府解銀伍萬兩徑解軍前以充島餉及各援兵行月餉之用又聞島帥黃龍不肯受餉徑自領兵鼓棹而去今據沈璽所呈似又未發不免參差總之多寡給發在東撫斟酌於原數之中本部難以遙度合行移文東撫速行酌給仍移咨兵部知會呈堂奉批島餉措發悉聽東撫便宜從事卽移咨知會等因准此案照崇禎伍年拾貳月拾伍日准鎮守登鎮東江總

兵官都督僉事黃龍手本爲速請軍需以濟急用事會稱
先於本月初貳日准本院手本內開先措發銀叁千兩未
收今又措餉貳萬在登候領又察三山島米壹船計玖百
玖拾石於拾月初捌日會送暫應急需等因到鎮准此看
得貯餉候領則本院鼓勵之雅誼尤殷殷切矣今差都司
項祚臨中軍守備高國忠等齎文前去領出餉銀運送分
給亦可少濟但事係

國計民膏波濤是慮而且資盜可虞更祈嚴飭各差弁多撥
船兵護送寧緩毋速寧遲毋錯庶海外官兵並得餘波之
潤矣等因到院准此支發餉銀間隨據登城內被虜原任
江東將官龔正祥等稟稱賊聞黃總兵差船伍隻有文來
灣子口領餉衆賊議差船截餉昨拾肆日望見有船肆隻
收進灣子口叛云必是旅順領餉船隻已差僞將皮達子
李尚友帶船拾隻候風徑往皇城截餉務要嚴謹等情東

江領餉各官聞之不敢領運本院同監視再四商確該鎮有寧緩毋速寧遲毋錯之語只得聽各官返棹東回多撥兵船再來領運祇緣寇黨窺伺計在邀截不敢輕給資盜故寧儲餉以待非本院遲緩吝惜也今准前因合行咨報等因到部送司案呈到部看得孔叛負固日久食盡計窮加以內變方作人懷叵測唯有遯海一著而已如其果遯必先趨旅順思併黃龍之衆而據其地以爲窠穴然後北走胡南走淮無不可者海外之人豈盡忠義成性黃龍儒擁空名平居猶不能自保此際何能必島衆之不從叛所恃以固結人心者獨有糧餉時給人懷樂生之心庶可責以效死之義今據戶咨島上無糧已捌月展轉延遲又數閱月矣島衆不知措發之艱但以

朝廷不信遼人爲恐其心已先離沉朽腹而望以死綏又世間必無之事乎目下春和凍解順逆安危機懸呼吸在黃龍

則望東撫以撥兵護送在東撫又望黃龍以帶兵領運彼此延挨恐糧未及運而島事先不可知矣臣部念及爲之食不下咽還宜

勅下東撫迅速措發若島兵未至不妨多撥船兵護送俾島衆及時沾給人自爲戰庶蠢茲叛逆進無所據退無所援卽竊遯當不難立盡矣抑臣部猶有說焉海外孤懸其望餉倍急計部豈不拳拳加意但風濤阻隔或發而未必應期或運而未必皆至一有參差往還動經半年故在內日見其多在外日見其少呼籲旣頻頭緒轉覺難清茲新運已屆陸年分應給本折糧餉當蚤爲措發其伍年分額餉已發若干未發若干應加一番清覈凡已經運發者須取有實收存炤方可作正開銷斯不致飽蠹漁之腹而島衆亦不爲望梅止渴也竝乞

勅下戶部察議施行

崇禎陸年正月拾叁日

拾肆日奉

聖旨島餉已有旨了著速行酌濟以安衆心仍鼓勵奮氣協殲
逆黨其五六年分應給本折措發清覈事宜戶部看議具奏

兵部尚書臣張鳳翼等謹

題爲哨探夷情事職方清吏司案呈奉本部送准遼東巡撫方一藻塘報本月初玖日巳時准前鋒鎮祖大壽塘報本月初捌日酉時分據東協副將祖大樂塘報本月初捌日辰時分准招練營遊擊祖澤遠手本會稱正月初壹日摘差千總錢有祿帶領夷漢兵丁張玘等捌員名擄騎馬拾貳匹隨帶炒米從大勝堡出境哨探去訖業經塘報外今於本月初捌日丑時分據本官回營報稱祿等於初伍日酉時探至邊外地名蓮花山一帶俱有達賊結聯處處放火錢有祿卽繇原路進境等情飛報到職除一面會報外當差把總孫萬銀帶領夷漢兵丁白痛等捌員名擄騎馬拾貳匹復從原路出境務探確形另文會報等情到鎮據此案炤先據前鋒右營哨報駱駝山等處俱有達賊正與此報相同其謀犯之情似真除一面嚴整以待一面多發

知

哨騎偵其所向情形另行馳報外今據前情理合塘報等因到院准此該本院看得招練哨丁所報與前鋒右營塘報相同賊騎結聯各山處處放大謀犯已有確情除嚴檄將領加謹隄備併遠哨詳偵確探趨向馳報外合行塘報等因到部送司案呈到部看得賊夷西犯前監視與該撫據前鋒右營報中原有駱駝蓮花等山一帶俱有達賊行走放火等情今招練哨丁錢有祿等哨至蓮花山所報與前鋒報相符其結聯謀犯之情確矣薊密昌宣等處已經星夜嚴飭此時枕戈以待真不容一刻弛者也既經塘報前來理合具本題

崇禎陸年正月拾叁日

拾肆日奉

聖旨賊奴謀犯歷報情形似真該撫鎮各官俱著恪遵屢旨勵
兵嚴防乘機勦擊仍遠哨密偵不時馳奏爾部再速通飭

兵部尚書臣張鳳翼等謹

題爲恭

請嚴限邊臣趁時力圖戰守實著事職方清吏司案呈崇禎伍年拾月貳拾伍日奉本部送兵科鈔出監視薊鎮東協御馬監太監張國元題前事內稱卷察崇禎伍年肆月貳拾日准兵部手本職方清吏司案呈前事本年肆月拾肆日本部尚書熊明遇等具題拾陸日奉

聖旨朝廷以恢疆勦虜倚任邊臣一應戎務軍需有請輒應正當殫心料理時刻圖爲期有成效可紀據奏各鎮簡練未實備具猶疎卽樣兵一節原議甚明尚多飾應督撫各官幹辦何在如此玩誤責將安歸姑依議令勒限力圖務各整銳裕儲悉圉繕器俱於柒月終報完著監視關按一一察明據實具奏若再有泄違定論治不貸薊遼宣大等處爾部通一體嚴飭欽此本年柒月拾玖日該臣具題前事本月貳拾伍日

奉

聖旨該部詳議具覆欽此本年玖月初伍日准兵部手本職方清吏司案呈本年捌月拾玖日該本部署部事左侍郎楊一鵬等覆題前事本月貳拾捌日奉

聖旨這邊牆繕葺先擇緊急兵丁精嘗酌爲二八依議嚴飭務期實効不得徒以空言塞責還著張國元不時察覈具奏欽此欽遵等因到臣該臣遵行在卷臣隨牌行各營悉行挑選定爲貳捌之數至於祖軍老弱強半撫臣謂精嘗之數不能視新制營伍則肆陸之分仍依部額至玖月貳拾陸日臣乃躬行驗閱自石門路起至建昌路止逐處逐事一察驗如衣甲之有無器械之全否馬匹之肥瘠訓練之精疎將領之誠僞無不親自觀之謹指其大槩臚列上聞計開一石門路叅將趙官下經制官軍壹千貳百叁拾玖員名見在官軍壹千貳百貳拾玖員名內缺軍拾名經制馬

贏捌百貳拾柒匹頭見在馬贏柒百捌拾捌匹頭內缺馬
贏叁拾玖匹頭恭將中軍千把總等官伍員精兵柒百名
鐵盔甲捌百頂副掌兵伍百貳拾肆名一黃土嶺守備陳
祥下經制南北官軍兵壹千玖拾肆員名見在南北官軍
兵壹千肆拾伍員名內缺軍肆拾玖名內除守臺南兵千
把總官陸員南兵叁百柒拾伍名見在北官軍丁陸百陸
拾肆員名內除守備等官陸員臺正副壹百貳拾玖名烽
軍壹百貳拾名砲正撥軍尖夜共壹百壹拾名不算精嘗
外見在精兵健丁壹百陸拾名嘗兵壹百叁拾玖名經制
馬贏壹百捌拾陸匹頭見在馬贏壹百伍拾伍匹頭內缺
馬贏叁拾壹匹頭一精兵馬捌拾陸匹一撥軍馬貳拾匹
一守備自備馬貳匹一坐營守堡尖夜等官馬肆拾貳匹
贏伍頭鐵盔甲壹百貳拾頂副一大毛山提調王天寵下
經制南北官軍兵壹千壹百陸拾伍員名見在南北官軍

兵壹千壹百壹拾貳員名內缺軍伍拾叁名內除守臺南
兵千把總陸員南兵肆百叁拾柒名見在北官軍丁陸百
陸拾玖員名內除提調等官柒員臺正副壹百伍拾貳名
烽軍玖拾名墩頭拾捌名砲正撥軍尖夜壹百壹拾肆名
不算精嘗外見在精兵健丁壹百陸拾名嘗兵壹百貳拾
捌名經制馬羸壹百捌拾陸匹頭見在馬羸壹百陸拾叁
匹頭內缺馬羸貳拾叁匹頭壹精兵馬捌拾玖匹壹提調
下馬貳匹壹守堡等官馬肆拾陸匹羸陸頭壹撥軍馬貳
拾匹盛甲貳百貳拾玖項副壹義院口守備駱子秀下經
制官軍兵壹千柒百肆拾柒員名見在南北官軍兵壹千
柒百叁拾玖員名內缺軍兵捌名內除守臺南兵千把總
柒員南兵柒百肆拾玖名見在北官軍玖百捌拾叁員名
內除守備等官陸員臺正副貳百伍拾貳名烽軍壹百玖
拾伍名墩頭叁拾玖名砲正撥軍尖夜共壹百柒拾壹名

不算精膏外見在精兵壹百捌拾名膏兵壹百肆拾名經制馬贏貳百叁拾柒匹頭見在馬贏壹百柒拾壹匹頭內缺馬贏陸拾陸匹頭壹精兵馬捌拾陸匹壹守備下馬貳匹壹撥軍馬伍拾匹壹坐營等官下馬貳拾柒匹贏陸頭鐵盔甲壹百玖拾叁頂副壹一片石營遊擊丁應科下經制官兵壹千伍百員名見在官兵壹千肆百陸拾壹員名內缺兵叁拾玖名經制馬贏叁拾匹頭牛拾隻見在馬拾貳匹牛拾隻內缺馬贏捌匹頭遊擊中軍等官陸員精兵壹千壹百陸拾肆名膏兵貳百玖拾壹名鐵盔甲肆百陸拾叁頂副棉盔伍頂棉甲壹拾叁副壹黃土嶺營遊擊姚汝科下經制官兵壹千伍百員名見在官兵壹千叁百捌拾柒員名內缺兵壹百壹拾叁名經制馬贏叁拾匹頭牛拾隻見在馬拾貳匹牛拾隻內缺馬贏捌匹頭遊擊中軍等官伍員精兵壹千壹百零陸名膏兵貳百柒拾陸

名鐵盔甲壹百頂副棉盔甲壹百肆拾捌頂副壹城子峪
營遊擊王定一下經制官兵壹千伍百員名見在官兵壹
千肆百貳拾柒員名內缺兵柒拾叁名經制馬羸叁拾匹
頭牛拾隻見在馬柒匹牛拾隻內缺馬羸貳拾叁匹頭遊
擊中軍等官陸員精兵壹千壹百叁拾柒名膏兵貳百捌
拾肆名鐵盔甲壹百頂副壹義院口營叅將饒勳下經制
官兵貳千員名見在官兵壹千玖百玖拾玖員名內缺兵
壹名見在自備馬肆拾柒匹叅將中軍等官捌員精兵壹
千伍百玖拾叁名膏兵叁百玖拾捌名棉盔壹千柒拾貳
頂棉甲壹千壹百壹拾陸件壹東協副總兵張時傑下經
制官軍丁貳千玖百柒拾肆員名見在官軍丁貳千捌百
捌拾叁員名內缺軍兵玖拾壹名經制馬羸伍百叁拾伍
匹頭見在馬羸捌百柒拾伍匹頭內有太僕寺發馬叁百
肆拾匹副總兵中軍千把總等官拾貳員精兵壹千捌百

貳拾名嘗兵壹千陸拾玖名鐵盔甲肆百肆拾貳頂副棉
甲貳千肆百貳拾陸副壹建昌路叅將劉芳聲下經制官
軍丁壹千玖百柒拾貳員名見在官軍丁壹千玖百貳拾
肆員名內缺軍肆拾捌名經制馬羸壹百玖拾貳匹頭見
在馬羸壹百柒拾壹匹頭內缺馬羸貳拾壹匹頭叅將中
軍等官玖員精兵壹千壹百柒拾陸名嘗兵柒百叁拾玖
名鐵盔甲壹百貳拾柒頂副棉甲壹千肆拾玖副壹桃林
口守備李効祖下經制南北官軍兵壹千伍百伍拾貳員
名見在南北官軍兵壹千伍百壹拾捌員名內缺軍兵叁
拾肆名內除守臺南兵千把總陸員南兵肆百玖拾捌名
見在北官軍丁壹千壹拾肆員名又除守備等官柒員臺
正副陸拾陸名烽軍壹百零叁名砲正尖夜共壹百肆拾
壹名不算精嘗外見在精兵肆百壹拾柒名嘗兵貳百捌
拾名經制馬羸壹百陸拾陸匹頭見在馬羸壹百貳拾貳

匹頭內缺馬羸肆拾肆匹頭鐵盔伍拾頂鐵甲壹百副壹
冷口守備賈禎下經制南北官軍兵壹千貳百玖拾壹員
名見在南北官軍兵壹千貳百柒拾壹員名內缺軍兵貳
拾名內除守臺南兵千把總伍員南兵陸百壹拾玖名見
在北官軍丁陸百肆拾柒員名又除守備等官參員臺正
副貳百零叁名烽軍壹百零肆名砲正尖夜共玖拾捌名
不算精嘗外見在精兵壹百肆拾肆名嘗兵玖拾伍名經
制馬伍拾玖匹見在馬肆拾肆匹內缺馬拾伍匹壹燕河
路叅將趙應元下經制官軍丁壹千捌百伍拾肆員名見
在官軍丁壹千貳百柒拾壹員名內缺軍丁伍百捌拾叁
名經制馬羸駝肆百叁拾柒匹頭見在馬羸駝叁百伍拾
陸匹頭隻內缺馬羸駝捌拾壹匹頭隻叅將中軍等官捌
員精兵柒百名嘗兵伍百陸拾叁名鐵盔甲叁百頂副壹
界嶺口守備田祿下經制南北官軍丁壹千柒百玖拾柒

員名見在南北官軍丁壹千柒百叁拾玖員名內缺軍丁
伍拾捌名內除守臺南兵千把總捌員南兵陸百伍拾柒
名見在北官軍丁壹千柒拾肆員名又除守備等官捌員
臺正副壹百伍拾貳名烽軍壹百伍拾陸名砲正撥軍尖
夜共壹百伍拾伍名不算精膏外見在精兵叁百陸拾貳
名膏兵貳百肆拾壹名經制馬壹百肆拾匹見在馬壹百
壹拾捌匹內缺馬貳拾貳匹鐵盔壹百玖拾壹頂棉甲壹
百玖拾壹副一青山口提調劉仲金下經制南北官軍丁
捌百捌拾肆員名見在南北官軍丁柒百貳拾伍員名內
缺軍丁壹百伍拾玖名內除守臺南兵千把總叁員南兵
壹百柒拾陸名見在北官軍丁伍百肆拾陸員名又除提
調等官伍員臺正副壹百叁名烽軍捌拾叁名砲正撥軍
尖夜共壹百零柒名不算精膏外見在精兵壹百肆拾玖
名膏兵玖拾玖名經制馬捌拾叁匹見在馬柒拾捌匹內

缺馬伍匹一永鎮中協營副總兵俞冲霄經制官兵壹千伍百員名見在官兵壹千肆百陸拾員名內缺兵肆拾名經制馬壹百貳拾匹牛拾隻見在馬壹百叁拾陸匹內自備馬拾陸匹牛拾隻副總兵中軍等官米員精兵壹千壹百伍拾叁名嘗兵貳百玖拾陸名鐵盔甲壹百玖拾肆頂副一永左營經制官兵壹千伍百員名見在官兵壹千貳百肆拾捌員名內缺兵貳百伍拾貳名經制馬叁拾匹牛拾隻見在馬叁拾匹牛拾隻叅將缺中軍等官肆員精兵玖百肆拾捌名嘗兵貳百玖拾陸名鐵盔甲米拾頂副棉盔甲肆百頂副一永右營遊擊冷允登下經制官兵壹千伍百員名見在官兵壹千肆百壹拾玖員名內缺兵捌拾壹名經制馬叁拾匹牛拾隻見在馬拾捌匹牛拾隻內缺馬拾貳匹遊擊中軍等官米員精兵壹千壹百陸拾肆名嘗兵貳百肆拾捌名鐵盔甲貳百零叁頂副棉盔甲壹百貳拾米頂

副一永鎮標騎營都司蘭德下經制官兵壹千肆百員名
見在官兵壹千叁百玖拾員名內缺兵拾名經制馬壹千
肆百匹見在馬貳百陸拾貳匹內缺馬壹千壹百叁拾捌
匹都司等官肆員兵壹千叁百捌拾名鐵盔甲壹千頂副
一建冷中協營總兵官許成名下經制官兵叁千員名見
在官兵貳千捌百肆拾壹員名內缺兵壹百伍拾玖名經
制馬羸陸拾匹頭牛拾隻見在馬羸肆拾陸匹頭牛拾隻
內缺馬羸拾肆匹頭總兵坐營等官拾員精兵貳千貳百
柒拾名嘗兵伍百陸拾壹名棉盔甲貳千叁百捌拾壹頂
副一白石營叅將張洪烈下經制官兵貳千員名見在官
兵壹千貳百捌拾捌員名內缺兵柒百壹拾貳名經制馬
叁拾匹牛拾隻見在馬貳拾柒匹牛柒隻內缺馬叁匹牛
叁隻叅將中軍等官陸員精兵壹千貳拾壹名嘗兵貳百
陸拾壹名棉盔甲壹千陸拾貳頂副一河徐營副總兵蔡

裕下經制官兵貳千員名見在官兵壹千玖百玖拾叁員
名內缺兵柒名經制馬叁拾匹牛拾隻見在馬叁拾匹牛
拾隻副總兵中軍等官捌員精兵壹千伍百捌拾陸名嘗
兵叁百玖拾玖名棉盔甲壹千玖百捌拾柒頂副一桃林
營叅將李重鎮下經制官兵壹千伍百員名見在官兵壹
千肆百捌拾肆員名內缺兵拾陸名經制馬贏叁拾匹頭
牛拾隻見在馬贏叁拾柒匹頭牛拾隻內各官自備馬柒
匹叅將中軍等官陸員精兵壹千壹百柒拾捌名嘗兵叁
百名棉盔甲伍百伍拾頂副一燕界中協總兵秦翼明下
坐營都司王之任下經制官兵壹千陸百員名見在官兵
壹千伍百柒拾陸員名內缺兵貳拾肆名經制馬贏捌拾
匹頭牛拾隻見在馬贏捌拾匹頭牛拾隻總兵坐營等官
伍員精兵壹千貳百陸拾捌名嘗兵叁百叁名棉盔甲壹
千伍百柒拾玖頂副一青山營都司陳聯芳下經制官兵

壹千員名見在官兵玖百捌拾壹員名內缺兵拾玖名經制馬羸叁拾匹頭牛拾隻見在馬羸貳拾叁匹頭牛拾隻內缺馬羸柒匹頭都司等官肆員精兵柒百玖拾壹名嘗兵壹百捌拾陸名棉盔甲玖百玖拾陸項副壹箭桿營都司劉京下經制官兵壹千員名見在官兵玖百玖拾員名內缺兵拾名經制馬叁拾匹牛拾隻見在馬叁拾匹牛拾隻都司等官伍員精兵柒百捌拾伍名嘗兵貳百名棉盔甲壹千項副以上主客兵臣點視既周而總其大槩大約東協兵馬比舊歲所閱之時既已改觀其所稱精兵者如主軍肆陸新兵貳捌之數則撫臣楊嗣昌定其規永平道臣王凝祚關內道臣陳瑾宣其力臣又會同貳道臣公同察閱亦既桓桓赳赳足資桿禦在主兵則最精者無如副總兵張時傑練甲霜凝驍騎電掣將和士銳令肅威行信當今之頗牧稍次如趙宦趙應元等客將丁應科等皆鼓

舞有方挑選得法疆場足恃者也兵不齊而訓練無加者
無如劉芳聲雖建昌殘破之餘難同諸路而就中整頓亦
屬疎慢所修邊牆至今未完怠緩之罪何辭宜令戴罪以
圖振刷者也其川黔營如許成名蔡裕等原屬精銳而秦
翼明兵甲仗已具煥然改觀諸將萬里守戍旦夕不遑其
勤勞誠可嘉者也其間盔甲有未完者弓矢有未備者而
火器等項有未全者此在撫臣道臣留心設法自足以濟
軍需伏乞

聖明勅下該部紀錄賞罰以昭

國典以彰

聖明雨露風霜之用庶邊臣有所勸懲而臣亦得鼓勵所屬以
效其犬馬再

勅撫臣道臣盡心設法以備儲胥疆場幸甚臣愚幸甚矣等因
崇禎伍年拾月貳拾叁日奉

聖旨兵部看議具覆本內兵馬缺額數多的著撫道各官作速
招買訓練併器甲等項俱要精銳實堪勦禦不得但取充數
欽此欽遵鈔出到部送司案呈到部看得東協地當首衝
士馬最宜嚴整據察精兵俱各炤數選練其主兵之最精
者如副將張時傑其次如趙官趙應元客將丁應科等皆
能和輯士伍特見維揚川黔營許成名蔡裕及秦翼明等
甲仗精堅不辭久瘁允宜紀錄若劉芳聲當殘破之後益
宜加意綢繆乃訓練築修反多玩泄相應戴罪管事俟後
再課其士馬整頓何如邊工堅完何如另行奏奪可也既
經奉

旨議覆相應覆

請伏乞

勅下將張時傑趙官陳祥王天寵駱子秀丁應科姚汝科王定
一饒勳李效祖賈禎趙應元田祿劉仲金俞冲霄冷允登

蘭德許成名張洪烈蔡裕李重鎮秦翼明王之任陳聯芳
劉京附簿紀錄叅將劉芳聲戴罪管事

崇禎陸年正月初拾日

拾肆日奉

聖旨張時傑等准紀錄劉芳聲姑著戴罪管事如以後訓練修
築仍前泄玩卽著該撫監叅來重處

乾清宮管事兵仗局掌印御馬監太監臣王國治等謹

題爲欽奉

明旨驗試軍需事竣回

奏仰祈

聖鑒事臣等於崇禎陸年正月初叁日奉

旨著臣等驗試盔甲安民兩廠自崇禎伍年拾月起至拾貳月止成造出滅虜大砲馬上叁眼槍盔甲臂手腰刀弓箭捌項軍器臣等謹遵

明旨於初肆日初伍日前詣

萬歲山前驗看得盔甲廠滅虜大砲壹百捌拾位內驗出口偏口內不平壹位口內不平壹位馬上叁眼槍玖百桿內驗出蒙口有紋桿歪壹桿壹筒有雞爪紋壹桿壹筒火候短少致有瘠子壹桿壹筒外皮不平壹桿明鐵碗子盔壹千零捌拾項內驗出重皮盔貳頂雞爪紋盔貳頂火候短少

致有瘠子盛壹頂隨用本廠弓箭貳拾步遠射俱未透襖
徹甲壹千零捌拾副內驗出捌箇葉有綻紋壹副伍箇葉
有綻紋壹副叁箇葉有綻紋壹副俱用本廠弓箭貳拾步
遠射內甲壹副射中拾貳箭柒箭射透壹副射中拾伍箭
壹副射中拾肆箭俱未透臂手壹千零捌拾副內驗出重
皮綻壘肆隻其餘銍磨不明黃銅事件腰刀壹千零捌拾
把內驗出聲啞刀壹把斷刃刀貳把剝了俱未傷刀背有
綻壘壹把剝了有傷火候短少致有瘠子刀壹把剝了未
傷大弰黑漆弓玖百張內驗出欺弓貳張磨損漆水叁張
其餘漆水不堪樺木大箭壹千零貳把箭桿中間木細每
把復抽取壹貳枝射盛甲蹲傷箭伍拾枝戳石箭肆拾枝
內傷刃拾枝驗看得安民廠滅虜大砲壹百貳拾位內驗
出口內不平壹位口不圓壹位馬上叁眼槍陸百桿內驗
出壹箇口扁壹桿靶灣壹桿明鐵碗子盛柒百貳拾頂內

驗出頂有雞爪紋護項葉有綻壹頂盔裏有重皮壹頂隨
用本廠弓箭貳拾步遠射俱未透火候短少致有狍子盔
壹頂箭射透襖徹甲米百貳拾副內驗出壹副甲葉有綻
璽壹箇雞爪紋拾捌箇壹副甲葉有雞爪紋拾貳箇壹副
甲葉有綻璽壹箇雞爪紋玖箇隨用本廠弓箭貳拾步遠
射內甲貳副未透壹副射透射落甲葉貳箇臂手米百貳
拾副內驗出綻璽雞爪紋叁隻黃銅事件腰刀米百貳拾
把內驗出重皮貳把內剝丁靶折壹把刀刃有傷壹把棕
眼肆把內剝丁刀刃有傷叁把未傷壹把有綻紋壹把剝
丁未傷刀背微灣靶歪口不齊重皮壹把剝丁未傷墨漆
弓陸百張內驗出磨損漆水貳張其餘多有漆水未乾樺
木大箭陸百陸拾玖把箭桿中間木細驗看畢每把復抽
取壹貳枝射盔甲蹲傷貳拾肆枝戳石未傷貳拾陸枝傷
刀肆枝已上兩廠神器軍器錢糧驗看畢業經具

奏外臣等於初捌日前往

五軍營教場將前項驗看過兩廠滅虜砲叁眼槍吉時請試
一試放得盛甲廠滅虜大砲壹百捌拾位每轉叁拾位俱
連試叁次每位頭次貳次俱裝藥貳斤逐位空試貳次第叁
次裝藥貳斤用頭號鉛子壹箇重叁斤貳號鉛子貳箇共
重叁斤叁號鉛子叁箇每箇重肆兩伍錢共重拾叁兩伍
錢石子貳箇共重拾肆兩已上鉛子石子共重柒斤拾壹
兩伍錢封口木馬兒壹箇挨轉逐位試放俱各聲音洪亮
大吉內有頭次空放藥拾壹位第叁次安錢糧藥拾壹位
復安藥線點放俱各聲音洪亮大吉所有初肆日

山前驗出口偏口內不平壹位口內不平壹位炮前連試叁
次俱聲音洪亮大吉又試得馬上叁眼槍玖百桿每轉伍
拾桿俱連試叁次每桿頭次貳次每桿每眼裝藥叁錢叁
眼共裝藥玖錢逐桿空試貳次第叁次裝藥玖錢每眼裝

鉛子叁箇每箇重壹錢伍分叁箇共重肆錢伍分叁眼共
用鉛子玖箇共重壹兩叁錢伍分挨轉逐桿試放俱各聲
音洪亮大吉內有頭次貳次藥捻貳拾桿復安藥線炤前
試放俱聲音洪亮大吉并初肆日

山前驗出幪口有紋桿歪壹桿壹箇有雞爪紋壹桿壹箇火
候短少致有癆子壹桿壹箇外皮不平壹桿亦裝藥試放
俱聲音洪亮大吉臣等試放畢復行逐桿細驗內驗出壹
箇火門重皮壹桿壹箇幪口雞爪紋壹桿

安民廠滅虜大砲壹百貳拾位每轉貳拾位俱連試叁次
每位頭次貳次俱裝藥貳斤逐位空試貳次第叁次裝藥
貳斤用頭號鉛子壹箇重叁斤貳號鉛子貳箇共重叁斤
叁號鉛子叁箇每箇重肆兩伍錢共重拾叁兩伍錢石子
貳箇共重拾肆兩已上鉛子石子共重柒斤拾壹兩伍錢
封口木馬兒壹箇挨轉逐位試放俱各聲音洪亮大吉臣

等試放畢逐位細加復驗內驗出大門下綻紋貳道壹位復裝藥試放亦聲音洪亮大吉所有初伍日

山前驗出口內不平壹位口不圓壹位炤前連試叁次俱聲音洪亮大吉又試得馬上叁眼槍陸百桿每轉伍拾桿俱連試叁次每桿頭次貳次每桿每眼裝藥叁錢共裝藥玖錢逐桿空試貳次第叁次每桿裝藥玖錢每眼裝鉛子叁箇每箇重壹錢伍分叁箇共重肆錢伍分叁眼共用鉛子玖箇共重壹兩叁錢伍分挨轉逐桿試放俱各聲音洪亮大吉內頭次貳次藥捻拾壹桿復安藥線炤前試放俱聲音洪亮大吉并初伍日

山前驗出壹箇口匾壹桿靶灣壹桿亦裝藥試放俱聲音洪亮大吉臣等試放畢復行逐桿細驗內驗出壹箇綻璽壹桿壹箇藥催幪口叁桿臣等謹將盛甲安民兩廠大砲伍位叁眼槍拾貳桿恭請

聖覽惟炤軍需重務必須造作精堅方克有濟臣等仰叨
任使厥職匪輕敢不細心察閱以副

聖衷所有盔甲廠滅虜大砲除前驗出口匾口內不平貳位及
叁眼槍重皮雞爪紋幪口貳桿竝試畢復驗出雞爪紋桿
歪外皮不平火候短少等肆桿造不細心驗試如此襍徹
甲除前驗出綻紋叁副仍遮窩漏空不嚴臂手除前重皮
綻璽肆隻多有銍磨不明惟欠工於造作腰刀除前聲啞
斷刃及有璽等伍把多有火候短少大鎗黑漆弓除前欺
弓貳張其餘漆水不堪抑且磨損其皮弦短而線弦細大
箭除戳石傷刃拾枝箭桿中間木細

安民廠滅虜大砲除前驗出口不平不圓貳位外試放復
驗出壹位大門下有綻紋貳道雖經復試大吉足徵造作
粗心而叁眼槍及前驗出口匾靶灣貳桿并試畢復驗出
藥催幪口及綻璽重皮陸桿造作惟欠於工試驗亦致有

此襖徹甲除前驗出綻疊雞爪紋射透者叁副仍遮窩漏
空不嚴腰刀除前重皮棕眼及有紋并剝丁靶折共捌把
多有火候短少大消黑漆弓除前磨損漆水貳張其餘漆
水未乾皮弦短而線弦細大箭除戳石傷刃肆枝箭桿中
間木細該臣等看得前項軍需不待造作之未精抑且器
具之瑕疵徒糜工價無裨於用既經驗出不敢隱諱謹據
實上

聞統候

聖裁

崇禎陸年正月初拾日

拾肆日奉

聖旨這三月軍需等項著實不堪親經御覽尚然如此欺玩可
知盛甲廠監督併掌廠官俱著革了職法司提問擬罪具奏

貼廠官降叁級戴罪管事安民廠稍堪內外官著各降貳級
用匠役嚴懲其驗退器甲等勒限賠補該衙門知道

監視薊鎮東協署理關寧糧餉兵馬邊牆撫賞事務太監臣張國元謹
題爲招接來鄉已充營伍乞 帑

例典轉達

題敘以彰勸典事崇禎伍年拾貳月貳拾玖日准前鋒鎮臣
祖大壽手本前事會開據東協副將祖大樂呈據前鋒等
營副將孟道鄭一麟吳永祿趙國志等揭稱前事竊 道
等職任前鋒身司重地凡諸哨探營務未嘗一刻敢少懈
弛慨自長淩之後日夜拮据繕甲買馬修築製器業經陸
續驗告訖如招來鄉補伍壹事職等仰承憲命遣差官丁
多方招致自去年拾壹月至今回鄉來降各得伍柒百名
不等俱經解驗除職等營補足額數外其餘填發各營然
此輩名名雄壯箇箇膽勇見今置之前鋒即使之用命無
怯矣值此年終正當各官甄別之際况例有招來之典職
等謹將招接過回鄉來降花名數目各備造冊伏乞轉達

題敘等情到鎮據此該本鎮卷察前鋒等營并撫慰營自
崇禎肆年拾壹月起至崇禎伍年拾貳月終止通共接過
回鄉來降夷婦共壹千伍百玖名口內前鋒左營共接過
貳百貳拾壹名口原有叅將楊振任內接過壹百柒拾壹
名趙國志任內接過伍拾名皆錄監撫道及本鎮驗發各
營食糧充伍此皆敢死之士若以之破敵何所不勝雖然
歸來之有自亦諸將善能招接之所致也又察得

大明會典內壹款各邊虜中逃人口每歲總兵官招至柒百人
以上叅將至肆百人以上守備把總備禦官至叁百人以
上各陞壹級今計壹歲招至壹千伍百有餘似與會典相
符又且年終理宜彙報既經諸將呈請相應會議察帑代
題以勵其後也等因到臣該臣看得捌城鳩聚生齒未繁核
經制之額且招且練比他處更難足矣今諸將所招夷漢
丁共壹千伍百玖名口既能攜虜之黨斯爲我用又加精

健善鬪而非市井柔弱之人其援

會典之例以求加級良非無因也其合例與否級應加否統候
聖明

勅下該部詳酌以鼓舞邊臣而非臣之所敢妄言也既經該鎮
移會前來理合具

題

崇禎陸年正月初拾日

拾肆日奉

聖旨兵部知道

監視大同糧餉兵馬邊牆撫賞等事太監臣劉文忠謹

題爲請裁可以節省之公費用佐至緊之軍需事該臣察得

都司庫錢糧卷宗內有尖丁銀兩一項係各衛所交納於都司庫每年額解該銀肆千伍百餘兩以供各衙門公費支用近因年歲凶荒人丁消耗每年徵納不過壹千伍陸百兩不等及察每年額用不下陸千兩有餘而額外交取不計焉除收外每歲多使銀肆千伍百餘兩皆係那借市本等項銀兩以致正項之需反供不急之費所以軍前每每稱乏諸事以致廢弛况外解催運不至屯糧拖欠甚多軍腹枵而庫如洗馬匹缺而甲兵朽雖整頓有心奈點金無術在本鎮旣無可處之物力在

朝廷又無可請之金錢如不於一切虛糜冗耗中裁減浮費而撙節之畱爲整頓兵馬之用臣恐因循怠泄日復一日而罷憊更有不可言者矣

皇上雖欲責其整飭而臣下抑將何術以仰副也此臣所以不避嫌怨針頭削而錙銖積急圖節省以爲公家計也臣謹將應在都司庫支取公費每年額用銀內量事裁減其冗費者全裁其應給者炤舊其可以節省者裁減壹半每歲該節省銀叁千壹百陸拾柒兩涓滴積之畱作公家之用於軍

國未必無補除臣仍將各處虛糜冗耗應裁減者待臣察出另行奏

請外今將每歲尖丁銀兩原用數目并今裁減數目謹開列於疏恭請

聖覽該臣看得各衛尖丁應解銀兩拖欠甚多今所入每年止壹千伍陸百兩所出則陸千兩有餘今雖裁減叁千餘兩每歲尚該用銀叁千餘兩除徵收壹千伍陸百兩之外尚缺壹半不免仍行那借終於正項有虧伏乞

皇上勅下撫按嚴催拖欠及以後各衙門公費止候火丁支用
如有不敷經管官員不許擅行那借別項錢糧如違容臣
指名題參是裁減中而又寓傳節意也

計開

一火丁每歲各衙門額支公費等項共該銀陸千貳
百伍拾壹兩捌錢肆分捌釐內

軍門每年供應銀肆百肆兩壹錢如遇閏月加銀
叁拾叁兩陸錢伍分今應減壹半

協濟官承廩給銀貳百肆拾兩如遇閏月加銀貳
拾兩今應減壹半

撫院門下本房兩班工食每年春秋貳季共銀貳
百肆拾兩今應減壹半

月米銀每月叁兩伍錢柒分捌釐共銀肆拾貳
兩玖錢叁分陸釐如遇閏月加銀叁兩伍

錢米分捌釐今應全減

分巡道每年炭價銀壹百兩捌錢今應減壹半

總鎮衙門每年該解

廩給銀米拾伍兩應炤舊

京紗書案銀肆兩伍錢玖分伍釐應炤舊

油燭銀捌兩肆錢壹分貳釐今應減壹半

炭價銀陸拾兩今應減壹半

紙價銀玖拾壹兩米錢陸分肆釐今應減壹半

柴薪銀米拾貳兩今應減壹半

總鎮門下掾史每年廩給鹽菜衣服共銀壹百米

兩陸錢伍分今應減壹半

標左營叅將每月廩給銀叁兩共銀叁拾陸兩應

炤舊

前後廳油紙銀貳兩每年共銀貳拾肆兩今應

全減

標右營遊擊每月廩給銀叁兩共銀叁拾陸兩應

炤舊

又每月月紙銀壹兩共銀壹拾貳兩今應全減

邊兵營遊擊每月廩給銀叁兩共銀叁拾陸兩應

炤舊

又每月月紙銀壹兩共銀壹拾貳兩今應全減

西遊兵營遊擊每月廩給銀叁兩共銀叁拾陸兩

應炤舊

又每月月紙銀壹兩共銀壹拾貳兩今應全減

正兵中營叅將每月廩給銀叁兩共銀叁拾陸兩

應炤舊

又每月月紙銀壹兩共銀壹拾貳兩今應全減

正兵左營遊擊每月廩給銀叁兩共銀叁拾陸兩

應炤舊

又每月月紙銀壹兩共銀壹拾貳兩今應全減
正兵右營遊擊每月廩給銀叁兩共銀叁拾陸兩

應炤舊

又每月月紙銀壹兩共銀壹拾貳兩今應全減
掌印都司每月公費銀米兩米錢壹分每年該銀
玖拾貳兩伍錢貳分應減叁拾貳兩伍錢

貳分

又每月廩給銀叁兩共銀叁拾陸兩應炤舊
又每月月紙銀叁兩共銀叁拾陸兩今應全減
管屯都司每月公費銀伍兩肆錢肆分每年該銀
陸拾伍兩貳錢捌分應減貳拾伍兩貳錢

捌分

又每月廩給銀叁兩共銀叁拾陸兩應炤舊

又每月月紙銀壹兩伍錢共銀壹拾捌兩今應
全減

巡捕都司每月公費銀伍兩肆錢肆分每年該銀
陸拾伍兩貳錢捌分應減貳拾伍兩貳錢
捌分

又每月廩給銀叁兩共銀叁拾陸兩應照舊
又每月月紙銀壹兩伍錢共銀壹拾捌兩今應
全減

神機營每月月紙銀壹兩共銀壹拾貳兩今應全
減

都經歷司每月馬夫銀貳兩共銀貳拾肆兩今應
全減

又每月月紙銀壹兩貳錢共銀壹拾肆兩肆錢
今應全減

斷事司每月馬夫銀貳兩每年共銀貳拾肆兩今

應全減

又每月月紙銀陸錢共銀柒兩貳錢今應全減

前衛經歷司每月祇候銀貳兩共銀貳拾肆兩今

應減壹半

後衛經歷司每月祇候銀貳兩共銀貳拾肆兩今

應減壹半

前衛掌印每月月紙銀壹兩共銀壹拾貳兩今應

減壹半

後衛掌印每月月紙銀壹兩共銀壹拾貳兩今應減壹半

各

王府故宗祭壇銀每年約用銀壹百餘兩原無一定之例

春秋貳季祭祀武廟馬王廟龍雷神開操揚兵等

項約用銀壹百貳拾餘兩應照舊

屯司燈籠夫肆名每月工食銀貳兩捌錢共銀叁拾叁兩陸錢今應全減

前後貳衛孤老口糧每月每名銀叁錢共銀叁拾叁兩每年共銀叁百玖拾陸兩外食布花銀叁拾叁兩應帑舊

兩司每年輪進

萬壽表盤纏公宴銀陸拾叁兩捌錢叁分應減貳拾叁兩捌錢叁分
又馬匹什物燈籠等項銀貳兩醫獸銀伍兩應帑舊

按院衙門每年給賞書吏門廚銀壹百米拾餘兩
犒賞等銀壹百陸拾餘兩旗幟執事等件
約用銀貳拾兩餘又攤認供應銀壹貳百兩不等今各應減壹半

督撫鎮道該都司每年終置送旗幟及新年門神

等項共用銀壹百伍拾餘兩今應減壹半

鎮守衙門給進

冬至

正旦

萬壽千秋表箋并都司撰表盤纏主員工食綾紙等項約用銀

伍拾餘兩今應減壹半

督撫兩院每年凡遇陞任加銜置送旗幟等項每

院約用銀壹百伍陸拾兩今應減壹半

戶部陞任置造執事用銀肆兩餘應炤舊

巡道陞任置造旗幟約用銀叁拾柒捌兩今應減

壹半

鎮守衙門陞任置送旗幟等項并修理衙門約用

銀貳百柒拾餘兩今應減壹半

撫院每遇年終犒賞官丁約用銀肆伍拾兩今應

全減

撫院陸月初壹日送下半年旗衣大帽等項用銀

貳拾捌兩餘今應減壹半

都司叁衙門并經歷斷事新任家伙每員置買用

銀柒兩貳錢應炤舊

都司叁衙門陞任新任公宴每員用銀叁兩捌錢

叁分今應全減

前後貳衛每年鋪墊蓆壹百領用銀陸兩今應全

減

大同縣每年攤認協濟供應銀貳拾伍兩今應全

減

如遇科舉年分府縣兩學生員赴山西科舉盤纏

銀叁百兩餘膳錄書識工食銀貳拾餘兩

今應減壹半

書院每年修理工程物料攤認銀約用叁伍拾兩
不等今應減壹半

如遇處決壹次解送宣府萬全都司庫攤認銀壹
百餘兩今應全減

都司刑房寫字書役盤纏銀伍兩今應全減

科武攤認宣府萬全都司約用銀叁百餘兩不等
今應全減

銀億庫庫役工食每季給銀壹拾兩伍錢每年共
銀肆拾貳兩今應全減

如遇荒旱祈禱

雨澤祭祀豬羊供獻約用銀米捌兩不等應照舊

大同府倉場斗級每年攤認銀肆拾兩今應全減
管局造錢都司王從謙每月廩給銀叁兩叁錢叁
分叁釐共銀叁拾玖兩玖錢玖分陸釐今

應全減

管造作都司黃士基每月廩給銀陸兩共銀柒拾

貳兩今應全減

管造作守備周顯每月廩給銀貳兩肆錢共銀貳

拾捌兩捌錢今應全減

管造作火器千總楊自義每月廩給銀壹兩伍錢

共銀壹拾捌兩今應全減

撫院門下聽用

原任副將麻承宣每月廩給銀陸兩共銀柒拾

貳兩今應全減

遊擊劉應科每月廩給銀陸兩共銀柒拾貳兩

今應全減

遊擊陳虞每月廩給銀陸兩共銀柒拾貳兩今

應全減

都司鄭之鳳每月廩給銀壹拾兩共銀壹百貳拾兩今應全減

加銜都司李有恭每月廩給銀貳兩共銀貳拾肆兩今應全減

總鎮門下

旗鼓馬呈祥每月廩給銀叁兩共銀叁拾陸兩應照舊

提塘官潘應極每月廩給銀叁兩共銀叁拾陸兩今應全減

每年曆日紙價銀壹拾柒兩餘今應全減

按院閱操酒席銀壹拾兩伍錢玖分今應全減

祭祀林何貳鄉宦祠堂銀伍兩餘今應全減

如遇地方孝子節婦奉

旨建立牌坊用銀叁拾兩今應減壹半

如遇科武年取中舉人每名折花紅銀叁兩應炤舊

外公宴酒席銀貳拾兩餘今應全減

每年造寫各項賢否年終文冊紙張約用銀壹拾餘兩今應減壹半

每年造寫勘合

奏繳文冊紙張綾殼盤纏赴京等項共銀貳兩肆錢貳分伍釐應炤舊

每年赴後府類造

奏繳文冊夾板包袱紙張盤纏銀貳兩貳錢肆分應炤舊

每叁年炤刷文冊紙張盤纏銀伍兩應炤舊

按院每年臨鎮審錄處決囚冊紙張銀貳叁兩不
等應炤舊

每年終各監囚犯每名賞米伍升炤時價估約用

銀伍陸兩應炤舊

恤刑主事每伍年到鎮審錄壹次攤派供應銀貳拾餘兩不等應炤舊

又斷事及前後貳衛造寫囚冊用過紙張銀貳叁兩不等應炤舊

銀貨庫每年月紙銀柒兩貳錢應炤舊

聚落每年公費銀肆拾肆兩今應全減

都司每年捌房科并經歷司木炭價銀壹拾兩今應減壹半

正兵營肆哨千總油紙銀叁兩陸錢今應全減

春秋貳季祭紅夷將軍等砲用銀玖錢餘應炤舊每叁年用鎮戍紙圖冊捌本用銀壹拾伍兩壹錢

餘今應減伍兩

如遇中式武進士牌坊銀貳拾兩今應減壹半

新任都司補修衙宇約用銀叁拾兩今應減壹半
按院每年復

命用紙圖冊壹拾本并黃紅青冊用銀壹拾兩伍錢今應減伍

兩

每叁年察盤絹圖貳本用銀壹拾伍兩玖錢餘今
應減伍兩

每叁年赴京領闔鎮胖襖委官領造冊紙張盤纏
等銀壹拾柒兩叁錢餘今應減伍兩

每叁年用議事絹方圖柒本紙張銀壹拾壹兩玖
錢餘應炤舊

凡遇各衙門行文取冊葉圖每本用銀叁兩方圖
每本用銀壹兩餘應炤舊

凡遇各衙門修置執事等件并補修微小工程皆
用尖丁銀兩今應金減

凡遇互開大市市竣經管撫賞人役捌名每名犒
賞銀貳兩共銀壹拾陸兩今應全減

每遇經年盤銀貨貳庫造冊預備察盤約用紙張
并契米銀肆伍兩不等應炤舊

每遇燒荒

勅到動銀壹拾兩餘今應全減

每遇宴樂

勅到動銀壹拾貳兩餘今應全減俱於撫鎮衙門處給

已上共裁減銀叁千壹百陸拾柒兩

崇禎陸年正月初陸日

拾肆日奉

聖旨據奏具見剔蠹奉公內如文武各有俸廩進表例給郵符
何得借名公費盤纏輒圖潤橐其間一切裁節未盡的再行
酌汰如別有私派冒支舉來處治尖丁銀依議嚴催解納別

鎮有無此項著各監視察奏該部知道

總理戶工兩部事務司禮監等衙門太監等官臣張彝憲等謹
題爲解銀輕重不同應分別勸懲以勵人心事臣等於正月
初拾日赴新餉銀庫同專理主事周詩雅收兌兩淮運司
差官鄭元卿解崇禎伍年新增遼餉積引贓罰等銀共陸
萬玖千兩除正數之外多出銀貳拾肆兩收河南差官沈
如解崇禎伍年加派優免等銀共米萬兩每秤兌少叁肆
兩不等共掛欠銀壹百捌拾陸兩收鎮江府差官羅一蘇
解崇禎伍年加派等銀共壹萬貳千陸百肆拾米兩每秤
兌少肆伍兩拾陸米兩不等共掛欠銀壹百陸拾貳兩除
一面押令貳官烙印數各補納外臣等詢問短少之故各以
本地方發解爲辭苦稱賠累案察去年貳月內因河南解
官馮有義解銀短少已題奉

欽依通行申飭去訖迺省直之奉行有少而違玩者多如兩淮
運司解銀於正數之外兌出餘羨是奉法惟謹者也如河

南鎮江貳處差官於正數之中各虧欠如許是弁髦功令者也若不分別勸懲何以激勵人心相應具題伏乞

皇上勅下該部將兩淮運司印官并解官鄭元卿炤例紀錄河南布政司鎮江府各印官重加罰治仍申飭各省直以後一應發解銀兩炤部頒法馬每伍拾兩壹錠足色足數鑿鑿官役銀匠姓名另封樣銀壹錠并填註鞘冊以便驗收不得仍前短少數目使解官藉口賠累違者指名叅處則內外畫一而收放亦易矣

崇禎陸年正月拾壹日

拾肆日奉

聖旨解銀短少該司府印官明屬違玩著該部議罰欠數卽著原解官補納兩淮運使及鄭元卿准與紀錄其起解錢糧遵炤原頒法馬併色數樣銀等項事宜著再行嚴飭違者叅治不貸該衙門知道

工部尚書臣周士樸等謹

題爲西北之綢繆宜豫東南之行伍宜實并繪軍情之苦與器具之缺仰祈

聖鑒事營繕等卷清吏司案呈崇禎伍年拾貳月貳拾日奉本部送工科鈔出巡按直隸監察御史傅永淳題前事崇禎伍年拾貳月拾玖日奉

聖旨繕置器甲充補營伍奉有屢旨如何一任缺敝該督撫鎮道整飭何在併其餘各款該部看議具覆欽此欽遵鈔出到部送司奉此察得疏內除勾補軍丁給發糧餉應聽戶兵貳部議覆外其一築衝邊察鎮邊西北去拾伍里許有一水口正當宣府之衝望房卑狹不堪守禦且東臺旣無砲眼更欲就頽一有緩急何所憑以破敵臣爲宜將望房易以高聳敵臺仍於欲頽者更修之如左隅臺式庶克有用再察此口南可以通沿河馬水而東可以窺鎮邊白羊最

稱緊要細審山勢水口之外一峯突峙若於其上建一大臺多置大器以軍守之南捍水口而東護唐兒菴誠兩利之道也一製盛甲紫荊關雖表裏山河素稱

天險但一牆之外卽屬廣昌雲中一帶之衝此居其最且關內俱係平原直抵易州別無險阻臣操閱官軍察其盛甲非朽爛無用卽長短不齊亦何以自捍而斃賊臣爲應將節贖銀兩責令道臣亟爲打造合式盛甲務足貳千頂副領給衝鋒備卒以資破敵此亦勢之必不容少者一造船隻津門額設沙唬貳船數共壹百伍拾壹隻除敝壞無蹤者不論卽見在數隻盡成朽木一旦有急止有望洋浩歎已耳察今歲以偵勦登叛不得已將糧船先借陸拾隻續借叁拾隻前去者已不可問而後發者亦回信無期關門內外本色軍儲皆賴此船轉運關係是何如重大豈容以別項之缺今日借若干明日借若干乎况糧船額該玖百陸拾

隻見缺拾之貳叁儻轉輸萬一有誤寧堪此庚癸之呼耶
臣爲宜設法打造總一時不能如額亦當先造伍拾隻以
備戰哨之用萬勿仍左支右吾束手無措也等因俱隸本
部相應議覆案呈到部該臣等看得按臣傳永淳身膺巡
關之責心切綢繆之計列款陳

請誠有裨於備禦者也卽如疏議增廣卑狹之望房修整欲頽
之敵臺并於水口外建臺置器設軍防守皆爲要務及察
崇禎伍年玖月內該防守居庸關內臣謝文舉題議唐兒
庵築臺防守臣部移咨督治昌鎮樞臣侯恂又稱此口叁
面皆山無基可築臣部炤議覆

請奉有還著侯恂傳宗龍同王希忠確議具奏之

旨隨經咨會去後迄今尚未回覆今按臣所議總爲籌邊之策
然將作之政屬之臣部畚鍤之需隸之地方合無仍

勅督撫諸臣一併確議作速奏

請定奪至如盛甲爲軍士衝鋒之具而紫荆關乃

天險重地戰守宜固所需盛甲自當預爲修造以濟緩急按臣議動節曠銀兩責令道臣打造深爲得計案察先該計臣題明朋椿買馬節省製器不獨可行於保鎮而實可行於天下等因已於崇禎伍年陸月貳拾肆日奉

聖旨近來邊鎮請討馬匹器械殆無虛日既各有朋椿節省等銀何未見製買添補著會同兵工貳部通飭一體遵行仍著該撫按據實奏報以憑察覈欽此通行各該邊鎮撫按遵行訖今該鎮盛甲缺額合宜仍咨撫按嚴督鎮道著實舉行卽動節省銀兩炤式打造據實

奏報庶於軍需有濟而營務改觀若夫津門海防鎮海兩營舊設沙唬貳船壹百伍拾壹隻以防倭患自倭息兵裁而船亦朽敝不可用今貳東方值多事偵哨戰勦需船政急前此轉借運船雖曰權宜一時終恐挹此注彼反誤轉輸

按臣議先造伍拾隻以備戰哨項津撫鄭宗周亦請復兩營額船臣等與樞臣商確津門尚有船陸拾隻今再造肆拾隻以補湊百隻之數內沙船唬船各造貳拾隻先是造發東江戰船每沙船壹隻該價叁百伍拾兩今造貳拾隻計該銀柒千兩唬船壹隻該價壹百捌拾兩今造貳拾隻計該銀叁千陸百兩貳項共該銀壹萬陸百兩臣部併蠲交罄所事告訕况加此額外之費措處實艱但津門扼要之地中外同舟不得不求共濟容臣部勉爲措給行天津撫臣委官陸續打造濟用造完之日仍將工料錢糧造冊奏繳以憑察覈則於戰守之具有備矣若於此中再有節省是則督臣矢報之誼而臣等之所跂望也既經該司案呈前來理合覆

請恭候

命下臣部容臣等轉行該督撫按遵奉施行

崇禎陸年正月拾壹日

拾肆日奉

聖旨唐兒庵備禦事情已有旨了水口修築著督監各官速議以憑酌覆節曠銀兩見有若干堪造盛甲若干併向來作何支費著該撫按奏明津船給銀補造依議據原奏稱糧船缺借已多及舊額原設沙唬船數何竟朽敝頓盡也著該撫察明具奏

吏部尚書臣李長庚等謹

題爲缺官事文選清吏司案呈炤得江西布政使司右叅政
分守湖西道駐劄臨江府周汝弼陞任員缺合當推補察
得前缺原係布政司官管理間以按察司官帶銜兼理案
呈到部炤例推舉得江西按察司副使黃承昊年肆拾捌
歲浙江嘉興府秀水縣人中萬曆肆拾肆年進士肆拾柒
年拾月除大理寺右寺右評事天啓伍年肆月考選吏科
給事中陸年叁月陞刑科右給事中本年玖月奉

旨削了籍爲民當差仍追奪誥命柒年拾月奉

旨酌量起用拾貳月起戶科右給事中崇禎元年拾貳月陞工
科左給事中貳年玖月陞河南按察司副使清軍驛傳拾
月准吏科手本叁年貳月本部題奉

欽依加陞本省布政司右叅政兼按察司僉事炤舊管事肆年
陸月陞福建按察司按察使兼布政司右叅議分守建南

道伍年叁月郵符頒發奉

旨降貳級調用本年肆月降江西按察司副使兼布政司右叅議分守嶺北道堪以調任擬將本官仍以按察司副使兼布政使司右叅議調補管理前項地方事務恭候命下本部給憑行令到任管事

崇禎陸年正月拾貳日

拾伍日奉

聖旨是

吏部尚書臣李長庚等謹

題爲職方久任逾期堪代擇人已再伍咨酌推以信

明旨事文選清吏司案呈崇禎伍年拾貳月貳拾貳日奉本部送准兵部咨前事內稱職方遷轉之舊例與郎中李繼貞歷任之辛勤見於前任部堂之壹疏肆咨者業已詳哉言之本部不復再贅惟恭繹

明旨謂須擇有堪任之人方可陳請而備考前咨堪任不止壹人也又謂銓曹豈無使能久任之法而本官再滿再逾垂及叁年不待使能之法也今日卽量移一秩亦似不爲優煩炤先今疏咨事理蚤爲酌推等因到部送司案察崇禎肆年陸月內該兵部題爲職期已滿等事奉

聖旨職方有關邊計堂上官亦須擇有堪任的方可代爲陳請若但稱勞稱例銓曹豈無使能久任之法還著酌議具奏欽此續於肆年捌月內准兵部咨爲酌議職方陞轉等事等

因又於伍年貳月內准兵部咨爲職方資勞已深酌議陞
補事內稱本官清執自守積資壹年拾月淹滯不代

功令人情俱屬未協而以胡鍾麟曾化龍堪繼其後等因又於
伍年伍月內准兵部咨爲職方資勞已深參咨酌題等事
內稱本官歷任兩期事劇勞倍艱虞之時嫌怨之地逾格
久居獨賢堪念等因又於伍年拾壹月內准兵部咨爲職
方兩踰瓜期等事內稱本官以清執之品懷開濟之思晝
夜拮据心手爲瘁兩期已逾叁咨未覆雖薑桂自甘不無
積薪堪念察前咨外又有員外鄒毓祚堪補不患職方握
篆無人等因各在案察得職方郎中舊例壹年任滿無過
酌陞京堂今察李繼貞於天啓初年已任職方後遭璫禍
摧折肆年於崇禎貳年肆月復起職方通計資俸在曹郎
中無如其久卽掌印垂及叁年亦數拾年所曠見至於砥
礪廉隅拮据夙夜歷任部堂俱爲稱許祇以繼任難其人

所以屢咨陞轉未經

啓事今據樞部再四咨稱胡鍾麟鄒毓祚等堪爲其代是與前歲所奉擇有堪任方可陳請之

明旨相符矣均勞逸而信

功今臣部寧能置不覆乎本官資俸兼深勞勩尤最卽酬以肆品京堂似不高過但察無見缺止有尚寶司缺司丞壹員乏人管理合無令本官仍以尚寶司卿回司管司丞事遇有肆品員缺卽爲推補庶賢者可免獨勞之嘆而新繼者亦必克壯其猷矣案呈到部既經兵部移咨該司察呈前來相應題

請合無將李繼貞仍以尚寶司卿回司管司丞事遇有肆品京堂卽與陞補恭候

命下臣部行令欽遵施行

崇禎陸年正月拾壹日

拾伍日奉

聖旨疆警方殷李繼貞習諳樞務著煇舊管事俟寇戢事寧另
行論敘

兵部尚書臣張鳳翼等謹

題爲仰體節省

聖懷并減義兵銀兩以充兵餉事車駕清吏司案呈奉本部送准薊遼總督傅宗龍咨前事內稱炤得本部院衙門止有義兵銀一項原額戶部伍千兩兵部壹萬兩共壹萬伍千兩崇禎元年拾貳月間該總督喻安性題裁陸千兩戶部止解壹千兩兵部止解捌千兩共玖千兩俱先壹年解發以充次年之用題奉

欽依在卷崇禎伍年正月間又該前總督曹文衡題省貳千兩止該銀柒千兩而每年所額用者已餘陸千兩有奇至額外斬級之紅賞會彙移咨之小賞各衙門往來之禮待皆取給於此今察崇禎伍年分銀已經前部院用盡前據賞功經歷薛萬安呈稱拾壹月中旬以後錢糧罄盡而諸費不貲又刻不容緩合請察炤先今事理將陸年分應發義

兵銀解運至鎮以濟急需等因到部送司案呈到部察得該鎮義兵銀兩每年額發於戶兵貳部以備犒賞等項之需在臣部應發者節經題裁歲以陸千爲額矣乃前督臣曹文衡領到之伍年分銀離任奏繳業僅存肆百餘兩則新督臣向後急需自不得不仰資於續發陸年分應發之陸千兩所應速給以充該鎮鼓勵之用既經咨請前來相應題

請恭候

命下臣部劄行太僕寺動支馬價銀陸千兩差官解赴薊遼總督衙門專備崇禎陸年分操賞等項之用完日造冊奏繳仍先取實收咨部察考施行

崇禎陸年正月拾貳日

拾伍日奉

聖旨是

乾清宮管事忠勇營副提督御馬監太監臣康朝謹

題爲蠹國欺

君殃民騷驛謹據實直糾仰祈

乾斷亟剪蠹賊以肅軍機事竊惟狼莠不除則嘉禾不茂巨蠹
不剪則法紀何伸臣以菲材謬叨重任非止營伍訓練靡
不兢兢卽凡遇外差有關軍務者亦莫不過爲杞慮今訪
得本營中軍李正芳等領運胖衣一差大可駭異臣職司
提督敢不有聞入

告乎崇禎伍年拾月拾叁日正芳等奉差登州押解胖衣弓矢
等項錢糧原係該部撥給所車挨站倒換誠爲緊急軍需
不容一刻緩者乃正芳等視郵驛爲奇貨侮

明旨如弁髦每站止用車肆拾捌輛餘車拾伍陸輛串通把牌
劉思亮崔進朝硬弓張懷玉鄒進壽併該部委官劉時利
等捌員挨站折銀瓜分仍將獻縣生員丘成羸車貳輛自

河間府竟抵登州以致丘成來

京待稟口稱正芳等沿途得過折車銀千有餘兩挾而索之
正芳畏懼敗露隨付成銀壹百伍拾兩劉思亮等肆員付
成銀伍拾兩劉特利等捌員付成銀壹百兩共付銀叁百
兩以掩丘成之口殊不知愈蓋而彌彰矣該臣看得挾續
遠頒其典不爲不重驛遞疲苦

功令不爲不嚴而正芳等在途則有

欽賞盤費之銀各官仍騎自備之馬復敢倡利侮

目擾害地方且狼藉多贓皆屬民脂羣然吞噬法紀何存此真
城狐社鼠之姦正芳之罪不勝誅矣伏乞

勅下該衙門研刑追贓如律正法庶

國憲昭而軍機肅驛困甦而民生安矣

崇禎陸年正月拾壹日

拾伍日奉

聖旨李正芳等及劉時利等都著東廠拏來究問立成一併提
質具奏該衙門知道

吏科左給事中臣阮震亨謹

題爲政本關係最大銓務修舉當新謹摘徇飾病源以圖更
始事竊惟

國家長治之要用人行政二者而已用人行政之本則輔臣
冢宰是已故四方綱紀法度之總出之

王言曰如綸如綍則輔臣之稟擬當與

帝心合而後可以大服人心臣工兵農禮刑之任秩之銓宰曰
如衡如鑑則吏部之舉用當以專職任而後可以策勵衆
職若今日之手代

天言者良有可商臣竊見其擔當少而將順多也凡

君德

國體之大關係責之輔臣者獨重苟謀斷之所能及卽秉獨
力以定是非之衡執大體以成匡救之美而器識彌彰擔
當斯見故

旨意擬議之間正當切保奉持危之慮若夫每一發票而以射覆爲嘗試每一改票而以迎合當小心豈古大臣引裾補牘浴日回天者固如是乎且

睿慮淵弘非尋嘗所可臆擬

帝德如春而測之以秋

聖心如

天而闕之以管則事機詳略重輕之際便不能虛衷以求其至當
若不經

聖明鑒裁則毫釐千里之間其爲臣下臆見之轉揣而轉失者
可勝道哉人見今日綜覈之治幾於察淵遂致望於

聖明之寬大而實不知政府之以水濟水以火濟火者爲未盡
得調變之實用也此臣所爲政體慮者也至於銓司之流
弊抑又可異矣

國家張官置吏設吏部以統百司用人是其職掌特虞其私

壅也故有各部院之採訪虞其偏徇也故有九卿科道之會推然公道是非之所在衆得而參之職掌功罪之攸關衆不得而分之邇來天下日苦多事

朝署日嘆乏才而天下仕者又大半求進而復避咎者也腹料嘗見其多邊才偏覺其少捷轉競見爲榮受事遂言爲苦吏道委蕭斯已槩見所恃吏部持公心主定見自處於灼然可信之地而天下人才受進用焉夫何有如盲倚杖如聾捫籥平日漫無主張臨時憑人線索夾袋旣空葫蘆從事每以手眼近徂之人當軍

國鴻鉅之寄且有明知不可寬假而冒昧啓事幾幸於詰問之所不及回話之可借端一經奉

旨詰問遂刺刺謂是壹貳年前諮訪冊內某某之所共爲稱許而因之以推用者也我不任受罪也嗟乎典衣典冠細務尚有專職況吏治何等重大而徒然借訪冊一紙作護身

之券辦回話一著工飾却之詞當官不以不知人爲惠持
論又以不沾事爲巧坐使

聖明以不得人爲己憂而吏部享好做之號若然則
天子主吏事足矣安用吏部爲哉總之用人之功過確有專責
陳年之訪冊不必拘牽用人之人無擔當何怪乎魚魚廩
廩卒不得享真才之用也此臣所爲吏治慮也我

皇上銳意圖治大小詳要諸務固應畢舉然必責其大而小者
自集提其要而詳者自理若徒操切於壹事壹人之微而
苟且塗塞於根本之地徇飾相仍積痼不起卽煩

聖明之宵旰於事亦鮮有濟臣故爲之慎樞機明職守願
皇上垂察而嚴飭之也

崇禎陸年正月拾叁日

拾伍日奉

聖旨輔臣職在佐理凡章奏擬議自應詳慎確覈聽朕獨裁有

何揣合偏徇至銓部用人若無旁持私囑一任虛公諮審豈
患乏才乃向來推舉不當的科道官何未見一言陳年訪冊
不許藉口濫推已有旨了該衙門知道

禮科給事中臣盧兆龍謹

題爲微臣奉

差事竣謹將經歷地方見聞入

告以備

聖聽事臣蒙

欽遣

冊封

岷藩幸成

典禮往返道途萬有餘里目民生之困苦思繪鄭俠之圖覩兵
事之倥偬欲借賈生之筋至

藩服宗親尤關職掌有聞不

告隱忍非忠謹將經過湖廣河南兩省得於目擊耳聞者敢爲
皇上瀆陳之蓋三楚舊稱魚米之鄉而大國之遺也臣經武昌
岳州長沙衡州寶慶民間土田近山者砂礫相雜樹藝爲

艱近水者湖泛靡嘗滄桑倏改而錢糧則派自加餉以來
王祿贍田

藩工等項比舊額倍加焉問閭無完緝之居郡縣少報滿之
吏官司相見無不攢眉詢之漢陽諸郡大約皆然此楚民
貧困之狀也則加派之論糧論畝當商也楚辰州土司臣
測鎮草兵悍難馴寶慶夷人雜處州縣單弱無兵衡郴界
在萬山每爲盜數九連山賊流禍桂陽旋及江右臣鄉之
兵與閩合力擒魁殲黨破穴焚巢督按所報誠爲不謬目
今贛撫方行會勦肆省徵兵臣就楚言楚見督發之檄抽
及各縣民快不惟無兵併且無餉內自空虛而外赴遠援
非楚之利也宜從地方起見只可各圖善後分地禦防卽
奉有會勦之

旨不妨酌量情形明白入

告暫爲休息酌用權宜此因楚而推之肆省當商也臣行次岳

州始聞遼宗之事深以爲駭沿途細訪道路之口咸謂惡宗楚乾等盜情最真見有地方官獲賊可據而參宗之死也有謂本宗自知不免而投水死者有謂衆宗之善者恨其汚鱗

天潢惡者慮其被害及已而逼之死者有謂衆宗平昔忿怒縣官因而逼死以爲難端者臣謂該道府縣毋論盜情真偽當先具啓

惠王以聽親藩之令然後據情直審以執

祖宗之法情真罪當卽

親親之誼有時而窮豈其黨附狂竄便可鈐制則昔年楚宗殺撫之事可鑒也所當嚴爲法禁者也中州夙號沃野之區而腹心之地也臣經衛輝一帶地可流沙滿望無種開封汝寧前年水患陸地行舟去歲連霖水高於樹城郭居民盡行傾倒野無青草道有流離斗米之價值錢貳百柒拾

文縣驛具食臣食且不下咽州縣之官面告臣曰奴患以
來買鉛買豆皆無銷算地方少稻且不通舟每年漕運原
議米壹石折價米錢貳分委官至臨清德州買糴交納向
皆無誤今年臨德貳處米價每石貴至壹兩叁錢州縣之
官何從賠補若是乎其費累之多也臣謂災祲之地民不
聊生卽不望賑望蠲而督催之令不可不少寬示恤也晉
賊披猖突破修武道路傳聞黨衆拾有餘萬姦細流佈聲
欲與登賊相連河北百姓旦夕驚惶莫必其命撫臣樊尚
璟移駐懷慶集兵堵截民心始安不然鶴唳風聲又爲殘
晉之續矣然而毛兵驕悍無用從新召募措餉實難

皇上重念封疆

准畱陸萬不爲不多大約至今已無餘矣久駐則老師匱財進
勦則賊衆我寡所當

責成晉之督撫相機約會速爲剪滅毋貽腹心之憂也

唐王構釁事屬駭聞臣未履其境不知其詳然

唐王固多年孤孽不得於其祖與叔者也孰孰初安

新封始定不待剖辯之畢固知其無逆謀然聞

本王於地方官民不甚相安於

郡王宗室每行修怨叢疑致謗端厥所繇縣官蔣維芬身在
地方不能調停反行煽禍萬一激成他變其罪可勝言哉

幸賴

皇上仁明洞察疑釋謗消存許多

國體今

安陽福山諸王誣訐當罪而勘案未成或可從寬酌議以永

杜相尤之釁也天下大政莫過於

親親仁民治兵參者臣奔走往還不敢不以所見所聞入

告以備

省覽仰臣固于役

封岷者也連日在科辦事見

岷王爲

祈陽王

請父祖追封爲

綏寧王長孫

請補造

王印喜王之能釋舊憾而修和於宗族也亦善體

皇上督念親親之一端也顧

岷藩府庫空虛公家不足

王誠能節用愛人毋求多於

宗室州郡誠能約束官較毋生事而越境擾民臣奉

命而還願爲

岷王忠告毋寧長有令名以保世無窮者乎併請

皇上德音一申勉也

崇禎陸年正月拾壹日

拾伍日奉

聖旨錢糧派額已定豈得另商紛更至朝廷禮待宗藩自有典
制情法奏內各藩事情併四省防禦豫晉勦賊俱已有旨該
部知道

總理戶工兩部事務太監臣張彝憲謹

題爲嚴剔漕弊申飭法紀以重

國儲事竊惟臣才菲劣猥蒙

欽命總理戶工兩部錢糧靡不拮据勤劬竭蹶盡瘁仰慰

聖懷以靳無忝於厥職也今值多事之時軍需孔棘內外臣工
則當爲

國起見開誠布公傾心報効凡有利病卽當興除亟行調劑
共佐時艱臣自蒞任起至今止歷事壹年有餘所有漕儲
弊病最深今將密訪數事合宜列款芟釐嚴飭法紀則期
姦弊盡剔如有故違仍習積玩聽撫按院道卽行叅究重
處庶漕政有裨而於

國家裕儲矣伏乞

聖鑒勅下該部再加酌議覆

請一體欽遵施行

計開

一清交兌之源察炤漕例凡係糧米該管有司預徵收貯縣倉伺運船到日將米離倉壹丈貳尺曬揚乾淨方行公同運官較斛開兌奈邇來法弛弊生世豪抗霸將米不行上倉任貯私家令僮僕同官旗交兌恣意插和官旗少有憎嫌卽行毆辱有司偏庇反加嗔詈蓋衛弁賢否出自兌糧州縣恐遭中傷吞聲受兌雖盡惡之米不敢有言且各船四方分兌運官一身焉能遍察其納糧勢豪遇米價貴不肯納糧只圖省費卽與旗甲串同作姦折乾畫會貧旗無賴折價入手償債糧石假捏虛數朦飾一時及至臨倉交納旗甲脫逃運官賠累監比數年不能完償蓋以壹人而肩數拾人之侵累焉得巨資卽完公廩合乞通行天下漕撫衙門責令有

司將一應糧米預先徵收總貯州縣倉內不許勢豪抗拒以爛惡米色插和抵數及串同折乾如或偏徇擅違

祖制卽治有司以法庶積弊根清而漕規振肅矣伏候

聖裁

一剔盜賣之弊察得姦惡旗舵多有沿途盜賣正糧另買糠粃插和然在沿途則有積年勾引包賣之神棍潛駕小船伺隙偷運及到壩上又有串同盜賣之經紀多備口袋夾起於官糧之中巨姦大蠹莫此爲甚今欲制其盜賣必先清其源流凡在途行令有司巡緝到壩行令通糧廳巡緝如有盜賣情弊勾引之徒加倍重處運官如有通同作姦或知情不舉一併重治至於邊運淤船偷盜猶多神術插和更有奇方雖稠人之中能默運而去用犯

禁之藥能出倍於數然一經曬揚遂成灰土收於倉則蠹

國屏於外則累官此雖非官旗之弊其害尤甚於官旗者也應令經管它運分司等衙門嚴加察訪緝拏重治則盜賣插和之弊永杜矣伏候

聖裁

一嚴禁棍徒索債炤得運糧官旗例應司道遴選殷實者差之今則不然或曲徇情面或賣富差貧惟以備數官旗出運至各水次領兌糧石并給行月糧銀正得到手之日一切私債舊帳無壹人不來幫內逼討抽豐銀米易於花費侵漁欲其無欠不可得也古云慎始善終以後合當遵例掄審定差嚴飭押交完足兌明開幫勿容閑雜棍徒往來需索故違停滯宜催星速償行以釐積習如仍違玩

聖裁

參究重處庶漕糧無侵盜之掛欠矣伏候

一慎選旗綱領運蓋爲漕運糧米悉皆旗綱經手運官不過督押之責運官一奉

欽單卽行掌印官轉行各該伍官察取旗軍花名手本轉呈本衛僉選旗綱領兌此歷來成案邇來者運軍多遭累疲拾有玖逃但察

祖制運軍壹名卽有贍運田壹分或房地壹方免納稅租此朝廷恤軍德意卽軍逃而田地存尚可以支持奈何多被勢豪霸占日久難以稽察迄今雖有僉補皆是貧軍焉能領運及至水災多有串同糧長恣意作弊折乾運官一耳一目焉能遍察羣情此乃漕運致累之源况旗綱乾沒盜賣又兼食用花費沿途百事皆欲取足於此是以知其短少半路卽逃雖運官申

呈本處撫按衙門追提然吏書受賄置之高閣視
若罔聞及至交納短少而反將運官代受監比旗
綱安享私家法紀何在合應行漕運衙門以後如
有逃旗卽行有司著所伍親管官嚴拏解赴運所
繩以重法責令交糧如不拏解罪坐本官庶脫逃
之弊可剔而糧無虧額矣然此其壹也又有殷實
甲丁一聞僉定旗綱卽多方求脫廣置民田執伊
納糧丁票卽稱身屬民籍反告衛弁有司受伊賄
囑徑斷爲民反罰衛弁此其貳也次則富軍避運
多費銀兩夤買各要津衙役朝入而暮卽與衛弁
抗衡擅假威福衛弁力綿不但不能定之領運亦
且畏之如虎此其叁也至於以女與鄉紳爲妾求
其庇免或壹青衿而苦隱壹族是又嘗情矣捨此
貧軍幾何焉能當此重務應嚴

勅天下撫按大破情面盡釐積弊伏候

聖裁

一選運官當遵漕例竊炤漕例衛弁賢能方定掌印
掌印壹年卽更番領運如當年無欠回衛仍復掌
印以逸補勞此壹定成規邇來衛弁憚運其見掌
印者壹奉牌取運官卽設計寅緣巧卸於空閑之
員彼卽安享於家不但勞逸不均且倉卒任事何
以措置運務今後乞嚴加申飭如有畏難巧脫卽
繩以法庶勞逸均而姦計不行矣伏候

聖裁

一行月糧均宜速給每壹運船該運軍拾名撐駕額
設行月糧資苦食用以助挽拽漕儲編入會計徵
貯各府州縣庫內運船到次卽先給發責令船軍
買米置衣等費伺壹兌畢卽刻開行豈意經管吏

胥舞文作弊勒索加壹加貳膏例百計延緩至報
兌全完時刻難待只得開行可憐運軍晝夜撐挽
枵腹撐駕豈不蚕食正糧故船未抵壩之時不問
而知其糧已虧數矣運官囚禁追比屢請嚴檄催
提姦胥必期遂欲終束高閣每有漕事久竣空船
已歸而行月糧銀猶未半給者甚有盜侵乾沒屢
月經年竟成烏有者是上盜

國家之餉下殺官軍之命實此輩爲之也豈可不重懲而更
其積弊也伏候

聖裁

一缺船當補察炤漕例凡糧船在淮安清江浦廠打
造每逢拾年將原領運船還廠該廠卽發新船壹
隻裝運如造不堅固叁年之內損壞仍令該廠賠
補此

祖宗成例也邇來視爲末務衙役需索工匠刁難凡造發新船壹隻如無使用捌玖拾金不能有船俱稱無料是以年復壹年不能濟運皆是官旗自爲雇募民船每隻費價大者伍陸拾金小者叁肆拾金官軍貧困焉能措辦勢必蚕侵糧米可不速行申飭應令戶部轉行漕撫衙門嚴檄行清江工部嚴禁匠役需索察帑成例凡有船到廠卽爲造發不許時刻遲延庶漕運得速濟矣伏候

聖裁

一復徵本色以裕積儲竊帑軍

國重務糧儲爲先倉無積蓄實病空虛總有太公管仲不能借箸畫策干戈未休羽書旁午尚且掇括於額外而況於額內之正供本色乎所徵錢糧先經

祖制旣派本色繼後不得有虧於額內逮今再不未雨綢繆必至

臨渴掘井計慮及此大爲隱憂今察京通倉糧約共歲半支放京倉出入止有此數在於無事之時尚可支延夫以

都城重地豈容匱乏至於此乎捉襟露肘凜凜是虞察炤萬曆初年倉庾盈積貳拾年後雀鼠竊耗故有太倉懸罄倉廩困掃古人云叁年耕有壹年之剩玖年耕有叁年之餘今無兼歲之糧甚可寒心先年改折初爲水旱災傷權爲改折今以永改所以倉廩終年不足當初是誰作俑爲害運石卽察究處豈可不復原額實

國家第一要務速議而行爲今之謨在於遵復

祖制開徵本色及察漕糧肆百萬內有山東永折糧柒萬石河南永折糧柒萬石湖廣永折糧叁萬柒千柒百叁拾肆石柒斗南直嘉興縣永折糧壹拾萬陸千肆百

玖拾貳石陸斗玖升零鳳陽府泗州永折糧捌千伍百柒拾石叁斗零淮安府安東縣永折糧壹萬肆千柒百石揚州府興化縣永折糧貳萬石以上通共永折糧叁拾貳萬柒千肆百玖拾柒石陸斗零折於平時有積之日則可值今無餉空虛之時則不可均應遵炤

祖制原派本色米數開徵本色但天下衛所凋疲官軍困苦已極船隻難於猝辦官旗未易僉補合炤近年遼糧事例令各有司定委賢能佐領官員領兌如期解運亦一便也盤剝至大通橋水陸交衝之地轉運暫憇之間天時陰晴不測水腳經紀車戶人夫接運凡有偷盜插和稻皮沙土等弊希圖乘機推卸朦混正宜注意遵法摯驗必其姦弊盡釐而使糧無虧損以裕京倉仍將摯過掃積土米以爲修房墊

道之需期絕偷盜濕潤露積姦弊至於歲放京衛
官軍月糧折銀既無漕折之銀當於支剝輕齎并
太倉庫銀內通融湊放如此便可積貯因陳庶軍
需有備而

國計大有所賴矣伏候

聖裁

崇禎陸年正月拾叁日

拾伍日奉

聖旨這條列漕弊有裨釐飭該部詳議速覆

兵科給事中臣史可鏡謹

題爲奉

明旨所屢申補前疏所未悉謹條

上鄉兵伍議併及責成之人仰祈

聖裁以圖實效事臣可鏡竊見今天下民窮盜起處處堪憂不獨邊與海也頃曹濮賊黨焚劫郵村又見告矣臣前疏中已慮及此矣

祖宗於腹裏地方非不建衛置所然官軍大非其舊整棚久無其人況更有巖邑僻郡與衛所隔絕者乎雖省會有額兵撫鎮有標下亦爲數無幾鞭長難及迨至支東潰西之時纔來籲請

朝廷紛紛徵調計何左亦何晚也唐之府兵變而爲彍騎使其彍騎不廢縱府兵不復猶自無恙然則今日之團練鄉兵以佐衛所之敝救時急著必出於此然言者章滿公車矣

明旨屢經申飭矣曾見有實效否故臣曩者特爲考成有司之說然猶未悉也此事如欲設誠致行其中尚有可借箸者臣不揣謬列伍款惟

聖明裁擇焉夫鄉兵則先覓爲兵之人如宋時之保甲編選則近於擾矣竊計各處有種不農不工不商之人游惰自其性成勦力實堪驅策誘集之使成一旅虞詡已事可行也而又於土著戶籍中擇其有產而饒丁者量抽一二以補所不足大約酌邑之大小爲人之多寡多至千名少亦不下數百名且明示之曰用汝輩護守城池協防隣近耳非遠戍也而人心始怙如矣伏候

聖裁夫鄉兵則須求作兵之具宋時有質衣而買箭者故其當時謠曰兒曹空手不可以入教場然則一切刀槍弓戟銃楯之類從何措辦乎則須縣官大捐俸贖製給之而盡扣民壯捕役之工食以佐其費蓋以此兵旣設民壯捕役竟

可不用故也儻民壯捕役有堪畱者又不妨仍舊湊入而執銳披堅使成保障矣伏候

聖裁夫鄉兵則須講作兵之法市人予敵從來所譏必得數拾人焉素嫻伎倆略有身家者爲教師擇地定期演習攻打擊刺卽倣往代監押名色著令分隊鈴管毋得生事擾良犯者并坐則又紀律之當嚴明者也伏候

聖裁夫鄉兵則須謀養兵之餽一邑之內雖非千里餽糧豈堪百姓再派則須令縣官設處本色并申請院司道府各捐貲以助糴本乘年豐谷賤之時多買廣儲以米分備賑饑民以叁分畱餉壯士而又創立義倉勸諭鄉紳富戶輸粟上者百石次者數拾石明告之曰養兵正爲士民扞禦耳其破慳心以襄盛舉有樂助者巡方聞於

上鄉紳則加獎勵富戶則或給以冠帶匾額量免其別項差徭又鼓舞生息之道也伏候

聖裁夫鄉兵則須圖頓兵之地拾百成羣屯聚一處未能禦暴
先已爲暴此不可不長慮也則須分撥調度用若干守城
若干巡夜若干散布村落郊圻偵姦緝賊而餘者又於城
外空地量置舖舍數拾間爲棲止之地毋令其與廛市居
民伍則既得其奔走禦侮之力又預杜其囂譁起釁之端
無虞意外矣伏候

聖裁夫此伍者皆有司事也而有司不以爲事也平日忽忽悠
悠全副精神止用之橫徵火耗婪索賄賂獻媚上官納交
過客而至地方之修敕修備漫不留心一旦天災流行民
情蠢動強寇臨門專城失守便手忙腳亂甘心伏法而不
辭亦大愚矣而臣以爲與有司相近提撥甚易所當責成
之人者有二則各府之推官彼處之兵巡兵備道是也推
官作兩臺之耳目聳各屬之畏瞻前此非不例有察盤臣
不知其所察者何事所盤者何物也每到州縣不過叁日

僅收文卷飽吏胥而去至所稱兵巡兵備道者又日徒開門吶喊以示尊嚴而本等詰戎職掌未見實落自今以後惟官勿得遠委著令逐歲俟季於所屬各邑巡閱點核如所募之丁若何必執簿唱名問其年貌籍貫口中冊中兩兩合符方知非臨期倩應者如所積之谷若何必開倉剖囤逐一搬驗勿憑冊報而以兩者有無虛實之狀聞之該道該道又於所轄信地不時按部而伺察之取刑廳所開報者嚴加磨對轉以其狀聞之撫按儻有司怠玩於前項事宜全無料理者縱催徵額足撫字心勞懸魚却鰲之守馴雉伏虎之奇亦不准其報滿給繇則有司垂涎遷轉勢不得不畱心於此漢時守令咸稱漢將今何時也不講武備徒以簿書文墨了却官評夫惟以練兵之計弊吏以弊吏之計安民則天下幸甚

崇禎陸年正月拾壹日

拾伍日奉

聖旨該部一併酌議具覆

忠勇營中軍御馬監太監臣馮允昇謹

題爲直行一得仰祈

聖鑒及時簡練以圖萬全事竊聞

帝王之兵以全取勝愚者千慮必有一得臣自愧疎庸荷蒙
皇上養之隆

寵錫之厚復假鞭策佐視北平受職以來嘗思捐糜圖報奠安
危疆紆

聖明東顧之憂茲因臣堂官署理關寧以東協衝遠恐難遙制
具

題奉

旨下部著臣暫駐建昌加意偵備受茲

新命益切飲冰敢不竭盡心力綢繆未雨以杜外侮於未萌哉

顧臣於拾貳月初卽行邊察看各口俱出是烽都到主客
營兵逐名覈實申飭將領同心固圉現今駐劄建昌控冷

口極衝之路臣竊見石燕建叅路沿邊原有南北臺兵支更瞭望該關守備復有遠哨近哨橫撥豎撥諸路將領又有偵探兵丁撥所俱出貳百餘里之外臣時遣親信官丁督同尖夜嘗出關叅肆百里換籌遠探伺敵極密有警先知路兵堵截協兵策應有備亦可無患矣惟是叅路貼防之兵共拾有壹營制定精甯事兼修備似亦得策然臣伏思兵必練而始精守借戰而乃固今客兵止令防守不經練習萬一虜乘他路之隙入我內地勢必驅守作戰以無制之兵處易散之地必不支矣實非萬全之勝算也以臣愚見除叅路主兵足任偵備外擬將貼防拾壹營兵丁乘今日閒暇之時各擇近邊空闊之地日加操練勒習陣法熟演火器使可守可戰而必不可走更有標騎營都司蘭德所管馬兵壹千名乞

准隸臣標下練成精銳隨機策應諸營使馬步相生奇正如環

如是則先聲所播足奪敵氣儻遇敵格鬪亦藝高膽壯不
畏賊強無增兵益餉之煩而營營皆實用之兵矣至於盛
甲器械火藥鉛鐵子之類有不足者請討給發無使缺用
便可集事所謂全勝之策或在是乎臣身擔重任慮厯先
籌不敢苟仍格套致誤封疆故不避狂愚直行一得上塵
睿覽儻有可採伏乞

委任責成勿俾掣肘庶臣得竭駑鈍以報

皇上天高地厚之萬一矣

崇禎陸年正月初捌日

拾伍日奉

聖旨強兵必資習練其隸屬訓演亦須就便得宜這所奏卽著
監視會同該撫確議來說該部知道

監視薊鎮東協署理關寧糧餉兵馬邊牆撫賞事務太監臣張國元謹

題爲呈解回鄉事本年正月拾肆日亥時准寧前道塘報前

事開稱本月拾肆日辰時分據前鋒中營中軍傳起鳳報

稱於本月拾叁日酉時分據臺烽千總朱國政報稱據窩

駝鋪臺丁楊吉功押解東來難兵李友德等玖名到職該

卑職審據李友德供稱係騎兵右翼營紅旗上年凌河失

陷分與反叛佟駙馬下部落於本月初柒日從瀋陽起身

於大黑山進境看見東奴戰車梯子造完頭號梯子叁丈

伍尺高貳號梯子貳丈伍尺各王子俱著伯言達子披戴

盔甲在瀋陽城東試驗畢聞於拾捌日老憨要在橫河沿

岸驗看又傳各孤山牛廐速造蟒甲限貳拾日造完不知

往何處發兵等語該卑職先將本丁解赴總鎮審鞫發回

另解其餘捌名俱無口詞步行難速另文呈解等情到道

等因塘報到臣臣先具本題

知有無別情俟審明再
報

崇禎陸年正月拾伍日

本日奉

聖旨據稱回鄉口供奴賊窺犯與歷報相符各該撫監鎮道等
官著遵屢旨嚴行整備隨宜戰守仍密探的確情形星馳奏
報該部知道

[G e n e r a l I n
f o r m a t i o n]

书名 = 中国明朝档案总汇
8 1

丛书名 =

作者 = 中国第一历史档案
馆，辽宁省档案馆编

出版社 =

出版日期 = 2 0 0 1 . 0
6

形态项 = 4 2 3

页数 = 4 2 3

原书定价 = 5 8 0 0 0
. 0 0

读秀号 = 0 0 0 0 0 7 4
5 4 4 0 3

SS号 = 1 2 2 2 5 4 2
3

ISBN = 7 - 5 6 3
3 - 3 1 7 6 - X /

K 2 4 8 . 0 6 3

分类号 = 1 1 0 3 0 4 0

4 0 8 & s w = D 6 D 0

B 9 0 X 1 . 9 0 F 9 0

0 P - 9 8 5 3 7 B 3 -

0 X 1 . 6 F E 8 8 0 P

- 1 3 5 F B 5 B 5 B 0

B 8 D 7 D C B B 2 . 6

3 6 8 5 1 E - 3 0 8 3

+ 8 1

主题词 =

参考文献格式 = 中国第一

历史档案馆，辽宁省档案馆编．中国明朝档案总汇
8 1．南宁市：广西师范大学出版社，2 0 0
1．0 6．

简介 = 全国古籍整理出版规划领导小组资助出版：
《武职选簿》是记载明代京内外各卫所职官袭替补选情况的登记簿，本册收“五军都督府所属卫所．后军都督府．万全都司．开平卫”等。

封面
书名
目录
正文